

萬齊曆官訂全集

五弓

燕山秋吟

林臥遙集

採木雜咏

詩餘





P1-P42



燕山秋吟序

神京西望聳列翠屏自居庸以至太行相距千里起伏  
蜿蜒綿亘不絕其中有勝地焉巖岫幽深林木疎秀幾  
於徑路絕而烟雲通且多紺宇琳宮連霄插漢或衍平  
麓或踞高巔遠近逶迤上下登頓有漸引人以入勝者  
予竊怪夫都人士日逐逐於飄塵積穢中焦灼其心思  
卷躅其形體每遇翠巘當前丹梯峙後非不欲往從之  
而鞅掌勞神猥云無暇卽暇矣而婆婆庭戶究未聞動  
籃輿之興舉蠟屐之遊者然則何時而有縱目騁懷之  
樂也人生百年勝遊寧幾而隨地汨沒如此亦大可哀  
矣吾師漸岍先生少自黃山來天目稟其靈淑之氣風



骨峻起神明屹然壯而宦遊所歷在在有名山勝境供其嘯歌是以宏覽曠觀非復與一丘一壑者等邇歲以來暫辭青瑣蕭散江湖則又憇金焦踰泰岱襟袖之間並攬南北之勝及其復至漁陽則屏跡蓼庄有田野之趣而無車馬之喧雖仲長統之樂志不是過也茲秋至都下舍於郭外僧寮越數日卽肩輿入山遍遊名利所至多流連今昔卽事詠懷有各體詩一帙題曰燕山秋吟亦可謂具物外之烟霞抒胸中之礪魄者矣夫以都人士所終身不一至之西山而先生猶夸燕息其內飽歷其晦明朝暮雨風雲靄之狀固可以山間之所有傲紫闥黃扉之所未有矣然先生存猶燕息之地卽都人

士終身想慕而不一至者則更有人不得而忌卽忌而不得奪者焉豈不愜生平之大願也哉其爲詩也刻畫排奐類昌黎而縱橫變化獨往獨來則又得少陵之遺意蓋先生負不羈之才與其沛然之氣縱筆所如無復拘礙而平日沉酣書卷風騷而降爲漢魏爲三唐莫不貫穿研究故能萃其精華以成此一家言也亦詩人之傑已昔人論詩文必藉江山之助先生閱歷名勝以發爲文藻其工妙絕倫者山靈有以詔之也世人無此曠懷安得有此佳製歟然則是吟也於以見先生之雅尚必遇佳山水而始油然灑然耳於塵俗乎何浼焉昔庚午冬日受業朱星渚拜題於燕臺旅次



未嘗  
星齋

漢生  
宗齋

燕山秋吟序

十年龍塞五過燕臺客路三千愁絕望鄉之曲軟塵十丈驚傳去國之歌立雪門前關情師弟停雲湖上竚望

友生

聯期世兄  
時寓西湖

訪京洛之游踪半是平原賓客問寄園

之佳勝還疑渡口漁人每對景以茫茫輒臨風而悵悵

琬琰見賞圭璧同珍吾夫子夙標仙骨生具勝襟昔爲

廊廟夔龍今作山林園綺三十年梧岡花掖諫草常多

數千里野店旂亭新題欲徧途置鄭莊之驛往來但寄

詩筒句盈李賀之囊收拾都成錦字茲者薄遊北地偶

憩燕山藤杖芒鞋逢僧卽主竹牀茗椀作客如家蠟屐

探奇吞吐而瓌辭綺合籃輿選勝笑談而藻思雲飛托



楚宮蘭若以陶情李鄴侯本是烟霞之骨向白石青山  
而寄傲謝幼輿依然丘壑之姿半榻松風棊調綠綺滿  
庭花雨硯拂紅絲撫往蹟以流連抒素心而嘯咏莫不  
情淡一往句就八又月落屋梁間有懷人之什雲移潭  
影每多紀勝之篇句必窮力而追新聲傳金石情須極  
貌以寫物韻叶宮商長歌以續短歌爲胸中之草木山  
川獨開生面勝事而兼勝具使筆底之風雲月露洗盡  
浮華魚鳥冷而相親俯仰都成陳迹泉石紛而在玩新  
裁別有化工峰秀學山近看雲霞四罩瀾翻筆海寧止  
溪澗細流具此曠懷直與杜甫夔州之吟崢嶸千古抒  
其鴻藻豈僅孫綽天台之賦璀璨一時元遙羨探驪幸

邀窺豹舉頭見日今幸杖履追隨搔首問天得其棊尊  
問答敬題數語用誌簡端聊學少文四壁之游敢云元  
宴三都之序康熙庚午重九後二日三韓受業吳一元  
拜題於燕山見一軒



燕山秋吟目錄

漸岸趙吉士恒夫氏著

姪景麟道元訂

寓草橋慈廕寺 有序

早甚大雨驟降喜而賦此

子中和尚從五臺受戒來慈廕演法

楚僧方石歸故山贈行

家玉峰少宰挈榼過慈廕寺遠訪念前後同譜諸

公止吾兩人白頭相對信宿禪榻而別長句奉

贈以誌我慨

寄沽河司倉 有序





附汪農部我長和韻六律

五更出慈廕寺門口占

同僧文璽過門頭郵宿山麓

舊役從楊侍御止齋邸中來備陳侍御艱窘狀亦

佳話也詩以懷之

山中得胡中書鹿亭手簡及適可軒詩憶公車初

入都同先尊道南光祿公宿滕公寺今寺尚巋

然無一僧司香火感賦二律寄鹿亭

王子白民設帳都城懷我山居有今夜分看何地

月帝鄉不佳故人車之句即用原韻簡報

住萬安禪林四絕 俗名黃公菴

小飲見一軒山樓

遊延壽菴鮑宮監墓極弘厥

從見一軒徑路直躡山巔

獻櫻 有序

夜坐山樓受僧心朗齋供

坐石聽泉僧佐賢設供四絕

香山寺二律

坐棋盤石題句

臥佛寺

遊洪光寺有僧南音譚許刻知是吳人字自求為

解山和尚高足



苦行頭陀願修廢寺勗之

碧雲寺二律

登碧雲寺巔歸時觀魚池上

新寺

新寺高樓眺御園作

晏公祠

曉登龍泉廢寺山頂

宿弘教禪林

遊東麓望御園不敢近玉泉金山諸勝歷歷在目  
長歌記之

贈山中老圃

偃松

靈鷲寺遠眺

過杏子口

從善應寺登盧師臺半嶺作

過善應寺寺僧索題廡下羅漢口占絕句贈之

秘魔崖

過盧師山到龍潭作

重過表忠寺感賦

寺門蟠松

喜老僧佐賢新來住持滕公寺

子囑抃孫南行未得進庚午北闈痛哭山棲詩以



勉之

徹姪副榜報至寄以二絕

王宛先孝廉訪予萬安禪林信宿還都以七言十

絕贈行

玉華別院

遙奠張子韶 有序

同抃孫過海藏寺方丈

登鼎菴絕頂

爨巖一衲寢食此中五載叩之不應知其矢志靡

他也識之

早過後菴

歷覽證果龍廣諸寺吳公携榼至同宿清涼禪院

憇巖刹疲甚得家郵有感肩輿而還

憇小天寧寺過午吳公喜飲山半壺歌酒傾代為

惋惜

登圓通寺

舊平坡寺最上里許為寶珠洞

戲答牧豎

坐翠華亭

勝水寺

過功德廢寺

從中峰菴而下歷慈應崇壽宣化諸廢寺作

遊法海寺僧龍宇留齋



渾河 有序

由木市口登翠微山懋承恩寺

廣應廢寺

石景山題壁四絕句

登金閣寺

閣在石景山絕頂

山中日食糲養寺僧忽以玉泉新米見餉索詩題

見一軒壁卽事四律

散步萬安山麓

金山口

經舊墓園

山中馮編修懿生書來以詩簡報

四弟俊士賡晉表進都過巖棲別予回署四律贈  
行

遯跡山莊久與世絕君弘黃子將令叔仙壇使君  
命遠至予復通音問於都下詩以誌愧并簡復  
之

山莊丙夜得王子白民手書兼寄和詩仍疊前韻

簡報

附白民次韻一律

簡報汪棣園太史

附棣園見贈一律

坐飲石上寫意



予憶諸同垣有詩相如何都掌垣次韻遠簡奉答

一律

附相如原唱

獨詠山阿久絕塵想家少宰書來有身隱焉文語  
聽流泉活活嘯歌復不能廢卽事發興一律寄  
復

重陽登見一軒山樓作

萬安山寺題壁

次韻報孫古隍傳臚代簡以悉近况

附古隍原唱

別西山朝鏡佐賢心朗諸上人

次韻簡復王隱廬

有序

附辛未秋日王白民寄懷一律



燕山秋吟

漸岸趙吉士恒夫氏著

寓草橋慈蔭寺

有序

庚午夏羈棲蓼庄年來知兄又呂以新任同守  
解晉餉三十萬進都勞之甚苦之甚予兼程北  
行慰問訂晤慈蔭寺中止隔層城急欲見未能  
卽見徘徊夕陽下八絕寫意

燕雲近接太行西愁聽深林謝豹啼遠念家山青萬疊  
雪牕同嚼凍鹽壘

雁秋矯翅未圖南林壑爭招我自慙破驛荒邨風露下  
穿殘芒屨遠來探





五日山程過草橋同株接萼慰來朝東西好夢分頭得  
蕭寺鏗鐘應麗樵

弱鬢新霜換舊青魂驚勘閱觸雷霆何如少日長汀寺

風雨蒸床共一燈

寺近舍下同見  
暑年讀書處

皇城到眼隔重闔行笈半肩入寺門契濶二周難見面  
長思拊背問寒溫

槐影低昂一徑深冷然孤磬出叢林垂簷空碧多靈草  
靡蔓長繁逐客心

半空碧瓦俯雕甍賜額多年未落成十萬黃金揮內豎

白頭野衲說崇禎

明季發帑  
建此寺

水隔山遮赴考堂牛車運鞘戒嚴裝願成駢服長相倚

終日隨行夾路傍

旱甚大雨驟降喜而賦此

早暎頻憂聖蠲除屢布昭神漿滋沍注豐澤洗煩熯黑  
蟻潛思涌玄冥近可邀蟻宮封穴戶鳩婦逐巖椒氣降  
殘磴潤烟升爛石燒龍山傳鼓角康谷聽笳簫陰曠森  
三伏湫溼澹九霄阿香宵攬轡河伯曉揚鑣掣電增暝  
恚轟雷厲迅颯雲奔羊足舞餅滴馬駿颯落響陵崩谷  
長號海湧潮水衣微浣濯山帶束嶠嶢大小天同漏橫  
由土不焦繞床先着屐越陌必乘櫓過去波瀾濶曝來

麥粟漂焱飛聲颯颯瀑瀉冷瀟瀟合窾獸方見

山海經  
刺山有

獸名合窾見灌壇令就招震凌翔石鷲凍澌肆風焱轉

則天下大水



眩盈溝澮從容理裝樵浮漚饑雀啄健滴亂魚跳舊澗  
新流溢千邨百菓饒囊雲絕巘貢審雨古槐標古槐中  
日審喜見盈疇庶不勞抱甕澆援琴將奏曲破塊早乘  
條生養資時輔陰陽賴爨調逢年慶沃壤饁畝刈良苗  
子中和尙從五臺受戒來慈廡演法  
衣傳迦葉遁相仍頓悟能叅最上乘寶相莊嚴振象教  
法雲廕覆肆名稱塵埃難惹菩提樹癡暗誰燃智慧燈  
淡薄儒門收不住道安受業佛圖澄

楚僧方石歸故山贈行

來此阿蘭若苾芻自爾馨白衣沾露白青眼看山青梵  
座逢狂屈儒林得什澄洞庭將脫屐石室景瞿矚

家玉峰少宰挈榼過慈廡寺遠訪念前後同譜諸

公止吾兩人白頭相對信宿禪榻而別長句奉

贈以誌我旣

吾宗十有五同朝敦同譜升沉七弟兄

愛周

婁仙

武昔

爾玉 玉峯 靈光推吏部後來一仲容目下方行取

晉

襄 鬼錄登其四

爾合

玉譜

放逐何足數

關仙

秋谷

我獨喜山公吳越藉綏撫水利饒白蘇更能破合柱內

名司馬堂杜門香一炷時情競膏脂公力追龐古淡列

清班中通簡勤握吐慈侍太夫人温清忘寒暑訪予草

橋西高軒過梵宇菓餌盈車箱豚蹄陳酒脯客不速者

三

朱竹垞汪棟園兩太史適至過午先別

素薨傳花乳坦懷絕嫌猜妍譚



日亭午公駕稅華胥鼾睡吼鼉鼓一枕熟黃梁遽然夢  
栩栩信宿歸槐廳子復隱松塢

寄沽河司倉有序

汪農部我長以留放舊糧驛潞六載近和子金  
焦二十咏載入匏繫初集中遠寄子感其意六  
章奉懷不知陳陳相因時閱之尚能為我一開

青眼否

白首孤危甚悲君觸駭機何堪旅盡逆即欲遯難肥朝  
罷傷衣赭夢回悔着緋自安真有術立意嫁人非  
塵土何年了為文以自怡高吟冰雪句寄和金焦詩匏  
繫閒園老蓬飄大塊吹歸休苦不早那用合時宜

鄉居分兩縣止隔一河梁車斗難量載糝糠苦籩颺悼  
亡敲古缶愛少弄新璋悲泣雜歡笑蝸廬恣洗洋  
一的集千弩寸心萬慮攢非遷已是謫有守却無官未  
得閒拖履難容早掛冠萑蒿沽水爨尚復念吳酸  
重聽寧相礙腐盲世孰倫十年堆積貯一手放陳因在  
後鑿前轍從新指舊困長安羈繫久誰為爾傾身  
辛苦黃沙路值何碧樹秋司倉空守府借箸慣持籌送  
舊幾人去出陳六載留故山今有約驢背拽歸舟潞河船多

川驢牽

依韵荅謝六律

汪浩然

羈縻將七載跬步即危機骨肉久秦越親朋漠瘠肥



排牆無皂白得路有朱緋虎兕曾歌野應知吾道非  
元白多遷謫心期各曠怡郵筒無異調尺幅若聯詩  
給諫數貽詩兩地  
廣和每多同句秋氣淒同感春風艷別吹休休亭  
久負非是昧三宜

罷歸奚足異疲豈爲津梁在蹇匪躬瘁寧饑恥飽颺  
舊僚操斗斛新任縮銅璋今日大方在寧無嘆望洋  
倉門一席地長日羽林攢百萬放同吏五年前是官  
紫宸瞻北極白首泣南冠功罪何容異旁觀只鼻酸

凡禁旅領米者莫不爲  
予歎息甚有泣下者

君健翔高翮吾衰敢比倫許丞原乞罷巷伯豈無因  
出世宜丘壑前生欠廩囷倘逢圓澤問現在此危身

瓊報方初夏鴻來又杪秋給練一年三惠遠札  
前後詩二十餘章寸心

懸末弩千里耿前籌積貯問餘幾羈棲慰去留舊交  
徒海內誰負壑藏舟

五更出慈廕寺門口占

未曉車騎先絡繹驕人早躡遊山屐何山山翠染茅簷  
城柝菴鐘聲合拍

同僧文璽過門頭郵宿山麓

坦步尋西麓門頭第一郵佳城傳馬家精舍聚鷄園選  
柿充新茗推枯煮晚餐浮空橫碧靄住處得翁源

舊役從楊侍御止齋邸中來備陳侍御艱窘狀亦  
佳話也詩以懷之



行行齋馬可能肥馬不秣豆幾次囊封入禁闈煮菜充

饑疎肉食餓錢出質及朝衣烏棲柏樹南床近霜布蘭

臺白簡飛縱是孤危終際會無虛老友盼巖扉

山中得胡中書鹿亭手簡及適可軒詩憶公車初

入都同先尊道南光祿公宿滕公寺今寺尚歸

然無一僧司香火感賦二律寄鹿亭

曾共西山采石芝攀登遠憶少年時交深暫入淮南幕

公司延子入署准耆舊長傳甬上詩公彙刻四明父執慚由

非畏友臣清嗣質有佳兒朗吟新句尋陳迹泉下樽前

繫我思

四松垂廕老猶存尚覺空王氣象尊立壁劃開鷗鷺影

砌蟲叫破薜蘿門雲堂久閉殘僧去戒版虛懸獨座昏

簌簌褰帷吾友在傷心舊事向誰論

王子白民設帳都城懷我山居有今夜分看何地

月帝鄉不住故人車之句即用原韻簡報

巖棲無伴舊交疎三管隨來日校書坦坦履幽荆棘絕

冥冥息影網羅除百錢自掛常攜杖長鋏空彈可有車

莫侈帝鄉秋月好平分一半到僧廬

住萬安禪林四絕 俗名黃公菴

長榻廿載不支門待我來修見一軒美爾山僧無事事

困眠饑飯過朝昏寺門晝夜開者廿載明光嘉間有隱

廢子新之為往來居停始用門楣啟閉



禪林結架卽吾廬  
薙髮垂鬚共一初  
晨起窺園樵汲罷  
閒牕又課髻童書

山嵐斜入佛龕青  
接竹量松上石亭  
亭外鷓鷯羣整翮  
齊飛喧聒下雲汀

何人鬢髻喚南菴  
警咳流香到碧潭  
願服長松修妙藥  
皮毛不爛普明龕

小飲見一軒山樓

無數峰陰度酒卮  
勝情勝具勝兒時  
龕前美蔭垂雙蓋

兩松千尺挺見檻外浮空立一錐八里庄塔當前  
涉澗排碕狂曳

踵啼烟嘯雨冷侵肌  
舞筵落葉隨僧散  
石蘂花叢任指麾

遊延壽菴鮑宮監墓極弘廠

清曉躡雲岑秋意滿晴壑  
烟靄馬前迎鞭箠判叢薄  
廻復景萬殊投閒暫棲泊  
空堂佛面昏塵埃暗瓔絡  
化城傍佳城巖珞窮疏鑿  
銘功署穹碑瑞焰太薰爍  
官民恣攫挈何惡不可作  
此心忽冷然石泉奏天樂  
山僧茹葷辛客子甘藜藿  
揮手謝時賢世味無可嚼

從見一軒徑路直躡山巔

早尋禪寂入香林  
夾路秋陰窄徑深  
白幹鏤花張翠幙  
丹楓積葉布黃金  
流泉噴玉鳴天樂  
飛籟哦松鼓石琴  
立馬看山山萬疊  
暫移半榻憇巖岑

獻櫻有序



寺園遍植朱櫻立夏前御尉取以獻新每顆給  
錢百然如時而實者亦止數十顆耳特記其事  
千株朱實曜林臯珠貫星繁組赤膏爲道年年三四月  
百錢一顆進舍桃

夜坐山樓受僧心朗齋供

啣葉覆霜翅晚飛驚鷓鴣山空萬籟寂月冷小樓孤  
磁勺評茶薺土銚茄瓠蘆絕無陶陸至一笑亦堪圖

坐石聽泉僧佐賢設供四絕

魚敲曉梵清馬踏霜華滑翠鷲半空收稜稜露瘦骨  
靈泉石縫穿坐石數雲片松古草長青空濛呈萬變  
何處傳聲響泠泠出伏莽洗吾芥蒂胸千古此心賞

逢僧僧借榻茶餌充觴榼何地打包來容吾早掛褡

香山寺二律

幾曾牲玉列西封荒隧殘垣綠蘚濃半壑鐘魚傳梵唄  
孤僧杖鉢踏雲松奔泉落響尋丹井積翠疑光簇乳峰  
石磴直躋王奈苑浮空烟靄變山容  
喬松夾路覆流泉香界盤虛一徑穿貝葉曇花傳白馬  
慈雲法雨覆青蓮風幡自動空壇淨瓢笠長隨疊嶂遷  
跌坐深陰翠靄裊脫然世網得枯禪

坐棋盤石題句

仙家坐隱亦爭奪頑石何曾知死活爛盡樵人幾斧柯  
何勞入局聯瓜葛



臥佛寺

層巖夾磴路小竇出泉香古檜千章老婆羅雙樹光吾  
將苦跋涉佛亦疲津梁坐臥多奇賞石盤數丈方  
長嘯倚空碧閒攜一石鐺雲奇峰崩萃松老架縱橫分  
到憂埋地離來騷問天窮吾目力處獨鳥破山烟  
遊洪光寺有僧南音譚許刻知是吳人字自求爲  
解山和尚高足  
碎路蜿蜒曳足遲聲光觸處我忘疲暫持禪偈遊緇社  
得備將迎對赤髭一座毘盧千佛繞九盤鷲嶺萬松滋  
法分南北傳心印今日迦衣更與誰  
苦行頭陀願修廢寺勗之

托鉢僧行脚隨緣無住著莫悲瓦礫場有時工丹蘄

碧雲寺二律

巖房竹嶼遶花汀萬綠深深蠟屐停眼下今人來古寺  
案前舊衲譯新經亂峰拜石除袍笏細水通流洗鉢甌  
中涓多金揮不盡樓臺紺碧阨山靈  
石溪齒齒淺深沙天翠遙迎谷口霞鶴錫雙棲爭岱麓  
葉花競秀畀袈裟梵王近闕宜莊麗羈客隨僧亦靜嘉  
權豎當年殫土木慈悲不羨爾豪華

登碧雲寺巔歸時觀魚池上

放眼皇居在平疇百耦耘巢喧將宿鳥石泊未歸雲輦  
伏禪關肅山泉御苑分誰投橋上餌魚樂自爲羣



新寺

碧甃紺林六十年寺建自崇禎初年崢嶸翁仲臥荒烟生初原

未安絲縷死後何須錮石厯巨剎長隣宮監墓高流近

入御溝泉齋鐘法磬無休歇戒定堂中默照禪

新寺高樓眺御園作

霞彩雲紅簇曙暉苑墻咫尺觀天威禪關最上瞻黃屋  
客屐難前避綺屏攢鹿唵峨遊虞虞恬鱗澗潏戲微微  
秋深舞葉浮椽外山嘯時揮玉帳旗

晏公祠

松墀堪枕藉絕壑水拖藍三教苔龕合五經石室函龜  
龍聞梵放魚鳥與禪叅天末雲波泛心空歇晚驟

曉登龍泉廢寺山頂

捷足空盤屐屢遷藤蘿礙路互縈纏覆焦夢斷藏隍鹿  
焚石心驚突隙烟時隔山茅舍一炬可憐懸溜激湍哀澗畔大星  
送曉晃峰巔恍同卅載遊黃海躋勝何曾減昔年

宿弘教禪林

絕頂禪關路屈蟠雲開半麓萬峰攢何人擁錫黃金地  
有客攜筇白玉欄月魄凌空寒石骨苔紋引絲補山癡  
隨時齋粥耽閒寂煨芋圍爐對懶殘

遊東麓望御園不敢近玉泉金山諸勝歷歷在日

長歌記之

林麓蒼黝絕塵滓匹馬閒尋不肯駛商飆故向凸凹號



吹落霜楓半天紫淨土香臺到處幽  
翬飛炭立千崖裏  
丹青金碧空中浮古洞谿  
訝水迤邐覺花慧草呈靈奇  
懸螺擁髻何秀峙半壁嵯峨  
摩穹蒼雲幕霞城屯樹壘  
山開復合青泥凝那得仙緣  
服石髓鳩鵲鶻高下棲  
葭菼菱荷雜蓀芷跳珠碎玉  
引穀紋磷磷齒齒更瀾瀾  
穿鑿雕鏤最玲瓏反失天然  
丘壑美翁仲崢嶸齊分班  
老僧指點誇華侈勝國舊事  
逐春花多少熱心冷如水  
深隧荒榛羊虎眠坵垣殘礎  
盡廢址飛泉裂帛石滲金  
遊人不敢移杖履秋蟬聲急  
催槐黃翠叢綺陌橫墟市

贈山中老圃

塢收兼谷採藜糗日羹哈鷄犬逢人傲  
桑麻着雨甘霜

橫荷蓀杖雲滿摘疏籃灌溉歸來暮  
看山不厭貪

偃松

千年砢礪傍嵯峨愛爾菁葱雨露柯  
老大難容空曲折  
青蒼欲滴漫婆娑蜿蜒出蟄振鱗拆  
偃仰迎人按頂摩  
響落山濤哀萬壑靈巖趺坐日伽陀

靈鷲寺遠眺

騁望天全濶平臯獵騎回雲深孤鳥沒  
樹杪一僧來踵  
踏膝雙聳頭童心半孩山坳何處刹  
烟外暝鐘催

過杏子口

丹林殘照逼是處吐奇葩絕岫雲爲幕  
深山寺卽家柏  
交留徑窄石破溜紋斜樹樹繁榛栗傳  
餐手自搗



從善應寺登盧師臺半嶺作

緩轡入嵐光，瘦影搖秋樹。菁林隔谷鐘，香雲覆法雨。梵相博換奇，玉佩雜繡黼。古佛不跏趺，危坐習中土。出寺轉坡陁，又過一雲塢。蕭蕭楸槐路，離離瓜芋圃。老檜逼空青，怪蔓掛蒿柱。崎嶇紫石梯，飲澗奔駉踰。崖罅紛珠纓，泉紳散萬縷。滑瀉聲泠泠，漱齒出其齟。此中絕駭機，牧豎不吾侮。繁響萬山來，仰天弄松塵。

過善應寺寺僧索題廡下羅漢口占絕句贈之

豎拂拈搥全指點，破柴踏碓盡心傳。昌黎海外無知己，亦復留衣別大顛。

秘魔崖

絕磴盤旋入窈冥，竇泉清滴聽泠泠。舟痕尚識東西岸，

雲氣常隨大小青。大青小青二龍名亂石叢中雙繫履，一株松

下獨繙經。莊嚴梵相傳遺製，露坐空天擁繡屏。古佛阿

三像唐天寶遺製今坐風露中

過盧師山到龍潭作

巉巖疊嶂何截薛，千墟百雉塵數撮。虛空翠靄上下翻，半塢鐘來高樹末。捫蘿誅棘躡層巔，去天一握天光鮮。縹緲幢幡淨色界，洗耳深湫枕流眠。蟬聯鵬翦山起伏，足音止處聞琴筑。泉簾低垂掛千珠，層軒飛閣慈雲宿。

重過表忠寺感賦

是處貂璫冢，歸然俯梵宮。錐金疑電發，髣髴厭雷同。舊



衲遺雙塔重遊剩一翁昔日同遊諸君子俱作古僧亦不存瘦筇吾不用  
贈爾起疲癯寺中老僧朝鏡不能從行以筇遺之

寺門蟠松

風雨任催殘甘心老屈蟠扶搖不肯起總是怕高寒

喜老僧佐賢新來住持勝公寺

古樵林落下喜爾尚敦龐竹翠分懸瀑山嵐渡斷砒鷗  
鳧翻貝葉龍象守纓幢爲嘆勞勞者蜂鑽故紙牕

子囑拈孫南行未得進庚午北闈痛哭山樓詩以

勉之

纔離襁褓甫成人未試憤歸氣益振小子名心無太熱  
幾多老學半遭迤

徹姪副榜報至寄以二絕

三載燕山苦驚馳何曾絳帳得師資雖然未備充庭物  
也傍秋叢掛一枝

猶兒最愛仲容能試罷居然列宿應毋出山中甘小草  
英聲看爾再飛騰

王宛先孝廉訪予萬安禪林信宿還都以七言十

絕贈行

關上征衣未掃埃曉星驢背幾程來秦庭何處尋張祿  
叔也能寒賈莫哀宛先易姓入籍遼陽

分手京園更四秋鹿鳴傳宴最風流漫漫沙路單衣冷  
可記當年出塞愁



從來嘗試孰成功  
揀死驚休苦  
砥礪轉眄冬餘餘幾日  
看花上苑待春融

坐穿木榻住遼東  
繭足重關亦自雄  
念我深山無舊伴  
遠尋殘靄亂菁中

乍領聲容異昔時  
江淮拔萃久心知  
高吟麗句如霞綺  
弁我遊山半月詩

予燕山秋吟宛先四六為序

五更魚鼓趁天光  
小缶烟霏菜粥香  
雲外丹梯高萬仞  
攀躋未及莫飛揚

師弟無家兩苦饑  
傳經那得絳紗帷  
向南泣血空中灑  
嗣子零丁待解推

宛先同業師侯薇屏就館吳陵備嘗艱苦辛酉為子賞拔始入都門

一枝棣萼傍鴿原  
萬里蠻烟老弟昆  
拜表相依來輦下

團圓兩姓話寒溫

宛先令兄入家弟靖士粵慕十年聞今冬相隨拜表入都

蟬脫西巖久絕聲  
正當閒處着餘生  
喜人入殼憐兒子

空自嘔心泣短檠

宛先與三兒景行莫逆兒削籍後仍杜門湖上讀書

赤蟹輪囷佐濁醪  
團臍已擘復持螯  
別來多少傷心事  
譚到更深續玉膏

### 玉華別院

諸峰迴合裹禪房  
三面朱殷對石床  
初瀉寒泉沙路白  
深藏叢桂苑花黃

寺內收藏御花有洞

齋缺十方榆柳參  
天聲夾道橋南潭  
北盡王莊

俯瞰金門隔莽蒼  
灌叢離窄土生香  
聲傳磬響尋花路  
日冷松陰覆竹房  
歎石清流搖淺碧  
盈疇晚穗臥深黃



赭林到處山顏醉我亦澆胸舉一觴

遙奠張子韶有序

庚午秋深予棲息萬安禪院兒景行家問以子韶訃音報予賦詩代哭六載交情盡此二十四韵中子韶有靈當鑒我哀忱于泉壤也

辰秋潞浦兩分歧遠別停雲幾咏思半世磨研難問世  
多時篆刻反違時文高勿用妍辭騁心巧徒為拙目嗤  
予觸雷霆誰可告爾輸肝膽獨相披霜簾雪牖年長逝  
月窟風簷數屢奇小子髫年羣受業姪景微兒景行孫繼林俱列門下  
老夫一日媿稱師夜光乍現珠投劍桂魄沉埋鏡蓋卮  
脫簡陳編睂不展吞聲茹嘆涕常垂屏居直欲追張載

過界頻來見趙咨戊辰避跡蓼庄芒屨亂山容縱佚蕭

齋四壁苦貧羸友吾于昔真吾友知我之深勝我知漆

闕養疴東海岸緇林遯跡北巖陲時鞫息燕山千絲爛

斷舍香死三刑刑餘抱璞悲月冷空閨勤藥餌病憐久

臥損膏脂緋衣晝教牕中氣布被斜遮牖下尸風雨夜

臺傳鬼籙烟霞古屋撒臯比子韶同見譜經曾記無功

述子韶和子酒政篇為時傳誦銘頌寧慚有道碑為蟻爭餐何厚薄

荀楊淪沒自醇疵寄樽沃醑三千里奠酒溇汚五尺陂

忍飾黃腸藏安宅願乘白馬踐喪帷夢尋蹊路寒藤掛

愁聽山陽短笛吹蘋藻待歸雙稚女子韶四郎為子姪充思塔三郎為子

行子景琴書早付四佳兒懷繚未弔號茅經執紼纒揮淚



縵縻屬續遺言遙念及燕山越水隔天涯

同抃孫過海藏寺方丈

升虛穿石瘦到處歇伽藍叠砌成廬冢燃灰建塔龕糲  
養猶弩力一味亦分甘鍊就山癯骨無幽不可探

登鼎菴絕頂

山山蒼翠擁層樓叢樹掩圍洞壑幽石甕華虫傳古識  
木球丹堊守荒丘葱菁落蔭枝盤架莽葺橫遮水伏流  
俯視京都塵幾聚碧空香霧海天浮

深巖一衲寢食此中五載叩之不應知其矢志靡

他也識之

默坐靜諸魔起居巖曲阿苦鑽石可透成鏡磚難磨叢

桂堆金粟飛泉掛玉梭法門原不二心賞止維摩

早過後菴

碧洗秋山淨空天宿霧披清湍穿石巧陰洞出雲遲蔬  
徑斜停鷺茅簷靜伏鴟千峰隨指顧對此樂羈縻

歷覽證果龍廣諸寺吳公携榼至同宿清涼禪院

振樞秋陰裏烟嵐第幾重滄桑千劫火南北六禪宗寶

座誰揮塵空門亦築墉剎內竟有人迷紅葉路寺隱碧

霞峰靜諷繙清唄橫撞拭巨鐘祇園十笏得瞿舍五燈

逢默悟豎吾指真叅豁我曾旛幢大內賜碑碣勝朝封

猶說行宮駐難留御輦踪連屏開鷲麓匹練掛鴻溶雲

覆叅龍鉢烏棲護駕松眠鷗分客夢聚鴿滅僧供戰野



鳴三籟爭秋泣亂蟲驅鼯摘熟菓逐鹿取新茸墓域成  
高壘緇流作老農山腰穿線縷谷口響笙鏞古塔風鈴  
語嘉畚石碓春瀑飛寒玉濺日麗碎金鎔鳥下乘牛背  
沙深印虎蹤老藤纏壽櫟絕壁瀉驚淙何處施僧弋免  
勞設網置猿哀相叫嘯魚樂任唵喁訪舊扶筇至問奇  
載酒從燒燔充餌餅敝緼代紉縫吳公攜榼至見子巖衣敝卽爲補縫  
壑渾無恙攀躋不復慵歡然方外契杖履得從容

憇巖刹疲甚得家郵有感肩輿而還

崖仄無人迹妙聲演法筵倦歛危石坐醉割片雲眠家  
旣散千指吾終老一廛家郵謂田僅以無食四散心虛減脚力急喚  
筍輿前

憇小天寧寺過午吳公喜飲山半壺歆酒傾代爲

惋惜

疲馬難躋暫解韉僧樓借榻對山眠峰顛亂落磨鋌石  
谷口長漂裂帛泉磬定時聞齋後偈樽空不入醉中禪  
折茅鑿壁誰家屋幾處銼鑿簇午煙

登圓通寺

舊平坡寺最上里許爲寶珠洞

千霄老樹萬枝繁遠廡巖泉觸石喧碧漢蒼岑多少寺  
白雲紅葉兩三村床前雙髻龍供役山凶千鏡鬼築垣  
一飽分來僧鉢飯饑鳥近攫下經旛

戲答牧豎

芒鞋信步出山嬉牧豎問予何所攜止此一身無長物



前年賣盡舊欵癡

坐翠華亭

本來性相自如如  
樓跡空門禮體疎  
祇覺香光闌色界  
絕無塵土染衣裾  
法筵何日呈龍象  
經藏多年蝕蠹魚  
松幹干霄陰蔽地  
羊腸鳥道上精廬

勝水寺

橫絕通天柱盤紆  
幾路灣晴虹飲古  
澗磊石壓童山碧  
落紉宮外翠微黃  
葉間幽尋隨地好  
不復計榛菅

過功德廢寺

輦路空傳說焚餘  
剩一丘殘僧支破  
寺舊雨作新秋峰  
影爭迎馬沙痕細  
狎鷗板菴勸募使  
尚能跳躍不

從中峰菴而下歷慈應崇壽宜化諸廢寺作

獨曳筇枝上石梯  
巉巖下壓寺樓低  
幾多碧水蒼葭路  
半在青門一徑西

昔日精藍一個無  
空天何處覓潛夫  
碧巖紅樹秋屏裏  
背手斜陽看畫圖

泉咽烏啼過塢深  
遙看輦路入烟岑  
攜來篋籩饗餐足  
石炭初燃漑釜鬻

露濃曉布濕荆榛  
踏石穿湍走綠筠  
最是傷心秋老日  
萬山風雨一羈人

遊法海寺僧龍宇留齋

領畧雲林意霜高  
看綺叢畫屏堆繡  
繪秋色放春紅六



葉敷金地四山繞夢中

寺基因夢山環繞而建

幽尋入淨苑蒼翠

鬱巖權

寶相金容地窮泉朽壤隈松仁猿攫取霜信雁傳來客  
供分香積山炊掃葉堆綠池堪澡漱早已絕雰埃

渾河

渾河卽桑乾河悍湍怒濤長落不測人行板橋  
多目懾足悞山遊畏途也過橋二里許至棗園  
爲桃源邨邨前有洞是昔人避兵處時秋水忽  
漲予臨河而返未詣其勝以五言三絕記之

蕭晨方霽霽大地爲之晦高足跨危津退難進亦悔  
急流翻赤雪洶湧漢津傾爲問南來者何人敢獨清

沸聲搖兩岸動我望洋歎問渡無漁人花源從此判

由木市口登翠微山憇承恩寺

層層丹碧上鏤刻起玲瓏掛壁斜醺麗箏山萬葉紅馬  
蹄難馭踏鈴舌漫丁東飽吃胡麻飯綠崖剪棘叢  
穠纖薊蒼翳列利亂紅遮承瀑敲新火分光咀斷霞儀  
來金粟影出現優曇華飛掛何方錫棲遑是處家  
秋谷蒹葭老誰爲宛在人重喬垂晚實五粒出新仁山  
步藤爲杖烟炊石作薪悄然雲水外止剩一僧親  
落日澹林塢浮雲翳帝畿雙峰開畫幌列嶂擁屏幃廣  
殿劓山骨清泉浣地衣身心耽一寂寧復習脂韋

廣應廢寺







正值寒霜初降候  
豐山昨日九鐘鳴  
兩載梧陰隔獸樽  
蠅聲空自泣虞翻  
雲蒼雨碧娛羈旅  
雪白山青靜夢魂  
雪白山青題額至  
今尚懸西山佛堂  
涕唾初離成永落  
形神俱寂植深根  
我生故態猶狂甚  
匹馬高吟過野邨  
散步萬安山麓

半空峭嶮立森森  
岫幌雲關已倦尋  
午夢未回桐影轉  
赤黃斜射采淪陰

金山口

危崖牢構屋砌畔  
聽蛩秋老圃饒瓜  
窠深山半瘦瘠土  
垣移石甕玉水入  
金溝旅行無一店  
為我裹乾餒

經舊菓園

舟腓誰問種莫辨  
雜花名雁去書難  
繫鷗眠夢不驚賞  
音時選石坐隱不  
推枰叢篠深菁裏  
雲堂出梵聲

山中馮編修懿生書來以詩簡報

半嶺遙傳驛使梅  
啟封乍閱旅顏開  
湖山有夢還三竺  
水雪無緣到五臺  
夏間欲遊五臺肩輿  
已具因小恙而止  
最喜酣遊愁日  
落不嫌遠簡怕人  
來板輿久御家園  
裏那復馳情紫禁  
隈

四弟俊士賁晉表進都過巖棲別子回署四律贈行

至情不可耐別淚  
已雙傾存歿談耆  
舊賢勞念弟兄  
時

兄自平定解餉方旋  
靖士弟將賁粵表至  
連牀三日卧匹馬  
萬山行長記禪



棲地石泉爍茗清

弩力戎裝肅三旬自暴糧征魂旋舊市馳驛返平陽俸

薄銷殘日官閒守十霜妻兒何足戀白髮老高堂

馳驅十日路拜表入長安雲半雁行斷山空節候寒吾

衰宜澹寂爾話更辛酸傷五弟改效寄語諸兄弟乘時

莫掛冠

進朝傳釋褐空染御爐烟乙丑武榜四弟先報黃白家

山隔瘦肥手筆懸弟善書頻揮風樹淚獨耐雪霜天莫苦

多男累誰來繞膝前

遯跡山庄久與世絕君弘黃子將令叔仙壇使君

命遠至予復通音問於都下詩以誌愧并簡復

之

靜看長髻舞柳梢鴈飛晉水落衡茅遠分裘葛宜冬夏

使君以狐皮織葛見遺臥理湖山玩卦爻爻有爻千里相思難命

駕半生未面止神交予從未與使君會面手札時及自慚一矢驚猿鶴

蕙路塵深岳獻嘲

山庄丙夜得王子白民手書兼寄和詩仍疊前韻

簡報

甕牖霜花結綺疏重燃宿火展來書放歸四載猶羈旅

閑坐荒庭不掃除可記寒溪回刻棹自民欲從子舟南旋以留館都門不

果長思薄板出關車自民同扞孫乘醉呼勃海隨行幕

長者何人是隱廬自民居停龔樞部邸中



載次前韻寄復

王治皞

老逐風塵旅鬢疎  
經年兩得細行書  
其如鑷白懷人遠  
無那郵詩竟歲除  
颯飄天涯傳藥裹  
蹉跎封事指征車  
登臨安石寧辭費  
準待春明就直廬

簡報汪棣園太史

獨着吟鞭嘯九秋  
暮岑邃谷任宣遊  
文何雋永精心出  
太史房稿老更清狂故態留  
羊虎踏空悲石甕  
卽律丞為世傳  
桂蘭燕好試瓷甌  
高樓百尺君高臥  
誰折修篁作葉舟

恭賦趙太夫子燕山秋吟

門晚汪薇

晴山萬疊薊門秋  
獨許高人汗漫遊  
鹿夢久忘蕉葉

覆鴻飛那更爪痕留  
孤村倚杖逢霜樹  
野寺題詩對茗甌  
回首金焦烟水隔  
應憐白露滴漁舟

坐飲石上寫意

空濤翻半壑  
隔水奏箎簧  
舉筇傾鄮白  
周禮酒正註鄮與醴通卽今白也  
臨池寫硬黃  
窺人長割席  
遠客久移床  
飲啄易爲適  
何勞假羽翔

予憶諸同垣有詩相如何都掌垣次韻遠簡奉答

一律

六載囊封帝語溫  
諫坡直上獨匡言  
桐鄉遺愛傳黃耆  
梧掖一星傍紫垣  
東閣風情長不歿  
老臣器局至今存

庾亮薦何次道前年遯跡藏春塢時過三山訪舊園器局足副老臣



寄懷趙老掌科年世臺

京江何金蘭

行踪何處話寒溫玉尺傳來重一言  
選勝題詩鐫北固懷人回首憶東垣  
浮沉無那紅塵軟聚散肯教白眼存  
舌在賜環應不遠莫因惆悵賦梁園

獨詠山阿久絕塵想家少宰書來有身隱焉文語

聽流泉活活嘯歌復不能廢卽事發興一律寄

復

雙丸晝夜擲巖西半載羈離笑語睽  
信脚踏紅雙不借傾頭呼白一偏提  
身名俱隱文焉用人俗渾忘古與稽  
石畔泉喧心愈寂長箋過眼付詩奚

重陽登見一軒山樓作

佳節何曾載酒肴一筇直上撥藤梢  
觸羅願遂蜘蛛隱剪舌空離鵲鵲巢  
那有催租人敗興任從落帽客貽嘲  
滿林秋葉初堆錦似杜鵑花發晚苞

萬安山寺題壁

樹杪飛晴瀑空中掛絡瓔人同濠上勝  
池比習家清鳳髻雙鬟擁牛簑一笛橫  
窮猿攀絕巘長嘯二三聲古刹人踪絕  
香烟暗佛瓔逼霜鷹力勁挹露蟬音清  
半偈緇林諷一枝白氣橫光天何處雨  
石磴漱松聲

次韻報孫古喞傳臚代簡以悉近况

恩放歸廬將四載秋風不復憶尊魚  
鑿鑿早整回船鼓碌碌宜乘下澤車  
從此不須投縞紵而今止合伴犁鋤



遂初有願同公逐烟蕙雲松共卜居  
羈人南北無拘繫萬頃潛波縱涸魚緩步何妨隨蠟屐  
徐來不復困金車養砂候火時安鼎耨月耕烟自把鋤  
撒手浩歌辭世網深山猿鶴守茅居

原唱

嘉善孫錄

廿年不見恒夫面水擊常飛南北魚三載糾彈時對  
仗兩河巡歷獨登車抗言國是非援黨感激君恩  
自荷鋤若泛扁舟相問訊垂垂白髮草堂居  
先生矯矯雲間鳳賤子悠悠濠上魚少不如人曾負  
弩老之將至久懸車草堂每愛忘憂植花榭仍將非  
種鋤公是安西清獻後還將琴鶴伴閒居

別西山朝鏡佐賢心朗諸上人

糲粢同玉屑一飯互招邀折阪垂瓜瓣長饒種藥苗羊  
腸盤樹杪馬鬣簇山腰三月羈棲客甘心耐寂寥  
空翠延蒼壁精藍隱石叢留衣別海上解帶鎮山中峭  
澗千秋雪敦丘一畝宮鹿門採藥去不復見龐公

次韻簡復王瀝廬

有序

予山棲江泛行止尙得自由今寄跡西巖蓼庄  
閉戶高吟蠲憂忘疾絕不作歸想自來受累親  
朋茲以辭謝親朋爲快半生不暇眠食茲得從  
容眠食爲安無求此世不忤于人正樂之不疲  
耳瀝廬雖貧士乎然田園未荒衣食粗可自給



乃長羈北道依人作客而又無端至年近懸車  
心同轉轂殊未見其可也予次和二律勸歸四  
明山水可樂胡自苦京塵而不覺若謂予以已  
之所不欲者強瀝廬請以質之竹垞護城蘅圃  
鹿亭貢山諸君子

山雨寒吹曉梵鐘繡屏萬疊翠重重不因屈作求仲蠖  
終用潛爲老伏龍慢世長卿游已倦鑿山康樂興方濃  
莫將老淚揮塵路赤堇空蟠舊徑松  
行無人處一聲鐘知落空山第幾重正在提壺傾綠蟻  
却來拄杖作蒼龍登樓四望歸思減懷刺難投客恨濃  
鄴下應劉零落盡誰爲東道臥雲松

辛未秋日寄懷恒翁老先生正 慈谿王治皞  
薊丘聽徹曉霜鐘日斷驚飈雲樹重爛熳英華真繡  
虎沉冥踪跡是神龍幾時草閣青尊共着處名山詩  
興濃携杖臨風衿珮遠銜情清切倚長松



林臥遙集敘

裴逸民著崇有論樂令不然之世莫有定論予以爲皆非也夫有之不可執以爲有猶無之不可執以爲無也如以爲無則當前者固已有物矣苟以爲有則我有物而物又有有乎我者遞相有至於不可勝計而究孰得而有之必有之爲有是商王之寶玉衣也必無之爲無是梁陳二主之買身也不亦大惑乎君子知夫天地古今皆寄也故其心亦常寄之於若無若有之間動靜消息恒與造物者游而無有能窮之者余與趙恒夫先生交垂三十載跡其生平殆寄心於若無若有之間者乎辛未七月余再入都門見先生自西山和答于章雲中



翰四律偶和以寄正先生逸興湧出更端盡致至十叠未已浩瀚離奇若長江之出三峽而下也若夏雲之遇風層見迭變而起也且遺書曰近詩興頗豪卽百律無難亦雄矣哉余嘗謂古人和詩大都和意而不和韻和韻之來盛於中晚顧三復先生詩韻艱而能易章多而能變體極純而思彌放其於山川景物之所觸歲時物我境遇之感興無不歛之韻內而躍出於筆端技至此僚之九秋之奕矣雖然世未必知先生詩卽有知焉者亦未必知先生之所以爲詩蓋先生無所不寄焉者也先生少志經濟其在晉溪謀積慮者六七年卒爲國家除西鄙之隱憂甫入省垣一暮而被論去國人咸爲之

惜而先生澹然忘之先生故籍新安之海陽已去而西湖而當湖而苕溪真州隨所之而安焉先生好合旣翁子孫繩繩極天倫之樂顧別營林泉於京師之西南郭而居之若將終身旣忽復遁跡於西山無何有之鄉登降伊哦得一韻叠和不已彼其心初不見有韻也亦豈見有詩乎寄焉而已唯以之爲寄故我能窮韻而韻不能窮我也嗚呼入乎仕宦而以仕宦爲寄生乎桑梓而以桑梓爲寄樂乎室家逸乎丘園而以室家丘園爲寄若無若有遇焉而不畱渾然而並化其於是詩之叠韻乎否乎余不得而知之卽先生亦不得而知之矣吳興夏駟宛來氏拜題於都城旅邸



予讀黃門趙先生林卧遙集不勝慨然而歎蓋歎人之  
汨沒於富貴而不知返也皇皇焉日從事於車塵馬足  
間曉鐘初動夜漏已沉猶不安枕貼席則雖自己面目  
尚不知其何如而暇一嘯一吟吐性靈於風雲暢寄懷  
於花鳥哉而不知此其爲大夢也夫人一日間何時無  
興會何時無懷抱何時無性情感發而俗物敗人悼喪  
一生雖復醉飽宴樂反之之一心毫無自得之趣不大可  
哀也哉先生負豪氣初宰晉陽平交山百年逋寇至今  
俎豆三晉久歷農曹大農相倚如左右手及

御試入諫垣丰采議論直聲震天下未幾以河案解組  
先生歸田掃跡籃輿蠟屐遨遊山水間所至輒吟哦倘



木石錄 五  
三  
律若將終身焉無日不樂無樂不詩固非戚戚於順逆  
得喪者可同日道也今

天子以河臣特薦召用先生先生雖捧檄出山仍塞竇  
高吟不聞戶以外事乃復出其生平之奇寸緇累積以  
四韻疊至六百餘律言無複意句無疊見標新撰異發  
前古所未發是可知天下之才原無窮盡而破鼓之皮  
已陳之核無不可雕鏤塗澤發文人之藻思以振大雅  
元音嗚呼觀止矣天地間無日無文風雲寒暑山川花  
草今日不同往日後日又不同今日人之一身或喜或  
愕或歌或泣無一不假之詩以自見而利達之念存之  
中欣戚之情見之外則幽花好鳥佳境良辰交臂失之

矣然則先生之詩也余固賞其富且博也而其所以致  
此富且博者先生未之告也余則已知之矣癸酉臘之  
八日煙霞隱者拜題於寄園之新又堂



林臥遙集

漸岸趙吉士恒夫氏著

弟國士  
贊全訂

辛未秋日索居山莊章雲于子懷我四律泥金書  
筆遠寄踵和請正兼促子孫繼并南歸

夏子宛來入都正值渾河秋漲予未能北渡一晤  
宛來亦不我過乃和子和章雲四律見尤卽韻  
郵復以當晤言

山莊詠懷仍疊前韻寄于夏二子  
再簡四律以悉羈人山居逸事

中秋前二日坐月見一軒高樓作仍疊前韻



并孫南歸再疊前韻寫意并懷諸知己寄兒曹

七疊前韻寄復宛來并致章雲

八疊前韻寄復章雲并致宛來  
晉州守陳執齋同年受謗不白求援于予驕人愛  
莫可助九疊前韻寄慰

景通景徹二猶子南歸十疊前韻贈行并寄吾家  
諸老幼

寓萬安禪林疊韻至十一寫意

山棲秋尋疊韻至十二感懷作

花月吟

有序

重陽後二日更浚至蓼莊吳古逸南行不果先據

山樓家蓼天老人率諸郎携樽就飲醉疊前韻  
記事

獨步山尋看落葉作

吳古逸手札至喜其尚畱渾河未歸也詩以招之  
同吳古逸竟日山遊宿永壽寺作

吳古逸携高足毛香令晚來山居翌午話別即用

前韻贈行

家閤仙太常謫遠陽手札忽自北至兒景行孫繼  
并亦俱有家問南來感賦四律兼懷王江二子  
九月晦日獨遊思歸宿罕山延壽寺作

懷黃

有序



再懷黃疊韻

三懷黃 有序

四懷黃疊韻

江子辰六寄書遠候疊前韻寄意

禪棲獨慰 有序

辰六和韻寄慰仍疊四章簡報

出西山口以雨止宿家蓼天自怡園中即景四律

靜息蓼莊頗適我持姪過疊韻賦懷示之

十月十日景從改葬先曾祖母景行浙歸襄事四

章代哀寄示兩兒

徹通兩姪携抃孫南歸值街御衢三姪赴試武林

止衢入泮同舟旋里賦此勉慰

晚寓萬安禪林曉返蓼莊作

秋山偶集 有序

出山麓看冬賽宿自怡園古逸對奕香令吹簫頓

忘此身作寓公也詩以記事

酣遊方倦甫歸山寺孫山人大鏞過訪以悼友文

見質予留酌話舊泠然有感

馬子高陵為江均州幕友閱子遙集吟次四律介

江子寄正詞旨清麗可與言詩予雖不識面實

懷其人倚和荅之

秋山再集 有序



秋山三集

秋山四集

秋山五集

秋山六集

秋山七集

秋日刈獲畢過陳生青望課蒙館東君留飲菊池

觀釣漫賦

獨遊寫意

同吳古逸山行遊諸寺作

汪子采臣赴任都門間道過訪蓼莊留飲三日索

予林臥韻贈別然已次至二百律矣腸未枯也

同古逸游萬安山麓作

秋尋值雨即晴醉臥僧廬作

采臣司城伴來山中借書因詢巖樓近况賦此以

報兼簡在都諸昆季

秋山八集

寓自怡園題壁

同西巖僧憩石亭對飲伴攜家問及除書至

來爽樓四望斐然成咏

懷桐洲石瀨

有序

寓西巖萬安古寺題壁

出西巖訪吳古逸于竹隱僧廬



山居老衲索詩口占成咏

梵樓玩月毛香令携古逸書同一覺五蘊兩上人

至浮槎縱飲送歸

秋暮寄寓山寺香令别予先歸賦此爲贈

獨憩山閣卽事有懷四律

重陽登來爽閣賦懷

緩步山麓登寺樓有懷忽古逸同李梅谷過訪喜

而賦此

酣遊西巖諸名勝晚歸率賦

吳李兩子别予山寺適姪至得家報率賦

過寄園宿菴青閣卽還山寺作

還山寺古逸攜樽候松下同予酌月

懷棲霞寺

有序

家蓼天招飲自怡園感賦

仲冬古逸奠墓畢攜餘樽過訪山居劇譚寫意

宿西巖古寺喜僧方石過訪率賦

同方石訪止菴和尚宿自怡園

渡河訪古逸不遇坐石酌月宿其竹閣作

古逸香令各出近作質正卽景四咏

獨酌寫懷四律

孫大鏞營葬畢攜家報同兩上人過我酌月漫賦

大鏞邀游平坡諸勝下榻山居



自怡園還寓寫懷四律

同吳古逸邀僧方石遊山寺題壁

蓼天邀遊山寺縱博快飲忽汪農部我長扎至具  
道旅居苦况爲之傷心罷席疾次四律慰之

壬申守歲西巖漫賦

癸酉元日古逸昆仲過我手譚賭飲卽事四律

緩轡尋春宿僧方石山齋賦

獨臥寺樓大鏞同止菴和尚至喜而賦此

春日獨遊古逸來別予亦束裝南歸矣賦此記之

大鏞設帳西岩別我萬安禪寺四律寫懷

阮山人介孫子大鏞過訪卽席賦

溪行數里坐山岩小酌戴月而歸

予搆數椽于山寺大鏞同家蓼天過訪邀遊諸勝

晚歸憩新居作

予十五載未歸山居雖樂墓奠未伸大鏞頒我祭

昨感懷四律

將歸里山僧攀留甚堅賦詩見意

山中聞召用報歸里俶裝北行感懷四律

寄懷汪我長農部

寄懷孫古墮傳臚

別蓼莊由西巖至萬安禪院作

促駕入都漫賦



古逸遠行過禪樓夜話賦此贈別

別萬安禪院題壁

由萬安禪院至九蓮菴將入都作

贈王孝廉

有序

頑石纍纍一經張子玉侯指點便成名勝是不可

無詩記之

采臣同姪徹循過我新構山居知抃將進都喜而

賦此

水漲渾河訪我者絕跡連城姪獵歸餽魚兔古逸

招鶴夢羽士同兩客至縱博竟日

山居題壁示古逸

北上次西巖作

寓萬安禪院南中書至置而不答賦此寫懷

哭五弟廣侯竑

有序

過西麓下榻自怡園主人遠適賦詩遲其來

渾浦舟次戴月網魚作

賦得楊柳含烟灞岸春

前題

賦得遠樓多修竹

白香山句

前題

向攜抃孫肄業西巖萬安禪院偶王宛先孝廉汪

紫滄明經夏酉山張允符文學前後來都應鄉



會試因命林孫同諸君共學寄園適心朗上人  
至邸賦此記之

秋夜山月正明訪古逸于河岸謾賦四律

感舊有懷題西巖寺壁

山行卽事

古逸招飲河湄醉賦

憶鶴

有序

別雲從潘比部將三十年近在京邸僅一面再晤  
于靳文襄公北頂苦廬因連牀作兩夜清話次  
韻贈之

仲冬十七日王明廷方伯吳北海觀察于章雲內

翰胡鹿亭中書前後過寄園登玃青閣面對西  
巘右眺太行山峰了然在目賦四律寄懷

弔毛香令秀才

有序

萬安寺主僧畱宿見一軒渾河將凍步月有懷

曉登梵樓遠望卽事感懷

癸酉除夕

甲戌元旦

甲戌元夕寄園促席方罷偕于子楚樗夏子西山  
王子宛先汪子紫滄及掾授二孫步月燈市于  
中翰章雲邀飲古藤書屋踏歌歸漏三下矣禁  
用上元習見語次韻紀事



春日出西便門宿萬安禪院古逸過譚漫賦

渡渾河訪古逸山人作

春遊賦懷 有序

前題

前題

前題

前題

前題

葛東之張詢安兩孝廉下帷寄園落第南歸詩以

贈之

甲戌春暮同學程子香升進都過訪寄園憶程子

辛酉別子廣陵關署入暮臨汀今十四載矣次

贈四律誌感

春暮過萬安禪院漫賦題壁

夏午李子南枝訪我京園因下榻焉長安米貴正

不易居促駕入晉幕次四韻贈行

秋日山居寫懷

讀羊山馬長逸高隱手書賦此簡報因懷山間歿

存諸子

睡起家蓼天過訪寫懷題延虛閣壁

喜方石上人過萬安禪居

汪紫滄設帳棗園農部邸中王宛先遠遊言歸無



日山居寄懷二子

春盡山行書感

山中草廬新成適李南枝赴山右卽寄太原同守  
大兄平陽戎府四弟

夏夜坐見一軒偶作

寄園荒蕪多載時復修葺爲退隱地賦此寫懷  
甲戌四月十三日讌集江南辛酉同榻于寄園馮  
敬南壅以世誼招來陪飲

別吳古逸僧方石獨歸題壁

散步萬安山麓古逸過譚偶成

雨窗睡起喜于樗鄉汪紫滄訪余山中觸感有賦

重過萬安禪寺題小閣

蓼庄春興

孤吟示及門二三子兼寄諸姪

新夏程香升夏宛來過從立占四律

從西山暫返寄園又爲再姪同戴汪二子到天寧  
寺迎予塔下

秋日冒雨到蓼庄有作

山中得寄園同人暨諸孫札代柬却寄

夏日山居得家問卒成四律報之

散步寄園適二洪子來別遠憶故友程子非二

于中翰章雲需次九年不調淡以旅食京華爲苦





P11-P13



作寄園雜咏賦懷因次韻奉慰

吳古逸過山居手譚賭飲喜而賦此

秋日海陽數客過山居譚鄉里事憐予孤寂而不

知予淡厭其鬧也賦此解嘲

得端兄家問望予補官甚切非予志也因書山中

近况以報

新秋吳古逸僧方石遠訪共傷毛子香令過其故

居有感賦此

三兒景行下第歸杜門苦讀憐其志勉以詩

艷體詩

有序

賦得端午臨中夏

唐玄宗句

初秋同方石分韻

歲暮覽返寄園與同人飲狷青閣迴憶舊客四座

頓殊呵凍成詩略誌時序之感

宛先王孝廉自晉中携姬赴燕邸值大雪單車出

關以錫山圖索句知不忌故里也詩以贈別

久住蓼莊不到西巖者數月重過見一軒感賦

返寄園暇日命圃丁芟補花木偶作

棲跡西巖有以次補來告者答以四作

甲戌除夕同李南枝于樗鄉王宛先傳巖未漢源

汪紫滄張銓侯玉侯潘若干侯來英唐百谷蔣

鄭賢兒景從孫繼揀繼摺繼授守歲



乙亥元旦

上元前五日招李梅崖基和姚陟山淳熹楊令鴻  
懋緒吳北海元萊四大叅飲寄園吳公未到

元夕

有序

家長兄太原將南歸以懷吾里古巖詩寄閱余亦  
愴然作故國思遂成四律

于子樗鄉客余寄園兩載今春入令鴻楊分臬幕  
束裝赴天雄詩以贈別

得三弟安侯粵西家問感賦時弟移駐懷集已十

五載

吹箎吟

有序

贈汪明經紫滄

有序

憶西湖

再憶西湖

憶虎丘

再懷虎丘

憶東山

有序

憶松蘿

又航裴太史訪寄園雨牕手談漫賦

憶岱宗

再憶

六月朔日二兒景從赴分巡濟北任寄園泣別詩



以勵之

憶新安

憶古城巖

憶茗水

憶海陽萬青閣

憶廣陵

憶白嶽

贈胡侍御鹿亭

林臥遙集

漸岸趙吉士天羽著

辛未秋日索居山庄章雲子子懷我四律泥金書

箋遠寄踵和請正兼促子孫繼抹南歸

乍鳴白雨失巖樓換杖閒行戀舊游酣戰薨蝸空角觸

慣含水弩竟波流聯吟頓有東陽瘦沈約和何遜詩曰

而有東陽之瘦矣僑寓終難北邸畱艤棹津門歸去好鱸肥蓴

熟未殘秋

誰為羈客拂埃塵片筴涼颼冷且真紫禁同聲傳古調

元稹喜韓舍人詩有紫禁古調贈句青山獨寤遯幽人文章千載雙盲腐

患難餘生一欠伸念爾花磚趨走勤幾多黃卷展麻綸



醉中得趣不求餘長倚蒿牀老謫居滅燭且拋無鬼論  
杜門欲續絕交書香巖紅蓼穿青髻石壁蒼苔結綺疏  
委脚曲肱無世事侍童忽報到雙魚

山庄遜跡共誰論剩得殘書幾篋存銀錯金鈎郵麗句  
冰清玉潤媿孱孫知君屢負翻棋局時以棋譜郵致樂我孤吟  
注酒樽岐路人行羣畏虎佞魂昨夜嘯荒墩

夏子宛來入都正值渾河秋漲予未能北渡一晤  
宛來亦不我過乃和予和章雲四律見尤卽韻

郵復以當晤言

舊春分路帶江樓呼籲重尋直北游庚午二月予以追封事北征別宛來於儀真帶江樓下車轂枕邊鳴獨夜風波陸海湧奔流西山退

結殘僧伴北闕難容逐客畱何幸恩膏偏下及羈棲不  
負兩年秋

傳爾孤征踏軟塵馬蹄驢背失天真花津無路通漁父  
蓮幕誰家作主人丹鼎坎離沙慣養熊經吐納鳥時伸

宛來向工黃白之術近一夢至道畱心玄門白蘋碧浪穿樵谷綠笠青篔展  
釣綸

桂秋恰值閏之餘誰過渾河詢起居嘔出心肝長吉句  
白殘鬚鬢遂良書宛來索書作晉遊有年近杖鄉多情付生涯于雙屐之語正足悲也

久苦相知累擯跡空驚會面疏莫想舊游山右好奔波  
難潤轍中魚

高齊兩擅古今論足別心傷舌在存春老花飛悲姊妹



竹淡粉退長兒孫故人磬折難分俸國老舟旋一合樽  
開太少宰俱招飲  
情盡杯中物矣已採落英成美醞何時惠過半山墩

山庄詠懷仍疊前韻寄于夏二子

十丈塵高暗市樓公卿偏樂此中游已收浩氣歸雲壑  
敢縱冰心逐水流碧蘚青山終入華赤松黃石舊封畱  
空天月出浮烟翠玉露凄清浣素秋

土銖竹几絕纖塵名可常聞企法真司隸共為公輔器

喜臺垣二  
王子內陞典型兩失老成人時梁吳兩  
相國訃至雙丸轂轉催衰

白一枕槐安恣屈伸開卷閉門賢聖邇五經今日又紛

綸

半世浮名轉盼餘菊籬斜繞小蓬居規摹點畫臨碑勒

築塲時于土  
中得石碣拮據丘墳校壁書竹葉頻傾顏頰赤霜根

屢鑷口髭疏清池沙汨含雲錦幾陣紅鮮玩妾魚

舊事無人可細論故交零落有誰存暗啞夜潰重瞳子

清白今傳疆項孫時楊虎臣令孫過  
山庄信宿還里巖厂自然安几硯

石窪恰好置罍樽生還得傍高山隱呼月招松擁小墩

再簡四律以悉羈人山居逸事

霜鐘何處撞烟樓朝士紛趨我夢遊袞袞雲濤翻日晷

峨峨石砥壅川流碧潭水漲公無渡宛來以水漲竟不  
能赴山庄之約

黃口庭羅客不畱雨歇東臯猶滴瀝芊芊盈畝黍禾秋

今曩繁華一闕塵消磨且盡獨畱真寸心得失誰知已

過口甘酸勿問人青壁月高形影肖黃梁夢斷膝腰伸



長思秘閣陳言日端版何能着白綸

噴岍半是補天餘得此雲林我隱居  
棐几壺傾千日酒

松牕月印一牀書羈單偶憶西園聚  
高直誰容北海疏

舍下古巖環舊墅石潭長蓄放生魚  
漸溪繞寒舍魚樂水中長落不去子

嘗曰放生潭今四十年矣

溪父園公兩較論高人遺築至今存  
子寓西山舊軒名見一為啟禎時隱

君有所老能琢句酬諸子遠未分甘抱十孫  
拈有記

不苦伊哦橫警枕共還淳朴飲杯樽  
山僧禪定無

聞見松下跣趺廢綠墩

中秋前二日坐月見一軒高樓作仍疊前韻

誰隨老子據南樓拂黛擎蒼供臥游  
清漏頻催銀漢上

浩波早逐玉霄流展翎仙鶴聲空過  
冥跡雲鴻爪不留

花嶼香濃圍菊嶂暮砧斷續警邊秋

素心原不涅緇塵絕却嫌猜守我真  
廣殿風清尋桂子

間關月渡喚蘆人千峰立戟空攢簇  
一壑灣環靜引伸

午夜臥餘殘夢續退身那復縮丹綸  
時子誥封已恩復

冷吟閒醉夢回餘聊搆香山履道居  
寂寂不聞人問字

便便止有腹藏書甘心放逐朋僚絕  
薄宦東西骨肉疏

予同懷兄弟三人皆遠宦晉粵三失自傷時痛哭  
未能槁死媿臯魚

久已無人對榻論郵來尺一許多存  
偶然醉酒呼中聖

誰復題碑署外孫破寺僧雛喧粥鼓  
時作佛事達旦荒陂牧豎

競匏樽經營隱趣氛埃絕高柳叢篁翳菊墩



抄孫南歸再疊前韻寫意并懷諸知己寄兒曹

谷口松風響石樓脫身無累獨天游籠牛早幸除前勒

牽犢何妨飲上流藥鼎長尋茅許去懷長逸高隱赤山和尚酒壚

難共阮稽留指孫古嗶魏子存諸君故山蟋蟀悲丘壠我亦心傷

白露秋

空天飛礫破流塵吳市逃名訪子真時吳古逸別子赴白門訪道羊山

碧樹紅燈傳勝事寄園夜懸樹燈酣飲黃花綠酒載何人蜀中司

馬游難倦懷王偉度樓上元龍氣不伸指錢朗亭家問頻頻來少

宰幾時補袞掌絲綸

童年勿負此三餘米貴長安不易居倚鍛難邀中散顧

有訪我蓼庄不得一晤悵然而返者籠鷺已換右軍書抄學書於姜子西滇無慚柳

下甘三黜有負蘭陵恧二疏紗帳傳經師訓好講堂昨

日雀啣魚抄受業於棧園汪太史時轉部郎

赤眉青犢忍重論簪笏雖傳已不存甲寅新安盜起寒家劫掠一空常

媿質威真父子可能瓏玠作翁孫灘中偶逐黃蛇劍時東

鹿宗人以古劍見惠闕下誰開白獸樽却羨山鄰漁牧伴酣歌爛

醉臥花墩

七疊前韻寄復宛來并致章雲

歡笑隨人薄谷樓合鯖羞向五侯游谷永樓護為五侯上客青堆


古閣空三造湖州東佛閣三造不成烏戍耆儒第一流烏戍即烏鎮解

去朝簪容我懶釀成麩藥為君畱書空雁序橫天路叫

入蘆花斷岸秋

水人卷





P6-P7



塵尾頻揮蛛網塵橫斜竹柏寫清真山山慣見曾來客  
日日新逢未面人葦白蘆黃楓未赤魂清骨冷與方伸  
三公不入狂奴眼雙石長垂百尺綸

嵐潤烟籠積雨餘橫拖雲帶裊巖居山腰叢桂堆紅粟  
屋角芭蕉展綠書活計如今真冷澹人緣自此更生疏  
市朝機穽無尋處大壑深深縱巨魚

少年意氣且休論川逝雲流頃刻存莫向江沙哀屈賈  
敢因荆益料曹孫遠行熊館踰千里近笑豚蹄酒半樽  
百疊翠屏天半峙藤蘿月上映香墩

八疊前韻寄復章雲并致宛來

虛空結構屨為樓徙倚何堪賦遠游風隔爐奩疑霧直

頻邀草具畱寄語生平舊知己近來獨覺性情秋

禪版蒲團靜劫塵覆焦夢鹿幻成真青鞋皂帽誅茅客

破笠長饒種菜人擊響未終义手應吟肩雙聳皺眉伸

三年不作簪纓想却夢黃扉擁紫綸

自傷抱蔓摘瓜餘法雨香雲貝葉居但唱嗚嗚長獨樂

何心咄咄向空書酒牀滴罷頭巾漉琴軫抽來手操疏

半嶺嗒然聞遠嘯嬾笑爾雅釋蟲魚

舊事何堪仔細論京華冠蓋孰長存空絲百尺攀髯叟

重穎盈疇獲稻孫岐路歌驪凄別曲浚秋湛菊對離樽

時夢庄父老摩挲銅狄滄桑更蒙鼓還畱太古墩盧邀求仙

事送子入都

水滸傳



山樓秋尋登韻至十二感懷作

烏柏霜紅爍綺樓拖烟抹雨恣閑游氣含素白空潭潔  
峰割陰晴積翠流近岸魚沉雙屐響攀巖履脫蔓藤雷  
持螯把酒黃花裏凄緊商飈耐勁秋

門垂五柳掃囂塵那得柴桑獨任真鄰舍詠諧頻說鬼

夢鄉迢遞不逢人英餐金蕊原非落菊衰謝而後落英安有可餐之味或

云落始也落英謂始開之花耳閨厄黃楊豈易伸豪氣難除狂態作蘆

中鼓柅暫廻綸

舊好難終歎耳餘窮安陳巷老嬰居中郎默識柯亭竹

叔夜誰傳石室書飛白鴻篇空草草凋榮風櫛漸疏疏

山歌村笛娛衰景何苦雕蟲伴蠹魚

後生風吻莫輕論碩果難留萬一存何處孤斟尋阿姥

不聞一飯報王孫卅區朔望趨槐市時徹循諸姪俱列學舍百味

陰陽酌桂樽駱賓王詩春朝桂樽樽百味蘇子瞻詩稻垂麥仰陰陽見撼撼疎林聲

陸續坐看鼪鼯穴殘墩

花月吟有序

九月三日晤于子章雲夏子宛來於舊邸章雲

出花月吟質正云是公家少宰囑倣唐子畏體

作也過蒙稱許謂勝於子畏兼述少宰歎服予

詩公宜和以相慰宛來曰和韻一不自然通篇

為減色古人難之故不以此擅長予笑應之曰

予為其難者可乎章雲寄懷詩予叠至四十八



律興猶未已此獨不可踵而和耶衝口成吟爲  
致少宰以當面晤

花輝玉萼月凌樓問月評花徹夜游花霧臙臙殘月度  
月波蕩漾落花流多情月姊花容瘦解語花姑月佩畱  
愬月長歌花競秀月臨花嶼鴈行秋

花枝拂月裊香塵月色花姿共一真探月花驚棲宿鳥  
看花月傍旅行人月邀花步尋難遍花簇月眉曲不伸  
退谷誰爲花月主花洲月渡夜投綸

秋老花殘菊月餘月初纔別浣花居曾繙月樣花王譜  
新檢花叢月老書掛孫新衰草殘花沙月白曉風斜月  
野花疎練光縈月光溪碎吞月啜花躑刺魚

開盡心花對月論花身月魄兩溫存花朝月夜餐雲母  
芝生石上雲爲之覆日月窟花房繞竹孫急擊花鈴催  
雲母秋採食之令人壽月御高磨月鏡印花樽撚花弄月憐尤惜重疊花陰罩  
月墩

重陽後二日更潑至蓼莊吳古逸南行不果先據  
山樓家蓼天老人率諸郎携樽就飲醉疊前韻  
記事

雁落霜高笛一樓何人清嘯月中遊香分雷莢金芽展  
風曳蘭膏玉淚流持杖將車羣從侍脫簪墮珥醉髡畱  
古逸大醉即 芒鞋踏遍燕山路白荻丹楓報晚秋  
下榻樓前

洗空宦跡廿年塵狂態難除嬾果真樂守巖棲堪佚老



肯拋田舍趣忙人勿忘有事烏乎正偶屈無名可不伸  
長憶辰春廷鞠日天威咫尺聽嚴綸

空牀一薦坐無餘甕牖蓬門曲巷居絕壁松聲緝貝梵

空天雁足展蟲書千山頓令雙眸豁萬木今同兩鬢疏

記得秋風看樹鬣青篔撥棹網苕魚已卯歲居苕上  
網魚碧浪湖中

戴笠乘車勿復論今人古道賴君存心知劉尹難推謝

感念稽生久媿孫古逸為千同門方月江父執譚及丁  
西園事淡慍錢繩庵出山每為匹友

淚落桐帽機鞋尋野衲菊羹菜佐山樽苔荒三徑新畱

跡露蟋烟燐藉草墩

獨步山尋看落葉作

霜醞寒光醉竹樓佛前揖客上方遊沙鳴馬鬣陰烟罩

葉脫蝦鬚暗響流垂白牢騷無可遣殘紅冷落不堪畱

松牕藜榻容高枕綠酒黃花稻蟹秋

石澗崎嶇絕馬塵獨尋仙伯學棲真空林殘葉迷岐路

絕壑寒濤迫浪人病思秦聲終不改哀吟楚些向誰伸

黃庭戊巳頻烹煉道藏新通十二綸

眠餐無恙盡波餘三徑蓬蒿仲尉居歷遍山川司馬記

傳來忠佞史孤書寒童琴縮擔簪怯孤磬鏗鏘落響疎

為問陽岐村下路何人寄膾籠生魚

鵬飛鷄決兩難論騰躍扶搖性各存鄉井傳書呼犬子

山厨執爨倩猢猻旗槍舞罷傾磁杓楫柁煨殘酌瘦樽

滇楚近來烽燧息海天萬里靜烟墩



吳古逸手札至喜其尙畱渾河未歸也詩以招之  
蒼岑綠樹擁紅樓蓬戶朱門共一遊人物品題勞月旦  
門庭蕭寂景風流僧扉不啟猶開竚客騎思歸又小畱  
箬笠蘿衣青竹杖悲歌變徵海天秋

薜蘿山鬼暗黃塵偃月爐中息息真擲地可成金石響

投林長謝斗筭人於菟搏兔牙方鋸徧狙懸崖臂半伸

巡勘又宣天子詔河堤修築繼張綸宋天聖年間張綸

至今賴之時上命戶兵工三部侍郎博公濟

醉憇花陰睡美餘悠然泉石得閒居挖開香土藏花窖

坐嗅旃檀暗梵書身嬾拜趨原不賤客譚奔競止空疎

露葵青嫩菰頭白剖瘿分甘食木魚禮笱名木魚時

泉咽山澗忍更論寄來手札爾音存父書徒讀奢無子

祖笏長傳暮是孫驟雨敲牕停履屐層嵐環堵潤琴樽

亂峰孤月愁羈客瑤草斑璘作繡墩古逸有令先祖手

同吳古逸竟日山遊宿永壽寺作

甫白同登舊酒樓招携遠續昔賢遊老猿偏向人前嘯

空濕遙傳樹杪流谷口逃名長棄置湖心入夢尙勾畱

聞敲小磬開樵徑古塚嘶風石馬秋

跌坐勞君掃席塵虛空漱嚙反吾真舌存勿復譚時事

心息故應作散人水上然犀無不照泥中屈蠖敢求伸

恩波一旦來荒谷父老歡傳出綉綸時恩免

哀草寒沙落照餘佩壺躡屩叩山居終年乞米貧存帖



古逸藏魯公真跡重價不售長日扶犁老學書不是孤筇遊躅倦何

緣雙屐到門疎壯心白首銷多少近午齋僧聽鐸魚

清言淨業共譚論靜聽真乘止爾存地骨蒸芝雲作母

土膏含露芥為孫蒼髯偃作支離叟綠蟻傾殘爛熳樽

杖策斜穿麋鹿徑秋來綠盡舊苔墩

吳古逸携高足毛香令晚來山居翌午話別即用

前韻贈行

雲外山遮一半樓何當陶謝與同遊陽烏陰兔丹霄劃

玉露金飈碧落流長嘯思君巖畔立孤燈過我夜深留

花龕相對僧牕下雪栢霜松共耐秋

飲不盈蕉斷麴塵棲遲丘壑足韜真精廬早落雙鳧鳥

古逸明季會作令

空谷新來兩玉人瓶口長緘宜老守枕肱久

曲又思伸住賓莫怪山厨儉我已腰鎌采組綸

組海苔綸鹿角菜

行李半肩剝掠餘

毛生途遇暴客以空囊幸免

昨宵淨梵得安居人

前蠟就登山屐背上溫殘掛角書心畫精工懸筆勁

古逸

善書手譚苦想落聲疎

子與毛生對奕

汝南吟雪申詩禁白戰無

譏懶祭魚

時山中夜雪

六如五蘊總空論風雪寒龕佛火存拄笏趨蹌呼石丈

流徽婉轉採桐孫槐安不理臨南郡瓠落難容剖大樽

為問巖棲何處是清溪一曲繞薇墩

家闈仙太常謫遼陽手札忽自北至感賦四律兼

懷關外王江二子



晨昏分集漢城樓

遠殿外城謂之漢城中立

關外霜威

堙客遊馬蹴陰溝山北向人跽木藥水西流

木藥為長白山高峰

宓黃傲宅甘遷謫管邴依王久滯畱遙念溫涼殊氣候

荻花可共發淩秋

宛仙入籍遼東因有依王之句

夜中刁斗聽沙塵婦孺長睽認不真

時携眷屬赴遠霜遍華

巔鞚逐客青回白眼泣宗人憂來感額行吟老譚到傷

心灑血伸念汝臨淵何所羨娟嬛獨立展微綸

香城分手兩年餘

已巳王正別閻仙於南西門外趙公菴

雪窖水天絕塞

居公薦預催千里鴛四家斷送一函書

閻仙與馬鹿兩侍御高郎中同

時出關爾今嚴譴貧兼病我久屏居嬾復疎長日閉門餐

樽飢可曾飽吃混同魚

唾壺擊碎不堪論蹭蹬餘生用拙存誰則象賢稱令子

可能繩武作文孫一川霧縠皺紅鞅四壁烟鬟罨綠樽

莫指投荒長白遠小遼水溯扣河墩

渾河各小遼水源出塞外扣河墩

九月晦日獨遊思歸宿罕山延壽寺作

畫角聲殘古驛樓脫身縱向北巖遊霞城張幕紅全罩

冰壑垂簾凍不流月晦今宵冀已盡冬來旬日葉難畱

九月十八日立冬

蕭然獨步誰堪語蟬咽虹藏又四秋

開幽尋

獨到珠茶迴絕塵

山茶六種其一寶珠茶十月開至來年春暮山中亦不多得

幽尋

獨得物華真空畱白髮為遷客止剩青山作故人魚鳥

偕遊神自王耕樵頻課氣長伸外家屈指今存幾

時得廣陵

諸妻成長相悲盧子綸

盧綸送姨弟裴均詩相悲得成長同是外家恩

弟字



夾路松濤百頃餘蘇灣阮曲子雲居山樓又樂歸田賦  
家圃猶傳種樹書嚼蠟人情看爛熟附羶仕路願稀疎  
冥鴻遠引無畱瓜羞作江湖逐隊魚

茗椀丹爐靜比論蒲團坐煖然存存香園善水尋真侶

雪竇雲門見法孫桐水尙思回網權蘭亭長憶曲流樽

近看剛鐵墳前石泉響空巖漱六墩罕山有大監剛炳

百斤鐵鎗破陣明成祖每呼以鐵今墓前  
立有六石墩以永樂時賜鐵坐几六也

懷黃有序

予甲寅春暮入黃山裹糧作半月遊四月朔宿  
文殊院更澁忽放白光置身銀世界中山鳥齊  
鳴諸峰了了生平得未曾有移時一無所見今

十八年矣近友人以黃山記遊寄正夫茲山巖  
壑松石之奇朝夕變色今昔異狀出人意表雖  
善繪妙處不傳也予閱山記駭矣誰盡其勝者  
既未能盡其勝又烏乎記山有舊題額曰到者  
方知又曰豈有此理又曰不可思議得此十二  
字千百篇遊記可炬也偶觸予心用疊前韻懷  
之要不過憶當年吾目之所及吾足之所到以  
誌昔遊而已亦安能盡茲山之萬一哉

摩雲直躡谷中樓珠闕瓊臺得縱遊紫石文虹窺澗飲  
青鸞翠靄逐巖流山瀾溟渤空濤湧僧學猱獺絕壁畱  
一杖撥開瑤草徑涼生三伏已深秋



古壁苔封玉簡塵丹山碧水好尋真名都定鼎來天子

立石拖紳拜聖人石丈孤聳冠裳特立儼然尼巖窈玲

瓏時萬變松虬蟠結老無伸書堂傍寺清潭近傳說逃

各有鄭綸鄭師山先生却聘隱此築室

虛空皴染半畱餘雲幟霞標擁梵居邃洞不知秦歲月

空門安事漢詩書泉根感沸塵心淨山骨蒼寒世味疎

菜甲茶槍僧供好六時清響吼鐘魚

天工巧琢破庸論白竈長畱藥不存蓮母婆娑携九子

蓮峰中立為眾蓮母光明頂居石人偃僕弄諸孫石人

其下小岫聚如茵茵曰九子也至此二峰慈光

鞋尖難遍踏雲淡空盼錦霞墩山中錦霞洞有仙

再懷黃疊韻

可是崑崙十二樓攢峰叠巘舊曾游猿躡岫頂呼松渡

雲過山椒學水流萎翳多年紅朮出採樵無路紫芝畱

半空笙筑喧天樂六月平添萬頃秋

寺門誰掃落花塵松谷雲深景趣真山錫黃名畱帝跡

我吟白句問仙人黃山題詩自劃開削壁丹砂瀉界破

空巖素練伸猿接蛇盤陰洞合蘿龕香篆展烟綸

峻嶒玉立百千餘洗竹剝桑隱者居掛瀑有聲皆薄激

薄而為雷圍屏無石不圖書仙燈晃朗迎還送蓮瓣芬

葩密復疎隔絕深巖難棧度穆穆松檜蔭龜魚龜魚石

峰數十步深巖

四絕從無人到



烟封苔鎖靜推論畱得仙棋一局存正棋石峰有枰方天

半松林峯搖馬鬣中石筍長龍孫間在石筍峰下罄人

不備流來香髓分金液持去瓊漿飲玉樽軒轅至湯池

石室飲瓊漿昇我亦暮年思屏跡凝嵐積翠澗雲墩天出周書異記

三懷黃有片

于子章雲曰綸伸孫墩韻之最枯者疊至七十

六章古今倡和所少茲懷黃八律自然渾合足

為山靈寫照且無一重意復句正如黃河水從

天注浩乎莫知其所止韻盡矣乎未也予曰黃

山以峰名者三十六析之為三百六十再析之

三千六百三萬六千無一松一石不耐人思思

無窮詩亦無窮安有盡乎因疊前韻復作懷黃

八章

四圍青翠冑丹樓壁立千尋浙上游無火寒泉長鼎沸

不花襍樹盡葩流淡松鶯石聲聲轉松谷鶯石曲澗鳴

絃裊裊畱橫石如琴水沸琴天際雲行多變幻懷黃入

夢怡逢秋

繡嶺紅泉隔世塵何須遠暮穎陽真天都石室高千仞

帝子仙踪止一人海內無山觀已止徐霞客遊歷通天

天下無山山中布海志方伸子游黃山見佛光而未見

觀止矣又何時得伸此志也予雙溪齒齒傳曹阮咫尺烟波獨



經幢梵鼓放參餘百級砂巖架樹居禽樂分迎前後海  
苔花半蝕古今書凌雲古檜盤雕健絕壁溫擲捲木疎

掃木剝之可卷  
作甌盤等器  
有長水石於  
巢中養魚

俯仰陰晴山鶴巧石中長水養巢魚山鶴

叫絕咄空未易論心眸了了夢魂存盪胸雲涌蓮中蕊

繞膝峰羅乳下孫願挹仙瓢分玉液不搥土鼓飲汗樽

天然石琢畱泉厂踰髮皺肌沐煥墩

### 四懷黃盃韻

峰羅巘峙拱僧樓可記蒼茫夢裏遊石腹松穿山骨斲

巒頭瀑瀉練光流龍髯織就織織長馬跡印淡顆顆畱

俱軒轅山  
中遺跡海黑江黃雙到眼木蓮開落自春秋樹大如  
花葉

皆九出惟  
黃山獨有

鍊塊蒸砂久去塵往來多半是羣真仙源曲徑通香谷

石丈長年作老人鐵笛橫吹三弄去銀罌斜壓一肩伸

登雲梯一道人嵌石壁中吹笛程肇  
老携具至呼之同飲如夢中事矣無凹拔足憑空度

挽葛攀茆若轉綸

寒骨悽神股慄餘一僧掛衲老巢居丹梯古蘚封遺篆

玉笈真言秘素書爛日掀霞峰攫搏耕烟織翠樹森疎

鏘鏘暗響流何處亂石騰空駭躍魚

掀眉蹲足口難論滴水凝膏玉髓存三竺五臺稱仲氏

九華雙目作曾孫螭頭長傍呼龍石山有四足魚螭首  
疑其龍也峭壁題

龍石呼苔脉遙分引液樽有苔脉出清泉一線晝夜盈  
石罇用周一僧題曰引液蒼



豹斑龍空壁嘯懸藤垂蔦曳危墩

江子辰六寄書遠候叠前韻寄意

點檢瑤篇入選樓廣陵曾共酒人遊

辰六童試予知高文

不媿雄衰侶大雅居然顧陸流風雨建鐘山鬼嘯往還

尺牘別魂畱瓣香久負南豐拜訪我江臯又兩秋

清嘯江山不雜塵城南小築在儀真

辰六岳翁吳園次有江山清嘯閣及

予城南小築俱在真州辰六時時過訪

將歸鏡曲題狂客敢繼湘纍作怨

人末路崎嶇曾久歷壯心礪魄幾時伸雖然未整還鄉

旆忍負家聲墮世綸

時予以追封事北行

舊賓已散罷官餘詹尹何勞卜我居塞竇年餘嫌過客

挑燈夜午答來書難平積恨簫聲怨未報浚恩劍術疎

寄問均州江刺史梁間可剩舊懸魚

三一溪澗遠討論雷塘月觀舊家存

辰六山新安遷入籍黔中

向

來各士推諸葛自幼聖童識長孫可到黃山聽響雪

辰六

庚午會歸故里

常懷碧浪飲窪樽

園次出守湖州辰六在幕

瑠巖翠壁攀緣

絕遲爾高吟嘯半墩

辰六和韻寄慰仍叠四章簡報

哀笳曉咽帝城樓匹馬驍騰縱轡遊曼倩何妨工諱浪

叔文真不墜風流璽書禁籥頻褒錫猿鶴空山獨慰畱

一自論文准幕後依稀舊雨卅餘秋

予識辰六於辛丑之冬

嗟巖長輿早出塵馳驅幸勿喪其真江離辟芷行吟客

赤岸青山載酒人向日蹉跎差足慰三年汨沒一時伸



縱橫詞氣同元結金紫應加良牧綸

擁衾酣睡曉鐘餘嬾拙甘尋水石居老子已忘鐘鼎夢

大夫早上治安書人中爽爽真蕭散阿大羅羅特坦疎

薄罄一餐將遠意幾時携榼挈長魚曾囑猶子循招辰六至京邸一飯

細雨孤探孰可論懷人荒谷意空存誰傳眉目追先輩

羞鑷鬢髯問小孫冰玉寒依江閣月懷辰六令岳園欠龜魚夜

泛雪堂樽釀王作金銀龜魚浮沉酒中東坡在黃州

膏盲久入烟霞癖息趺棲心憇石墩

禪棲獨慰有序

遯跡荒藍樵牧為伍既無諱忌自絕排擠都中  
家問至有議羈人久不歸里者我已忘世而世

不我忘將何處托足耶鴻飛冥冥高隱難及子

媿入山不淡矣賦此寫意

松翻寒浪撼岑樓掉尾泥塗放浪遊蓮社方開眉暈皺

麴車甫過口涎流雙鬢挽黛空巖裊了髻拖青絕壁畱

烟織山皴圖畫妙新增一段水雲秋

禪枝四靜久無塵典趣悠然自蘊真獨夜正長詩破睡

百年過半老隨人聲聲姑惡哀難訴嗷嗷伯勞怨未伸

得遂故園歸隱願羈臣痛哭拜王綸時有上傳令放歸者各安業遂生毋

得飛誰排陷讀之感泣

夢入華胥臥餘竹罌石鈿傍禪居扶藜鹿苑披殘衲

分火雞臆校舊書輦下交遊今已絕龕前嘯咏永曾疎



山塵不復嬰塵網卷帙頻翻彙壁魚

閒心且就老僧論剪韭炊梁石竈存絲罽羅張纏喜母

霜悽露冷咽蛙孫蛙孫蟋蟀也更裝收淚投鉛筑伏櫪長歌

擊唾樽雨洗亭臯舒翠縷戒啼白晝踞高墩

出西山口以雨止宿家蓼天自怡園中卽景四律

數峰淡處隱誰樓石路頻過未眺遊雲幕孤巒青半露

栢披古雪翠斜流縱非元亮容高臥孰是任安肯獨畱

絕口無言惟飲酒敢分臧否作陽秋

孤直巖松已脫塵可能蒼健得全真任呼漫浪爲聾叟

且鑿垣圯作遜人若爲盲聾無可告故將雷電向空伸

久携瓢笠辭簪笏歸泊桐江老一綸

鋒稜剗盡養恬餘到處園林可寄居數載人離青瑣闥

頽齡心悟紫陽書耑工趨避翻成錯已絕逢迎願見疎

猶記寶公禪榻宿同嘗白下繪殘魚已未同蓼天次郎連城姪寓金陵

摘藻無人可揆論牀前剩有老莊存玉鳩近肅羅耆舊

竹馬歡迎拜穉孫紫石丹楹侵碧蘚白頭紅燭映青樽

萬峰挿笏蒼冥裏土竈柴門傍戍墩

靜息蓼庄頗適我持姪過盞韻賦懷示之

雲巒排列簇高樓登頓忘疲振倦遊青鬢久斑時務拙

白駒難繫歲華流無容奮舌千言掃空復煎心百卷畱

石榻臨牕嵐翠滴冷看鷓鴣橫凌秋

難逃佛劫與仙塵晦跡多年獨葆真爲圃爲農安問世



呼牛呼馬敢尤人素濤烹雪雙團展青鏤驚雷側理伸

晉武以側理紙賜張華 樵爨傍山棲宿得空天散綺布霞綸

香妙燈青夜誦餘飄然羈客久離居不逢孺子空懸榻

可是潛夫獨著書莊列寓言多詆訛籍伶酒隱自清疎

已甘麓糲饜熬藿為爾新沾尺半魚

百城坐擁恣探論冰雪殘編臭味存御廩關中頒赤子

陝中饑發粟賑之 穹廬塞外欵烏孫時哈爾哈納欵 白頭尙未扶鳩杖

黃目何曾宴象樽酌於中而清明於外為黃日 薄海爭傳天子詔龍

沙成火撤邊墩

十月十日景從改葬先曾祖母景行浙歸襄事四

章代哀寄示兩兒

霞綺烟霏天繪樓萬青閣已倒今復新之 長汀屯浦獨帆遊谿衍

響谷周遭擁嗚咽寒灘曲折流掘肆榻殘藏幹碎漆燈

熱久篆文畱埋魂弔月悲黃壤透骨泉侵五十秋曾祖母辛

已葬右源乃為水蟻侵蝕新改窀穸于東阜已恨其遲

清湍濯爾舊纓塵心苦窮年爍泰真蕉鹿存亾渾是夢

楚弓得失不關人鐵驪雖駑鞭仍着寒斃方沉縵又伸

緋髮交橫扶襯哭焚黃重展頌新綸是年先人同予誥封及兩兒俱叨恩

復

宗親會葬泣冬餘拜奠靈輻卜安居白幘烏巾南北叟

青囊玉髓廖曾書細尋山脉陰陽合莫誤巒頭指點疎

封樹更營高燥安奔騰沙水舞緋魚



界水藏風不忍論沉埋金椀可長存久捐玉骨穿蟬  
新易桐棺見裔孫五世丘塋封馬鬣二祠俎豆奠犧樽  
何時展省東臯路螭首龜趺列賜墩

徹通兩姪携抃孫南歸值衍御衢三姪赴試武林  
止衢入泮同舟旋里賦此勉慰

列嶂青青舊有樓少年結伴武林遊孤阜玉立嵌空矗  
南北阜兩峰三浙瀾廻浩渺流古壘猶存烽燧息  
已祀其一  
汪華兵駐古城  
為寒舍屏山  
豐碑未蝕姓名留祠堂老樹雙排列長  
護村門半壑秋

家在天津近市塵鄉耆無恙總情真忽來犢鼻當鑪婦  
時微姪納  
近別雞鳴待漏人  
九月別家少  
雜樹蔥青森

以挺好山蜿蜒引而伸耕巖釣瀨從吾好不挽輶車覓

羽綸

罷試羞歸痛哭餘講堂舊傍古巖居五車無負丁年學  
三管時勤乙夜書畢竟標鮮羣秀出胡為潦倒歎荒疎  
龍分頭腹難為尾管邴何曾勝子魚

家世簪纓屈指論海陽故址儼然存蘋蘩采薦宗文母  
榛栗修虔嗣御孫  
時抃孫同新  
蘭若敲魚齊放梵竹林

浮蟻共傳樽甘泉雙湧寒橋畔接縷多年絕釣墩  
寒舍  
橋左右雙泉水甚甘遊鱗咸  
集癸巳奉禁後絕無垂綸者

晚寓萬安禪林曉返蓼庄作

花邊坐嘯夜登樓拘束全拋浪出遊去我嗽巖消魄礪



任他坎陷不遷流雲皴畫嶂山容靚月冷花巢鳥夢畱  
丘壑於今應臥穩久毓岑寂豈驚秋

香龕曾網佛蒙塵塵世何能躋聖真拱立途逢高隱士  
住持寺換舊僧人心丹石無容轉髮上華巔不復伸  
豫粟充饑隨地採荒厨供客待漁綸

蕭蕭易水和歌餘落葉成堆伴瑟居奇字誰從揚子學  
故人可見翟公書買山遷客誅茅慣乞米殘僧住寺疎  
野哭秋旻愁不遣小車轂輓釣寒魚

寒牕剪燭自評論龍尾鼠鬚木榻存河澗毛詩傳鄭衆  
陽城聖教受顓孫餘生經濟營三徑半世聲名盡一樽  
曉起斜穿雲壑去牧童吹笛上高墩

秋山偶集

有序

古逸過我曰予讀林臥遙集一百五十八律全  
無複句各具精思詩之能事畢矣近有以數目  
顏色權度衡量八音等字集成諸體者若公強  
迴筆端收束思路滙諸體爲一斯稱創格其數  
則一二三四五六七八九十百千萬億也其色  
則黃赤青白黑紅紫碧綠翠藍也其度則半分  
寸尺丈竿尋也其權則斤兩錢分毫釐絲忽微纖  
沙塵也其量則石斛斗升合勺抄撮圭粟顆也  
其音則金石絲竹匏土革木也其韻則依前所  
次樓遊流畱秋塵真人伸綸餘居書疎魚論存



孫樽墩也共八十三字用四律收之可乎予曰  
何爲不可山居苦無書讀正好藉此推敲搜我  
半日枯腸亦旅嘯樂事然未免見譏雕蟲爲大  
方哂矣請爲子賦之

長辭紫禁臥山樓斗室盤旋萬里遊方丈雙趺金粟現  
寸圭半晷赤烏流翠微紅藥尋晨肇黃石白衣嗣鄴畱  
七寶合成修月戶斧斤開幙九天秋

遠落秋毫幾撮塵伽藍匏繫抱玄真雲霞升降遙迎路  
沙石縈回曲引人黃耳應聲書忽達青蠅獨手恨難伸  
絲絲冷雨皺空碧勺水纖波不下綸

綠陰欹枕黑甜餘竿尺頻來十畝居百卷續全焦革譜

八分割就蔡邕書泉簾曳白蠟幾濺柿顛翻紅灌木疎  
習習清風生兩腋飯抄雲子嗜嘉魚

二六休將四大論酒癡錢癖兩無存雙分青白翻眸子  
不億雲仍拜耳孫慣住一花千葉裏常持三雅五經樽

三雅五經皆酒器 犖犖萬緒傾愁斛竹籟琅琅出土墩

出山麓看冬賽宿自怡園古逸對奕香令吹簫頓  
忘此身作寓公也詩以記事

雲淡古箐鎖朱樓水曲山坳杖履遊錦飾鞍韉看馬駛  
香生笠縠擁車流青泉新釀糟牀瀉紫陌殘泥屐齒畱  
天不炎涼無氣候莫悲團扇別浚秋

搥鼓擐旗起獵塵桑麻樂事本來真畫墻薜荔圍新築



芸閣縹緗論古人撲挽僂紆迎又送機關傀儡屈還伸  
窮堅老壯千秋事渭北淮南總一綸時搬演諸雜劇

生天不願舐丹餘種竹編籬小有居堊帚掃成飛白字  
醬瓿用覆太玄書樵蘇得脫籠樊累塵垢何嫌櫛沐疎  
莫趁渾河貪口食請看搖曳上竿魚

杖頭掛百獨參論葉嶼花潭一一存長憶尋梅携鶴子  
敢饕肉食厭篁孫手譚落着無翻局尸祝分司不越樽  
何意空山僧半窳得聞絲竹謝家墩

酣遊方倦甫歸山寺孫山人大鏞過訪以悼友文  
見質予畱酌話舊愴然有感

遮門松蓋護花樓客過何須更結游荷鋪山腰黃獨茁

囊雲谷口翠微流傍欄紫砌蛩聲咽掩徑蒼苔鳥跡畱  
叢桂無忌招隱約長林夢穩嶺猿秋

諸君玉骨化為塵塚石苔衣點染真曾向陳根悲宿草  
更憐古鬼積新人高菰村何相如兩掌科許亦蒼家爾玉兩侍御相繼作古烏棲蘭

薄聲空訴鶴立山楹脛獨伸巾襪全拋遊繡谷馳黃走  
碧踏青綸

鬢秃眉攢百感餘行踪無定亦鷄居綠葵紫蓼商山饌  
緗帙縹囊鄴架書家遠頓忘閒處老交淡自向淡中疏  
空王慧火銷灰劫珠絡花幢伴粥魚

爾無驚我發狂論聚石圍爐指點存覆甕休輕儻父左  
張燈恰值故人孫未能澹茹除葷血聊復淡盃掬益樽



木野遺集 五  
泉下棲神潛闔閉石光烟色慘臺墩

馬子高陵為江均州幕友閱予遙集吟次四律介

江子寄正詞旨清麗可與言詩予雖不識面實  
懷其人倚和答之

纖雨淒酸冷畫樓半牕安枕少文游抽思綺合心花簇  
轉眼冰開鬢雪流鄴下應劉人已散山中角季老空畱  
畏書束劍南來客輦路浮沉幾度秋

破寒霜屨走京塵未面何勞結分真好我傾心懷舊雨  
聞聲肅介正陳人春葩折贈交新締毫素橫披意獨伸  
金石相宣傳雅叶嶰谿取竹得冷綸  
分携三管夢花餘輦轂依人念野居桑落時傾清濁釀

松滋閒勘典墳書懸鷄躡履游囊澁飲谷棲巖客屐疎

此日長安知己少無歌甯角歎馮魚

開徑人過抵掌論眉間喜見白毛存長含麗藻揮鉛筆

願學騷宗締雅孫小異閒吟搜僻句馬異學詩盧全體尚險怪時人謂之

大企自然醉臥罄殘樽馬自然飲一石經酒狂遠廬蕞芮盤

小異鎌具携爾同芟樸檄墩

秋山再集 有序

予以近詩寄正江子辰六復札云夫子新詠獵

精擗藻春葩爛然愈出愈奇引人入勝因歎五

岳之外更有三山四海之外更有九環尋繹洵

無止境再讀秋山偶集非精思異采不足以副



此創調然絕無彫鏤痕也集字渾成至此遠出  
 坡谷上况小子漫無詩學者乎隨欲倚和思之  
 至再竟爾閣筆才不相假如是予謂辰六過于  
 稱許益滋我愧適一覺五蘊兩上人鶴夢羽士  
 過訪山居求詩予吟興正不可闕非限字限韻  
 無以檢束心思卽六集限字相贈以代譚宗圃  
 法將數目色目及權度衡量音韻諸目咸爲攝  
 入庶更爲八十三字另開一生面也仍寄辰六  
 并馬子高陵和教知必有出予意想外者矣

霜籜風竿響滿樓長阪丈六祇園游懸匏忽落分甘苦  
 隕石新翻任轉流八洞三山瑤草拾七燈雙樹妙香聞

綠波碧色沙塵革征雁蘆啣靜廩秋

花窟精藍淨梵塵業分黑白悟明真萬天洲島遊仙枕

道家有四壁墳丘續古人巖掛素絲珠顛落蝸縈紫石

篆紋伸韓梅兩福無尋處解脫輕于五兩綸

撮爾毫光朗照餘叢霄十二列仙居金丹九轉硃砂鼎

竹管千行咫尺書斗絕青巖僧勸輟盤空翠棧客來疎

黃斤赤菰山庖足黃斤葛菜赤菰蓮實洗勺鮮烹白小魚

三升百斛縱清論藹綬綺錢徑曲存寸餌緗縑魚作蠹

半抄圭合鶴呼孫白旄長飾牛輦仗偶見警趨前導者經過庄外紅

友頻斟瘦木樽一粟纖微彌淨土十方供億向蒲墩蒲團

古名蒲墩



秋山三集

萬軸書攤玉尺樓寸心忽冷絕三游

游俠游說游行為三游

空山

石點山爭響八水花香水倒流楓赤二毛天共醉月明

三勺影同畱長持杯斛心為億斜漢虹升獨餞秋

能藏粒粟破微塵嚼藥餐芝半采真極望青蒼千百頃

平分紫翠兩三人十尋雉堞香雲擁九醞松醪玉瀝伸

一笏一襜歸沐晚采來藍綠染新綸

織雲革盡露苾餘石丈當牕木侍居酌斗合匏閒樂聖

撮今抄古老鮑書積斃毀玉傷圭玷濶目遺珠歎網疎

金碧絲垂勒紡績土牀切莫照饑魚

饑魚多脂照紡績則暗照宴樂則明

何事斤斤與俗論含毫虞七筆精存

虞世南行七唐太宗常呼之

叢

竿穀攫哀猿艾蓬顛龍鍾簇竹孫四黑成盧呼五木六

清浮白佐三樽連錢苻菴瓊沙淨葉積紅黃織錦墩

秋山四集

露微月黑獨升樓方寸雲山恣億游二氣斗冲雙劍出

千峰輪轉萬星流纔尋石漱徜徉去忽怕沙含躑躅畱

土釜陶匏傾百斛暮砧四起冷吟秋

白毫散彩淨根塵九館琅璈禮七真三慧革心憑竹榻

六時緘口對金人青衫白鬢林間老紫莖黃盧石上伸

十丈秋潭沉粟顛竿頭翡翠沒織綸

山黛橫遮暮藹餘綠錢貫串水中居五千道笈長生訣

八萬禪條淨業書細撮葭枝分土木橫抄勺柄別蒲疏



刀圭合就調關尺莫羨琴高跨赤魚

郢斲般斤巧勿論垂斄貫蠹一輪存林遊已預諸猶子

宅相將成兩外孫予嫡姪三十餘姝適程門止有二甥對案銀燈搖鶴焰

隔離絲管促蘭樽金風吹萬秋藍好澗碧山紅半罨墩

秋山五集

六逸齊升太白樓不勞伐木鑿山遊千竿青翠叢林滴

十笏縱橫梵唄流無恙方兄耆使授平提注子麴生留

纖纖圭臬時占斗紅顙鮮甜半過秋

如錢錦石革微塵五藥三芝採列真金匱撮成億載事

尺擎分照兩閒人黑頭寸舉飛毫旋藍尾方揚幕勺伸

終老糟丘三百斛不堪紫綬拜黃綸

二宗梵住八禪餘白足赤髭丈室居綠醕分匏觥旅酌

碧牕合火靜抄書萬聲竹雨擅樂好九穗禾雲頴栗疎

一石留髡須痛飲願陪君子食驪魚

奚斤強識善譚論用成語蘿徑虛齋四壁存忽見摩銅東

壩薊遠尋索栗泰山孫川巖逸響傳絲竹沙石清光蘸

土樽重九菊開殷七七花香併入啞斄墩

秋山六集

楓翻萬赤泛紅樓億是錢江綠浪游撮棘穿籬長補闕

疏泉剝木兩承流碧梧翠竹高尋丈紫蔓青藤半挽留

刁斗無聲羣偃革纖驪蹠躩自秋秋

啄粟竊藍翮拂塵秋扈竊藍為巖姿側露一峰真匏巴



沈瑟魚潛聽中散揮絃鬼授人蘿月斜升圭竇白勺泉  
四瀉石衣伸五巖螺髻麓毫析沙岸持竿續寸綸  
黃金忽賜百斤餘誰似二疏返故居一斛醉眠千日酒  
三都抄輯十年書杼機織罷操絲切刀尺聲微搗練疎  
土釜泉甘香飯顆不須彈鋏嘆無魚  
七尺勞人莫更論事常八九喪吾存媵魚唯唯分妻妾  
土蝶詵詵螫子孫二頃青黃田負郭六瓶麩葉榻橫樽  
合煎喙角除鯨黑綺樹芬葩料玉墩

秋山七集

霜升碧漢白盈樓藍縷一僧赤脚遊石篆金錢苔蔓綠  
崖懸瀑布練光流半牀兔魄纖纖人雙屐蜂窩齒齒畱

九谷八溪風土別兩逢木落薊門秋  
笠轂長驅革六塵風生七椀斛痕真掉頭置笏尋山隱  
歛手推枰出局人沙磧微茫青陸衍烟絲展轉夕霏伸  
圭田二頃班仁粟籩豆新登鹿角綸

珠林顆顆是丹餘百丈靈巖鑿穴居舞勺能工修竹詠  
揮毫忽億撮襟書千斤賜竇從游夥五斗名伶世調疎  
取舍蹙然分黑白難兼我欲是熊魚

圓匏無口莫譏論卷舌收聲默默存三徑斜開迎稚子  
四函分給合羣孫紅黃萬葉埋僧徑蒼翠千竿罨客樽  
尺布寸分花萼散十年空盼紫荆墩

予同懷兄弟五人俱各異地

秋日刈穫畢過陳生青望課蒙館東君畱飲菊池



觀釣漫賦

山黛橫遮歛小樓團沙旋繞斷鴻遊玲瓏菊蕊金英燦  
徒倚桐陰玉露流耦及十千終歲賴人剛五六一亭畱  
巖葩烟蕙相虧蔽翠岵橫開錦樹秋

難堪胼胝逐勞塵課督桑農恫欵真三立到今無一建  
孤吟此日有同人投林老獺哀鳴去擇木翔禽拂翮伸  
隔水雲歸迷翠嶂花溪列坐漫收綸

朱黃間勘午牕餘鳥下蒼崖噪客居問答難窮神滅論

臨摹欲絕血嘔書

青望臨鍾帖酷似

員池竹折青光碎偃蓋松

圍翠實疎秋水橫空天一碧石鐘清響扣桐魚

苦口長疲從者論一堂傳習古人存二方自昔難兄弟

萬石于今敬子孫蟋蟀悲吟催剪尺蟾蜍渴飲罄壘樽

李適之有玉蟾蜍杯

遊塵撲面林菁黑淡岸沙翻郭索墩

獨遊寫意

一徑灣環上翠樓單行那得陸皮遊石羅劍戟當門立  
泉織紈綃繞檻流歷宦多艱方斷客歸田負約又稽畱  
瓜棚荳架編籬好絡緯哀吟小苑秋

萬劫忙催日出塵我今獨醉樂全真畱連芳杜棲遲客  
荒誕聳齟漫浪人霜劍水珠花谷簇薜帷蘿幌繡巖伸  
車驅何處來冠蓋陽鱈無勞早拔綸

闍黎鐘罷散齋餘小築香叢半畝居若為讎淡精劍術  
翻因病劇熟醫書光分嶂翠尋花路綠轉庭陰覆粹疎



讀罷九章千古恨空憐騷骨葬江魚  
 舊雨飄零忍復論蕭然抱膝獨操存  
 潔身未可輕文子辱佞何曾讓恣孫  
 火出石新然土竈花生酒樹貯金樽  
 新篁密把殘林補綠翠縈青織繡墩

同吳古逸山行遊諸寺作

雖非仙客好居樓  
 蘇徑苔梯幾遍遊  
 丈石蒼黃開畫障  
 纖鱗千百泳清流  
 棲巖匿影安眠食  
 伐竹芟繁審去畱  
 無數烟霞歸洞壑  
 萬山殊響急溪秋

玲玲玉佩響仙塵  
 一寸泥丸聚九真

古逸精於玄門

山服荔裳

尋逸侶布襦白帽祀先人

時值先忌

洪濤湧碧澗松瀉古雪

吞聲大壑伸風引  
 雨絲千百縷幾多紅  
 采發吹綸

未熟黃梁一夢餘  
 低墻短圃舊農居  
 侏儒未讀三冬史

學究終慚半部書  
 野哭多因岐路灑  
 山棲不與古樵疎

橫斜藻苻溪清淺  
 雪片銀花二寸魚

滄桑變更總休論  
 歸爾靈光獨爾存  
 舉手山頭畱鶴駕

負暄簷下數雞孫  
 心花發後勞斑管  
 諫草焚餘隔獸樽

俗態嬾親耽野趣  
 珠旒霧縠飾仙墩

汪子采臣赴任都門間道過訪蓼莊畱飲三日索

予林臥韻贈別然已次至二百律矣腸未枯也

繡徑苔澗近水樓  
 洞簫長笛泛觴遊  
 半空石鏃奔殊響

夾徑葍絲挽泐流  
 久閉雙扉吾獨臥  
 長橫一榻汝淹畱

縱譚對伏陳封事  
 不覲天顏又六秋



馬蹄馱馱蹴輕塵過訪湖頭賀季真蚓曲蛇蟠穿獨步

山殮草跋慰羈人三千里外鄉音熟十五年來府幕伸

采臣經歷衢州十南北各天分水旱此地苦旱采臣至

金錢百萬下溫綸時發帑金百

墻東方宅頗羸餘訪戴尋嵇到我居匹馬山行金絡騎

一封家報紫泥書時屬采臣入都寄先頻言官小操心

苦翻覺交淡見而疎問遣人來勞繼粟呼童酌醴繪生

魚

傳疑得共故人論手集羣書爾腹存采臣善書能負郭

無田蘇季子采臣同予祖居海陽舊墅屏居謝客寶王

孫同敲石火炊紅粒少時采臣從予讀書岳半樂挹金

醅泛碧樽還記掃苔安硯席書堂淡柳隔林墩

同古逸遊萬安山麓作

半空嵌壁出危樓手判縈叢躡足遊松偃層巖蒼翠滴

石然隔嶺白烟流風簑雨屐長相伴瑤草瓊沙過不留

我亦天涯悲久竄愁聽雙杵搗衣秋

勳名瞥眼已灰塵黃石蒸丹採鍊真百世下為千載士

萬峰中隱一山人巖龕僧定忘喧寂谷口雲際任縮伸

寺圃長畱猿鶴守龍鬚雁齒結香綸龍鬚雁齒皆草名

栽芋編蘆儘有餘韜沉聊爾買山居龜枵久作支牀石

雷震難搖倚柱書溪帶橫拖雲袂繞峰圭逼露樹凋疎

落樵收束初然鼎摘得纖枝暫貫魚



木蘭詩集 五  
龜鑽著祝兩無論石戶雲房處處存炊飯成糜窺父客  
含飴受哺抱童孫琳瑯雪液層春釀瀲灩霞光簇野樽  
偶遇道人陶八二埋棋涌土已成墩

秋尋值雨卽晴醉臥僧廬作

匿影空山臥破樓閒中偶共許詢遊周圍楓老翻紅雪  
古壑松高瀉碧流槐路垂陰蝟螻噪菊籬放藥蝶蜂畱  
蒼巖盡作青天色四壁寒生鳥鼠秋

振衣抖擻舊遊塵雜草分花野趣真透徹溪光翻岸樹  
零星鳥語喚歸人鳥薪吐焰濤聲沸白雨傾盆電線伸  
記得京園名輩集清譚雅論各紛綸

幽探半倦據梧餘石徑斜穿薜荔居野鳥登筵爭剩菓

山鏡入室穴殘書迴谿複嶂相招隱百榼千鍾莫放疎  
若木花明天四照赤光如火見丹魚

披薜空庵獨自論上方下榻一僧存南柯臥夢喧齊女

蟬名銀海懸珠炙角孫 在耳廓中間開口者石可爲薪

無滅竈蘆堪昨酒未圍樽搯頰拄頰塵勞謝偃曝終朝  
戀舊墩

采臣司城伴來山中借書因詢巖棲近况賦此以  
報兼簡在都諸昆季

無數村烟上驛樓吟鞭到處足山遊月輪初湧霞紋裂  
翠岫空遮石髓沉茗椀時傾花乳亂糟牀夜滴麴香畱  
半牕睡起初披衲驚捲陳柯一葉秋



誰憐蹙蹙日衝塵俯仰艱虞失本真半世何堪三劇職  
中城又屈一勞人捉刀篆刻秦章健濡墨揮毫蜀紙伸  
采臣鐵筆毛  
錐稱雙絕莫蹙雙眉悲日暮更遷亦得五花綸

山資僅足已無餘五色烟封少廣居玉匱來探真秘笈  
石倉遠覓舊藏書多年拙宦貧猶赤少日同聲老復疎  
白板雙扉懸竹杪韜精遵養伴禽魚

多時閉戶罷高論失志聲名不復存三樹聯枝長接藥

一經課子復貽孫鍊心文武黃金鼎隨意溫寒白玉樽

晉武帝時鮮卑所貢容  
酒斗餘溫寒各隨人意遙憶諸昆畱輦下何人命坐紫

花墩

秋山八集

古巖雲黑壓經樓八九鳴鳩拂羽遊紫嶂斜遮凝積翠

紅橋橫截湧奔流十尋飛瀑峰頭瀉幾顆殘星屋角留

烟薦雲松方丈外商巖薦爽響蛩秋

杷土揚沙起埽塵何如樵斧釣竿真青芻白飯賓無雜

碧蓋黃藤谷有人敲濁半生心自億趙趙寸進步微伸

稱絲毫末釐然具宛轉支機細織綸

綠醺百斛灑無餘靜聽絃匏出燕居早革織塵弘六度

重燃宿火讀殘書七年鑽木穿盤石五幔牽絲出鏤疏

時長孫女適符尹汪掌  
科四子明經俾為室撮粟餐麻三四合斗升小水溜

枯魚  
簾兩拈斤靜村論幾時萬選一錢存判年鍵閣抄三史



尺幅橫經課二孫五馬鴻蒼馬藍分蠶勺金鹽玉  
鼓侑華樽圭峰忽露呈蒼赤苔繡千層綠蔓墩

寓自怡園題壁

漱蘚紫沙綴咏樓花林夾岸道真遊黃道真武陵人卽桃花源捕魚者

高春轉磨烏西逝斜漢傾波斗北流暉蔽銷聲冠蓋絕

扶犁在手笠簑留松棚竹架耽安枕一水清漪碧玉秋

萬扇蕉天廕綠塵伐藥採箬把鋤真綿蠻鳥任譏彈我

躑刺魚如謔浪人得句投囊吟骨聳負薪給食擔肩伸

久同麋鹿甘林壑何事鸞龍賁紫綸

暫假山阿一畝餘反因多難得安居禹碑自古呈龍畫

蝸壁何人辨螺書寢跡釣耕忘瘁瘴冥栖箕穎樂單疎

磬聲初歇林禽下霜落溪清羨躍魚

穉子能文可與論石叢空聳舊園存蒿牀近喜譚田父

竹筍遙思遣女孫時女孫出閣峰頂泉來天抱甕松根影過

月移樽灌園運甕叢篁下野馳文狸出壤墩

同西巖僧憩石亭對飲伴携家問及除書至

岑壑懸淙注聳樓逍遙莽蒼蒼五任嬉遊浮雲萬變天

難問瞥電孤生歲易流石髮松衣山蘊藉盤飧瓢飲客

留鹿門采藥悠然去勿戀菱叢麥穗秋

不堪牛馬耐京塵澹泊心甘味始真分翠來青長住客

西山亭萬松三竺未歸人齋牀瀑隔林端響巖窅雲從

石凶伸蒼蘚盈堦松檜冷百憂展轉繭抽綸



垂鈎水岸釣王餘樂此羈孤四壁居身隱胡然瞻兩闕

山亭望朝堂 仵來忽爾見除書 壬申七月廿五從 詩從

歷歷在目 郊島分寒瘦字向谷坡辨密疎一自賦歸賓散後雀羅

門裏絕歌魚

雞窗角角聽玄論錦石奇松几案存師亦何常經授父

宗焉敢亢硯留孫尋僧共蠟登山屐速客頻傾對雨樽

竹韻松聲傳麓足紅亭半倚薜蘿墩

來爽樓四望斐然成咏

羲風庾月靜憑樓筋力雖衰尚雅遊花嶼支筇迎積霽

石虹息駕玩園流翠衿紅嘴愁鸚鵡黃口金衣舞栗留

詩注疏 自媿蒼蒼松栝老縱然憔悴不先秋

斷岸晴沙撒玉塵柴桑老伴自高真伯機喜對支離叟

僧佑當非率爾人竄窳泉簾旋復折紛披雲葉卷還伸

赤光萬縷晨霞舉散綺浮霄舞彩綸

寒燈夜課樂冬餘隱谷棲林久窟居長笛一聲驚旅夢

斷鴻千里帶家書山青愈獻魑顏醜風急翻催鶴髮疏

釣得華魴無處櫛折殘箬葉好包魚

難辨僮僮置勿論狂奴舊態我猶存索來舊艾三年畜

長就新篁幾世孫寸管續成高士傳深杯莫厭故人樽

忌途可畏甘躓蹙不斷離腸曲繞墩

懷桐洲石瀨 有序

予家海陽每就試武林道嚴瀨必縮絳臺下掇



本臣文集 五  
嶺野薦朗吟山高水長覺羊裘釣絲長留苔磴  
蘚石間先生清風萬古真足廉頑立懦光武少  
與先生遊及卽位白頭故人以諫議屈之其曰  
咄咄子陵又曰吾竟不能下汝亦早知先生不  
爲之用矣懷仁輔義自不阿諛順旨先生樂隱  
之心已決于變姓名之日非其君不事非其友  
不交宜其一來遽返也予宦遊卅載竟至放歸  
異日綠簑烟浪肅拜祠前得無汗背泚頽乎兒  
景行郵呈登釣壇詩心有所觸賦此寄正先生  
以代一奠

三公豈換遂高樓

樓爲元總管羅公廷玉建

商雒依然綺夏遊纁幣

盈輪空物色釣絲千尺獨臨流菜幄嫌少仍求益老子  
遺榮不肖留欸乃一聲江水綠濺濺石瀨月涵秋

七里灘聲浣俗塵瓣香長揖景高真披裘傲睨新天子  
撫腹溫存舊故人箕踞空牀猶熟視胼胝老足已雙伸  
眼寬世窄層臺上簾弄烟波穩把綸

四壁蒼雲步眺餘山光叢簇富春居狂奴北舍方瞑目  
癡漢西臺尚奉書九鼎旌干招隱逸一磯烟月愜高疎  
清風吹冷凌烟閣卧石橫竿豈在魚

寇賈馮吳未足論雲臺湮滅釣臺存一來早已勞三反  
遺像今猶拜萬孫馬浦龍巖迷蘚徑錦峰繡嶺酌椒樽  
皆巖陵  
地名  
高踪止有先生獨羞過巖陵百仞墩



附景行過釣壇詩

窄窄羊裘老釣竿雙巖翠滴月江寒故人止剩先生  
在客宿還從帝座觀空弄雙丸輪赤白長磨一硯耗  
支干眠鷗笑我無停棹來往匆匆過石灘

林卧遙集倡自章雲于中翰家君與會所至借題  
發揮踵其韻至二百五十二律已鏤版行世子小  
子頃復自故里還杭兩過釣壇寄呈近詩家君仍  
用前韻懷桐洲石瀨囑予小子維舟桐水拜正巖  
先生臺下雲山浮動與江濤相起伏皆先生之靈  
所鍾也彼紛紛為聲利而來者流連山紆水迴間  
亦足滌胸中塵累矣因勒之石以誌不忘壬申夏

日男景行百拜識

寓西巖萬安古寺題壁

縈紆石磴躡巉樓擁錫旃檀物外遊洞口絮飛雲遠絡  
峰頭玉碎瀑懸流山顏赭盡天為醉竹汗青餘古可留  
風剪寒郊紛萬葉百蟲聲咽黯然秋

簾幕繚繚隔旅塵案羅水草配丁真

丁覲與智永同時善書世號丁真永

草山膚水參栖遲客歆際沉藏棄置人晚角初吹千淚  
落寒泉一瀉百哀伸白頭不復勞青盼篔簹笠能甘傲綬

綸

息瘵溪山倦卧餘下帷束皙久閒居龍孳鳳跋鐘胡字  
鷹時鸞驚索蔡書原自無堪甘守拙多因慣懶習成疎



僧廬偶憩憑紅檻爾我相忘樂似魚

盛年已過不堪論人俗無侵夜氣存憐愛于今鍾少子  
嫁婚何日畢重孫香雲紉縵露檀樾花雨繽紛雜鬱樽  
草長波浮同一綠蒼藤老樹抱孤墩

出西巖訪吳古逸于竹隱僧廬

夾岸陰森露半樓瘦童羸馬獨山遊何年偃蓋松釵古  
到處鳴珂篠韵流慈室燈殘斜月補瞿曇梵放妙香畱  
石牀雲冷猿清嘯霜漏聲沉鼓角秋

松風近拂屨簷塵斷碣遺文省識真捫蝨縱譚經世略  
聞雞蹴醒拯時人詩豪蕩宕吟濤湧草聖橫斜滑砥伸  
石鏃金機方縱送空天鳧雁避繒綸

不多諫草愧焚餘久杜柴扉號霧居暗向龕燈勤補衲

獨裁蒲葉細編書鬚眉轉古心幽曠齒髮難齊貌瘦疎

萬卷書城南面擁此生甘作老蟬魚

失馬亾羊總莫論泉瓢山屐一身存豐碑妄與傳千祀

寒食何曾見一孫西山增墓  
俱署穹碑雙樹烟光籠淨梵叢林花

瓣落深樽洪濤南下桑乾水魚鯁斜懸晒午墩

山居老衲索詩口占成咏

香燧蟲絲骨舊樓旅魂遙夜續心遊戒衣破綻紉還碎

募鉢因緣寓半流弋者弓繒驚峙立鷓立不移處  
因名峙立潤之

雨露老扶畱藤為  
扶畱群峰起伏相迎送翠冷沙明磧氣秋

袈裟緝薛不棲塵勝槩難描畫逼真香榭花龕高蹈客



雪山金粟再來人鴉圍斜繞疎林暗雁陣橫衝萬翅伸  
林壑翔棲甘放逐敢方廣受謝簪綸

持鉢蘭皋接瀑餘榻前蕉展綠天居牽雲曳雪成高咏  
思誤耐訛讀異書桑路人歸機杼轉雨村夜靜杵砧疎  
遊閒久已同禪衲香積分冷獨飯魚

世路歎熾憤莫論空懷古意獨存存數年子女依彪父  
一郡孩童盡薛孫時得吾郡曹公祖手書因及之聞寂僧寮曾下榻殷

勤村釀已盈樽山深永絕公卿跡抱膝高吟老此墩

梵樓玩月毛香令携古逸書同一覺五蘊兩上人

至浮槎縱飲送歸

獨夜人登月午樓忽然賓從遠陪遊為觥不敬多浮白

特罰深杯恣歡流客自何來三不速臣今已去五難留

香巖轟轟殘虹挂織緯酸吟廊落秋

松風掃石絕纖塵久別鷓行屐步真霧結烟霏虛白室

山棲水泊陸沉人繪圖花向龕前發祇苑錫從麓半伸

出處總關天下計南陽未亦富陽給

小溪抱甕灌園餘葛蔓荒苔畫剝居望古空藏遙集志

懷人忽見近來書浮喧兩謝帽勞釋嬾癖相忘禮數疎

腮曝丹池遭點額龍門既退亦凡魚

卑之可有甚高論反恐心膠失所存獨立不私庭訓子

流傳猶及耳聞孫偶然躩步拋山屨又復乘桴酌月樽

幾簇峰青雲樹外樵童墜發兔狐墩



秋暮寄寓山寺香令別子先歸賦此爲贈

岐路鐘鏗何處樓  
縉雲歸繞曲阿遊  
丹丸半墜溶金碎  
翠壁橫空瀉鏡流  
捕虎逐麋臣已老  
乘車彈鋏客難留  
飽經霜信蛩吟澁  
萬仞孤筇趣好秋

山路華茵碾作塵  
霜砧牧笛聽來真  
舊交已絕同年輩  
當路新推後起人  
萬木料喬花窟隱  
千峰環衛竹堦伸  
月明秋浦烟波裊  
紫蓼蒼葭獨放綸

石壓濃嵐十頃餘  
崩湍壞壁古樵居  
穿巖破衲攀雲補  
出檻甘蕉帶露書  
步壑探泉來遠遠  
據梧聽雨滴疎疎  
青鞋白袷扶藜便  
不用晨昏啓鑰魚

墨浪空翻古可論  
挂枝風息夜篔存  
有財難棄哀家督

雖遠寧忘欵戶孫

外國名出呂氏春秋

雲谷盍簪花壓帽綺疏傾

葢蟻浮樽遠來對語披心曲  
玉水泠泠細漱墩

獨憩山閣卽事有懷四律

誰啣蘆度雨村樓  
候雁酸吟接羽遊  
脫臂饑鷹翀健翮  
拋韁渴驥逐奔流  
石嵌泉冷孤筇曳  
睡足聲舂好夢留  
雲水無踪何處覓  
亂蟬聲裏島松秋

幾間茅屋遠氛塵  
不住泉林賞未真  
渴睡無慚高卧士  
沉酣誰似獨醒人  
佛崖矢碑呼猿守  
磴坂崆峒學嶼伸  
自是同遊遲物色  
狂奴豈戀舊江綸

深交屈指畧無餘  
梵帝輪王祇鷲居  
心薄項騅空逐鹿  
腹藏秦火未焚書  
靜看雨滌山容媚  
莫挽秋歸葉色疎



絲網鷓鴣同一願側身注目察淵魚

羈僮羞向世人論款款生平此獨存家傷佛龕依梵住

寺鄰瑞冢真僧孫

西山古刹半為俗家占住而瑞冢纍纍俱僧為拜掃

羨藜吟糗

甘艱食吹角鳴絃促別樽偶曳長裾彈短鋏楓林落日

赭秋墩

重陽登來爽閣賦懷

傷心怕上近花樓席帽藤鞭墮垠遊粉堞周圍千翠擁  
香山拱揖萬青流英飡菊蕊玲瓏碎露泫萸枝次第留  
煙嶂分光來几席蒲黃楓冷石泉秋

林阿蕭撼淨無塵帽落龍山舉止真籬下圍成黃菊幃  
叢中望見白衣人青莎潤步無修飾玄杖羸肩有欠伸

蟋蟀聲寒鍼指冷溪翁何事漫拖綸

瓢笠長携樂有餘菊叢移坐傍花居佩囊行路晨消厄  
插鬢歸家夜讀書豪氣頓因孤憤減少年自與老人疎  
興酣醅酌酬筋力野饌分食白白魚

岸憤霜天把酒論他鄉野菊故吾存竹籬樂采同元亮  
壘斷慚登異季孫咀嚼莫饗雞肋味尖團共劈蟹螯樽  
家山萬疊浮雲隔雜草披沙露坐墩

緩步山麓登寺樓有懷忽古逸同李梅谷過訪喜

而賦此

鬱陶俄頃散虛樓樹伴山來客枕遊候雁南征雲北逐  
奔駒西逝水東流出溪日斂魚標漾近塢沙深虎跡留



僧臘漸高禪寂裏經房薜漬石牀秋  
松箒頻揮酒榼塵一無可戀愛山真偶然避地爲羈客  
不覺離家作老人夜喜何來燈穗密朝愁難遣鬢絲伸  
迎門捲幔分苔席笑向花陰握翠綸  
芋區桑圃尚畱餘雀啄偏來小小居舊事新譚如話夢  
故山屢躡似繙書應劉近別朋簪失嵇呂愆期酒伴疎  
曉徑煙籠雲楚石方罾歷岸守沉魚  
夢蝶譚雞領妙論初開香窖舊叢存情人遠訪三生石  
玉牒傳來幾代孫止水不波無冪井萬花園席共浮樽  
自從上苑抽簪後長日扶藜嘯蓼墩

酣遊西巖諸名勝晚歸率賦

巖翠方濃滴古樓驅羸曲路苦吟遊苔粘樹瘦霞紋鏤  
瀑濺峰腰石縫流歷世聲名雙轂轉橫牕氣焰一燈畱  
孤高剩有蒼髯叟終歲青青不肯秋  
頻開硯匣不封塵描入新詩畫片真放眼層巖增險句  
藏頭僻塢避時人心羞托鉢言詞拙眉展當筵笑謔伸  
無縫天衣誰手織九霞散綺曳光綸  
雲湧煙皺態有餘何妨分洞伴猿居白鬚道士聆仙語  
綠鬢山童習梵書泉石清音經峽咽松篁碎影隔簾疎  
飛潛各自窮高下繒繳何由到鳥魚

名山創見獲奇論荆棘深叢舊徑存石髓無緣食叔夜  
金丸長日逐韓孫珠傾玉注巡花盞杉贅楠瘤劃木樵



心力空拋無可用負暄曝背向陽墩

吳李兩子別予山寺適姪至得家報率賦

雲隨馬足到山樓仗轡看天自在遊竹屋燈青香縷結  
蘿牀霜白夜光流多情繾綣資餘論未別踟躕願少留  
石壘灘頭蚡蠖屋僧茅殘月可憐秋

出山松栢化為塵單酌相邀况味真共學久辭同舍客  
故交已絕舊時人無分賢聖千鍾少高擲臬盧五指伸  
我比山僧尤澹寂難簪白髮側巾綸

浮霄河漢沒無餘澗戶巖扉獨僻居癡叔牀頭曾讀易  
偷兒笥腹早藏書紛糾百感增孤憤長久深交在一疎  
石湧寒風翻雪浪蘆花出入網鮮魚

天高無語迴難論胎息深深黑處存揮筆狂言堪示姪

枚微二姪南來拋家漫叟又增孫時敬兒生一子于真州酸心何處風樓

笛延首重開月徑樽買小斜川陶令住綠蘿飛翠覆叢  
墩

過寄園宿疇青閣卽還山寺作

疲馬愁過石砌樓花叢放醉趁歡遊周堦睥睨烟鬢裊  
浮磬鏗鏘谷口流今日郎官員再備當年父執老誰留  
時從見新授兵部郎忽來雙屐巖扉下小閣寒砧獨卧秋

翠壁拖帷燕舞塵觀魚聽鳥趣偏真偶携白墮尋狂客  
猶指青蒲認舊人送友虎溪三笑別繫書雁路寸心伸  
直鈞不入熊羆夢虛老虹竿守渭綸



半熟黃梁一夢餘，  
巖扉露石書酒壑。  
長傾塵網破菊叢，  
誓補槿籬疎。  
恩讐未報空彈鋏，  
寶鏐銜英佩。  
鯨魚閑日歡尋靜者論，  
荒山茅屋幾家存。  
心旌遠挂千秋剽，  
手澤長遺百世孫。  
真衲迓禪常卧寺，  
老人扶病強同樽。  
琴師奕友都星散，  
剪薤芟蓬細劬墩。

還山寺古逸携樽候松下同予酌月

傳書雙燕會花樓，  
企磴攀林謝客遊。  
細織苔茵風碎剪，  
空梭瀑布雪長流。  
臯鳴羽客翻然去，  
岸立天翁慣久留。  
匹馬孤行青石路，  
瘦寒詩句冷于秋。  
古苔膠砌不留塵，  
樂爾疎狂野態真。  
躑躅鳴車悲困驥，

鈞駟啼曉泣歸人，  
一頓不假容常歛。  
三黜無尤氣轉伸，  
涼夜月波浮醉頰。  
幽探巖竇擷香綸，  
蒼然髣髴已無餘。  
研徑藤堦水巷居，  
曾向秦封尋古碣。  
難從漢篋記亾書，  
竈然不肯因人熱。  
實塞何嫌見吏疎，  
穩睡方辭顛倒夢。  
驚川那得有恬魚，  
茗酒縱橫恣意論。  
箒巾疊布一藜存，  
擔薪疾誦羞翁子。  
綿蕞無譁聖叔孫，  
纔向龕燈攻梵誦。  
又來林窟挹陶樽，  
羸駝往返驚鷗夢。  
月照灣南水露墩。

懷棲霞寺 有序

棲霞石菴和尚將歸里門發願募修建初寺感  
念舊事贈以四章此韻予已次至三百律矣石



菴母謂癡叔饒舌

團圞夜話小溪樓記得題詩贈二遊

皮日休遊任徐二宅作二遊詩予避

地唐樓火傳有枚蠟屐何時還白岳把茅久已住清流  
兩卓子常為地主  
壬戌唐樓諸君請石  
菴住持清流禪寺禪心不得吟囊富淨業寧為世網

留細雨涼颺蘋末起晚蟬翳砌嘒淡秋

看梅繡谷舞香塵尊宿宗風戒律真呪鉢吞針花感夢

拈槌豎拂語驚人珠光妙相慈雲蔭金吼空門梵響伸

無負吾家冬夏日織烏萬古吐紅綸

傳言種柳十圍餘曾侍先君奈苑居悲樂分傳韓白句

古今難積約雲書

沈約范雲各貯萬卷時故里丘墟藏書俱成灰燼

親朋早識

從前誤叔姪翻驚別後疎記泊唐樓烟水岸頻携鼠留

取名魚

盤餐草草憶豪論雅集雲深幾客存

唐樓諸子酌我雲深草堂長曳

青藤貧衲子短披白髮老宗孫雙林亂滴花溪雨一棹

歡聯水閣樽立度難忘支遁侶棲霞月冷古梅墩

家蓼天招飲自怡園感賦

翠幄橫遮洞口樓竹籬斜出板橋遊放言莊老心花簇

高詠詩騷墨浪流好友相思頻命駕名山作主暫攀留

繁霜一夜凋蒼翠羈客空傷露井秋

瓊靡供峙掬珠塵贈策班荆契自真隔岸蓬蒿長一丈

小谿舴艋載三人烟苗雨甲盤殮具膈鼈魚羔綺餽伸

躡履霜橋勞遠過霓旌遙憶護黃綸

時家人迎誥命歸



松筠清健傲霜餘  
栖鳥巡簷覓舊居  
泉石長攀逋客駕

藤蘿細束洞仙書  
浮家江浙鴻音斷  
兩月不得遊宦東

西棣萼疎予兄弟俱咋口吞聲憂懼外  
砂泉清淺種紅

魚

從先莫向後生論  
留得酸寒古貌存  
為目用鰕來水母

水母俗名海卑身舉業玩公孫  
南海勤竹名曰公孫枝

近夢遊偶坐千人石  
卯飲時傾百斛樽  
一徑松杉頻揭

趾芟蒿斬棘露沙墩

仲冬古逸莫墓畢  
携餘樽過訪山居  
劇譚寫意

蒼蒼烟樹遠藏樓  
碕岸眠雲任意遊  
跌蕩獵精翻詭浪

鏗鏘琢句競風流  
雪膠古洞人踪印  
沙塘寒灘鶴步留

谿瀑有聲陶俗慮  
壁峰森聳冷菰秋

松箒空驅石上塵  
光分翠嶂隱山真  
踐殘首春焚芻狗

剖出篔簹抱竹人  
竹節中有物長數錫帶三褫何足戀

折腰五斗可能伸  
古逸作令是真孝子公無媿  
伏塚悲

號竺道綸竺彌字道綸父畏雷

一丘可竊亦生餘  
挂樹紅藤立壁居  
氛霧縠山摹古畫

綴蝸盤砌篆新書  
不知老至形容變  
恐為孤栖故舊疎

髮短心長吾舌在  
忍拋歲月狎禽魚

百卷縹緗恣品論  
遙遙望古聖言存  
長研司馬千秋鑑

不負軒轅萬世孫  
偶逐兒童喧路鼓  
時邀父老酌衢樽

孤啤廢壘沉雲黑  
花擁懸崖水抱墩



宿西巖古寺喜僧方石過訪率賦

荒苔綠蔓最溪樓元結多時漫浪遊萬竹陰森搖漢碧  
千山蒼翠抱村流敢誇投老閒身健竊喜餘生一已留  
榛曲不逃行熟路笳吹寒磧鐵衣秋

過眼空縈野馬塵華胥入夢醉鄉真桃源晉魏渾忘世  
栗里羲皇儘有人短飽長饑皆欲死枉尋直尺總難伸  
買山西麓慚充隱榭笠樓衣擷翠綸

翠綸香草  
孫綽海賦

石路松陰鶴夢餘烟蘿開閣我能居園無隙地猶栽樹  
囊少餘錢尚買書年大自然心懶癖地閒長與俗乖疎  
甘心趺坐蒲團老鎮日禪關聽梵魚

溪山好共什澄論杯宴歡餘硯石存落落長松凌十丈  
森森立竹列千孫寒門不漫懷中刺獨飲誰傾座上樽  
歷盡艱辛方出坎調猿弄虎坐龕墩

同方石訪止庵和尚宿自怡園

楓枯垂陰暝晝樓遍叅禪宿伴雲遊松高北岫俄移嶺  
水注東溪忽倒流鼎鼎百年何偈側閒閒十畝足容留  
瘞瘍遠訃雙垂淚

九月二十五日景行  
長子繼揆九歲而瘍

秋

泉繞丹爐浣藥塵空天一色雁行真理魂偶影深棲客  
羈羽沉鱗窟伏人歷世難容狂也肆冥居敢用卷為伸  
踏花香騎來幽谷水檻山檻捧玉綸

靳德中副郎端人  
賈誥封至山居

蓼風葭露競秋餘桐巷編籬隔岸居水沼山樽修藥圃



澗唇巖腹曝農書松枝度臘青還韻梅萼經冬老更疎

石壁流淙清響落雲潭湧出虎斑魚魚文如虎

雌黃發口聽君論橡飯菁羹半壑存客驛穿墉驚逆旅

梵筵索哺縱饑孫夢天老人作佛事邀予主齋先一夜宿山麓有戒心黃梅獨印

心傳鉢赤臂長伸手捧樽思向玉霄峰頂望真雲早降

碧瑤墩司馬承禎曰吾居玉霄峰東望當有真雲降于瑤石

渡河訪古逸不遇坐石酌月宿其竹閣作

停輿坐嘯此君樓石瀨雲溪縱眺遊爭牽灣躬穿碎路

掬沙礪齒漱寒流提壺有約山為客折簡誰招月獨留

數載巖棲身已懶尚堪作賦送窮秋

機忘自是厭喧塵樓笠看山意獨真宦業長傳文谷水

予曾作令晉仙源莫問武陵人苔茵半為封姨展石髮

賜今祠名宦多因月額伸且日雨為月額止愛高眠慵曉起焚書瘞

筆懶持綸

空囊自笑一錢餘澗戶山牕寂寂居菡萏風清香席硯

松槐葉展蔭圖書紅雲遠映青梧落白屋長留紫禁疎

客况天涯寥落久多年廢簾蠹蟬魚

身退何人歲宴論吳詩歲宴坐論空園老樹百年存琴

書有托猶傳子簿籍忘名不辨孫洞戶長扃誰啓鑰巖

花暴發待呼樽偶披寸翰流芬藻叢桂修篁隔水墩

古逸香令各出近作質正即景四詠

芝闕初開蕙作樓歸來二仲願陪遊頽崖嶰谷沉根露



斷梗浮萍濁浪流寒榻聯吟新句穩野蔬近摘舊賓留

山尋是處憑雙屐纔遣春還又解秋元微之有遣春解秋詩

角中漉酒洗花塵敲句揮毫各寫真長夜蛩聲偏傍枕

空林月魄獨親人郊酸义澁風情薄吕放嵇疎逸興伸

劍鋏空彈無可告腰鎌約我薙山綸

桔槔聲罷力田餘迹多年選僻居作史長慚牛馬走

開緘嬾荅鳳龍書汝南吳蒼遺矯慎書云審能騎龍弄鳳非狐兔燕雀所敢及謀慎不荅

止看雨過千山滌忽覺秋歸萬葉疎重叠烟屏圍石澗

鳴皋獨鶴羨遊魚

新辭合拍妙難論違面三旬念念存玉海集傳張景胤

張融著玉海集傳自父敷敷字景胤金城圖獻趙翁孫盍簪錦積新投轄

移席花叢屢舉樽小海歌殘河女續漱天雲雨響江墩

伍子胥死忠國人作小海唱曹娥死孝國人作河女歌夏統向賈克扣舷歌二曲激水漱天雲雨響集時二君

唐因及此

獨酌寫懷四律

蜿蜒山腰曲抱樓嗜奇忘險放心遊側身戶外青蠅滿

張口壺中綠蟻流楊子亭空奇莫問翟公門冷客誰留

孤吟不覺成哀響白蓼蒼葭水國秋

香杉古蘚淨衣塵逸士猶傳漢嶠真法勝何妨我用我

道難止以人望平人則難以人望人則易體疎意放心

能達身退名藏理獨伸魴鯉躍鱗山溜滴息深默守曳

長綸



寥廓風煙一嘯餘三年裹足杜門居意行即到無勞駕

夢路長通不寄書童老故鄉生死半弟兄遠宦笑言疎

伯兄解餉三弟四弟費表前後抵都至山居三年各得一晤揮殘老淚悲風木薄祭

逢時薦菽魚

喜吾舌在得長論雪檜霜松老尚存雨止還呼悲逐婦

林深遠窳怕尖孫石窳俗名尖孫猴畏其食窳深林中橫枝艷發花窺戶

亭午陰移綠罨樽數頃濕銀寒欲結空波細嚙小溪墩

孫大鏞營壘畢携家報同兩上人過我酌月漫賦

霜鐘聲斷上方樓心淨長携二遠遊樵棗垂瑩光肆應

石晉朝趙令公堂有樵棗樹婆娑異常望光者指其家必昌令公果由太原守拜相葛蕉廕檻綠

旁流荒郊步屨常延竚岐路分襟且暫留茅屋雲封佳

客到迴潭密篠靜含秋

不將白鬢染黃塵對飲陶然得趣真烏啄盈囷充食客

犬信當戶作閨人霜華甫咽枯腸潤霜華茗名蘆酒分嘗一

吸伸遙念為郎才具淺可堪三署綰通綸景從補督浦郎協理東一

西二兩司

帶索榮公樂有餘巖軒闐寂閱諸居水瀾驛路艱泥屐

月卧芸牕潤竹書藍菊英揉霜辨碎碧梧葉落露光疎

心香蕪後叅初放妙辨彫譚出伏魚

舌戰方塵抵掌論德鄰文友素心存清譚競習何平叔

補綴書成褚少孫薜荔孤岑猿嘯月藤蘿疎檻客環樽

幽巖獨灑投荒淚草歿先塋失舊墩大鏞祖塋在西麓有失業者



大鏞邀遊平坡諸勝下榻山居

山椒截嶼出遺樓，簾舁凌虛快我遊。石浪翻空搖翠嶂，月波泛碧漾清流。馬盤細路花繁歛，蘚歿殘碑古意留。早晚深巖分節氣，猿聲愴慘萬峰秋。

珠光璀璨不昏塵，爾我荒狂本色真。抱鋏吹竽同乞食，碎琴操瑟總干人。花潭盥漱衰顏展，綺陌低徊寒步伸。巖瀨涓濱分隱見，遙遙周漢繫雙綸。

子猶淪落况其餘，多謝扶筇訪舊居。光憲長傳磨盾集，孫化基久著止戈書。趙同人獨喜君恬曠，何地堪容我

慢疎事滿寸心長，不決逡巡失水盼。梁魚董京辭孫楚詩盼彼梁魚

逡巡倒尾沉吟不決忽然失水

對牀揮麈郭裴論破的清言，雋永存房老青幃。懷孽子家公白髮弄慈孫，鶴翎初展先飛錫。石液分流各洗樽，殘日山陰松翠冷。隔溪紅蓼擁沙墩。

自怡園還寓寫懷四律

粘天蒼翠翳橫樓，栩栩魂交夢蝶遊。灌莽繚垣花石甃，縈盤接町穀紋流。不辭白薄深杯罰，為募青精一鉢留。

荷鋪久除韁鎖累，耕餘早獲蟹螺秋。荀子注蟹螺者宜禾言高地也

石烟花霧淨遊塵，北竹南桐景物真。李伯魚贈張說詩北竹青桐北南桐

絲竹避草瀘蟲嚴戒律，棲林遜谷利幽人。是貧非病吾

何憊，將隱焉文我自伸。學稼明農原不易，翛然脫屣視

圭綸



弔心棲影霍然餘竄逐初歸敢定居履畝菘蕪分種秫  
踞牀科跣獨攤書敢因半世癡頑慣一任三冬筆硯疎  
傳說鱗潛雷不畏赤文無羽避兵魚

精心獨對聖賢論少日封靡百不存烏兔迫人驚暮齒  
嬰孩催老畏多孫蒲筵綠醕斟康爵秬鬯明禋奠卣樽

時蓼天招  
子陪祭歸巖半何來鸞鳳嘯手持寒錫卓禪墩

同吳古逸邀僧方石遊山寺題壁

石角峰稜半簇樓雙童一馬快陪遊瓊波蕩漾雲駟現  
瑤草紛披玉乳流彌勒同龕禪誦靜維摩共座佛燈留

青山對我忙迎送秀木昏烟積月秋

臘高夏滿脫蹤塵指方石嬾病秬康任達真訪戴廻舟空

帶月迎王入座早驚人梧岡竹埤鸞聲噉桂術蘭街馬

首伸舊榻長懸為爾下高眠晚沐脫條綸

辭粟黔婁富有餘棲遲林屋似巢居籀斯繼世摹蟲篆

徐衛相從學漆書古逸以善書名鐘響五更寒漏盡月沉孤角

曉星疎鄉關迢迢三千里僻地何曾斷雁魚

稽首薰心白佛論禿殘雙鬢幾絲存新炊忘算糜畱客

再摘提筐果索孫古逸家渾河二子五孫坐酌縹醪傾雅爵熟蒸

黃獨洗瑤樽已安吾拙知希貴負汲同歸憩近墩

蓼天邀遊山寺縱博快飲忽汪農部我長札至具

道旅居苦况為之傷心罷席疾次四律慰之

瘦藤扶病躡雲樓水曲峰陰歷歷遊破刹鏗鐘山四應



高松偃蓋翠橫流，  
可堪雞肋尊拳試。  
那得猪肝一片留，  
峰列劍鋸愁不割。  
蘆葩菱角滿潭秋。

雲溪邃僻不生塵，  
狂客東歸况味真。  
芒屨疾趨蓬戶宿，  
蒼天迫老白頭人。  
揮殘塵尾琅玕吐，  
膈熟熊蹯七箸伸。  
席有熊掌軒冕難交黃叔度李膺訪黃徵君郭泰曰緼袍那子以軒冕交安得見也

復曳絃綸

銷聲束影五年餘，  
近復窮栖淨室居。  
我長借寓雙林寺鐵斛空

量千艇粟桐圭斜，  
壓半牕書細磨白玷。  
讒夫熾盡散黃金，  
食客疎飛鉢浮盃。  
蓬液近可能持咒，  
取龍魚。

榮華轉瞬可無論，  
水曲山坳寂寞存。  
小室簾衣遮內寵，

我長携如君住潞河兩家竹馬鬧雛孫，  
裊廬旋轉呼瓊鬋。  
瓊音測

簪珥橫斜倒玉樽，  
冒雨行吟圖書裏。  
金狝石獬嘯崖墩

壬申守歲西巖漫賦

綵幡頌勝五龍樓，  
百戲駢羅倒騎遊。  
雀舞彤庭仙木綴，  
觴傳紫禁珮聲流。  
開筵爆竹迎年飲，  
繞閣燃燈卜夜留。  
疊鼓頻催人易老，  
誰如椿歷八千秋。

兒童笳鼓競街塵，  
玉几清香供聖真。  
夢裏唱酬來死友，  
山中晉接對芒人。  
歸田汲孺褊心罷，  
阿世孫弘曲學伸。  
竹徑斜開招舊隱，  
無容解荔易紺綸。

奪得重茵五十餘，  
譚經過訪侍中居。  
藜牀守歲持禪偈，  
雲版傳聲誦道書。  
拄谷撐崖松老大，  
號山步壑石龕疎。  
水光蕩漾層巒上，  
古甃冰開入饌魚。



朝光空向日邊論壺玉冰心喜獨存  
晃朗天開宜逐疫  
婆娑醉舞未扶孫雲門瑞霽占三朔  
露井屠蘇浸滿樽  
自到西巖鋤藥後更無一客過寒墩

癸酉元日古逸昆仲過我手譚賭飲卽事四律

蒼壁垂青蔭梵樓獨醒喜共酒民遊  
少時賓從都星散  
浮世年光半浪流何事王尊驅折坂  
不禁阮瑀憶陳留  
一溪水色搖新碧秃鬢空寒颯颯秋

多年京輦阻趨塵翻愛支離養性真  
舊客已辭彈鋏伴  
寒山最喜解纓人石枰坐隱樵柯爛  
松塵聲鑿舌本伸  
久謝爛熳長被褐鸞坡忽聽再宣綸  
時斬河督疏薦奉有再議之旨  
燕畿引筑和歌餘勝地何曾鬱鬱居  
伏草冥搜時得句

景德間隱士楊朴每欲作詩卽伏草中冥搜得句急躍而出驚鸞殊縱刻成書神交

不苦形骸隔目刮無嗤涉獵踈石浪山光圖書裏逍遙  
長逝樂濠魚

試瀑茶壚聽客論一村淳朴古風存青山叠叠栖支許  
白社頻頻過董孫著作郎孫楚數就白社與董京語獻頌長傳庭下燎

建言誰發殿中樽採花長醞孤斟好阿姥空留賣酒墩

緩轡尋春宿僧方石山齋賦

浮空海日湧孤樓方外招尋茗酒遊殘雪新消分徑曲  
冰澌已化壯河流扶筇石鹵晴雲度結屋峰巔暮靄留  
聯轡山行窮所歷銀灣澹澹月籠秋

揚堞方高不弭塵蕭然疲役損乎真千山一枕還鄉夢



五載卑栖去國人鵬翮遙從雲路展春心暗向草叢伸  
開林法藏除煩鬧那問黃扉孰掌綸  
燭塌河傾夜午餘菰蘆子子老禪居秋蛇春蚓傳心畫  
七緯三墳辨偽書燒遍草痕花寂寞斲殘山骨石空疎  
茅廬犬吠人歸後道向湖心學炙魚  
慧心了義不多論媿未能狂兀傲存丈室跏趺宣淨梵  
寸編句讀課昆孫馬嘶斷岸呼星艇旗颺離亭酌暑樽  
世念冷然甘寢跡摺頤坦腹曝陽墩

獨臥寺樓大鏞同止菴和尚至喜而賦此

天半星稀轉角樓倚松披薜遂初遊鍊光銀海珠常轉  
漱液華池水逆流曲几團蒲貧衲供浮嵐暝翠好山留  
牕前丘壑呈圖畫宛是牙連海島秋  
鏡光未拂不辭塵何事吹竽久混真半刺通名驚一座  
雙趺入定拜千人雲穿烏兔天波瀉風捲琅玕地籟伸  
蒼翠遙迎空嶂合淺灘漁笛挂蘆綸

殘漏孤光萬籟餘蕭然衡巷棘林居青山好遯長埋照  
白首冥棲止讀書雨浣風梳留瓣少蜂憨蝶懶採花疎  
抽簪守素耽安枕掩室徜徉雅以魚

復朴時聆大雅論頻年襟袖佛香存荆山痛哭誰憐卞  
虞坂長鳴獨向孫折竹引泉歸晚竈藉糟流液入行樽  
蒙莊樗櫟天年老期爾禪棲谷口墩

春日獨遊古逸來別子亦束裝南歸矣賦此記之



天末晴虹貫晚樓層峯獨杖一筇遊鐘聲近逐山光墜  
塔影斜隨月亮流素綆將垂方汲引長裾未曳且停畱  
埋名久令時人棄庾信心傷兩鬢秋

浩歌蓬篚息凡塵昨夜雙親入夢真攘臂羞稱高賴子  
染鬚強作少年人凍開蕙轉鶯吭滑草軟沙柔驥足伸  
為問環瀛清淺幾六螭飛谷散朱綸

蜂爭花蕊蝶分餘野衲梯雲絕巘居新恨漸增懷舊事  
去人已遠寄來書心玄守寂黃芽簇頭白擣多黑髮疎

謝客空山耕堡老鄉思忽憶是鱸魚

頻抽繭緒細攀論蒿目同官幾箇存夢名玉樓悲李賀

香令毛子少年力學忽然病歿為之心傷預營石榔媿楊孫時贊弟還里囑其于葩庄為子

望生長藜曳足聲傳谷短棹迎潮浪蘸樽茶竈筆牀橫

小艇烟中撒網繫灘墩贊弟由錢江還里

大鏞設帳西巖別我萬安禪寺四律寫懷

竹梧深處寺南樓無復長懷一刺遊塞雁啣蘆雲影亂

砌蟲絮月露光流皮今去矣毛安附唇既亾乎齒曷畱

半世難醫山水癖不禁蕭瑟女墻秋

那堪商吹拂流塵淨几焚香禮法真萍梗已拋長溜水

薜華還笑暫時人風帘雲碓山行慣茶塢糟牀旅嘯伸

高足儒門傳習久建言從祀始王綸王綸謚章敏建康人紹興進士常建

言孔門弟子及後世諸儒有功斯文者皆得從祀

鶴汀鳧渚嘯歌餘穹谷偏宜靜者居棋枰相娛畱鳧養



槩鉛獨握校經書雀羅舊革辭纓組蟬脫荒巖絕戚疎  
步履長慵堦蘚滿澶沙伏礫戲遊魚

容我清閒豈易論禪龕香篆客瓊存斑衣願作嬰兒戲

大鏞年六十蔬食無慙晚暮孫楊震不答州郡禮命數

七母八十九老態霜堆簪上髮寒更漏促掌中樽半山蔓草荒先

壠濕霧昏霾慘廢墩大鏞祖塋在西山麓久失業今清出

阮山人介孫子大鏞過訪即席賦

山勢騰企音舉輕壯嘯樓桑村柳岸輞川遊雞牕徒几

譚方劇馬策敲扉淚獨流阮山人善推算得傳于先母舅霜跡橫斜人

影渡足音高下谷心留涼湍啣石清聲咽廢壘煙昏別

浦秋

掃壁留題一硯塵野觴欵洽客情真吟蟲怨鳥傷心伴

退谷藏溪肆志人難說昨非今則是敢云小詘大能伸

晚烟縷縷凝衣桁翠捲陳柯發繡綸

松蓋當門廕有餘山中溪入得茅居哀鴻譜出羈臣苦

征鴈揮成逐客書巖半聲傳光不用壚邊醉卧體原疎

林皋綠樹紅橋露湖涸新烹主簿魚漢時城淪為湖有主簿魚皆人所化

怨嘆勞歌可不論香泉印月冷光存梁懸一榻延高士

山慢空亭會遠孫習懶多年刪晚課藏身到處乞餘樽

謝公故址荆公住千載名同屬我墩王荆公住謝墩日姓異名同此墩今

我應屬

溪行數里坐山巖小酌戴月而歸



浮屠倒影入空樓懶着宵鞭戒旅遊幾鳥翔棲忙蝶訴  
雙鷗滅沒逐波流盤供野饌山庖儉閣瘞荒榛石礎留  
蕙帶麻襦雲外伴繩牀卧聽杵聲秋

墻角花垂掃帽塵形癯服古野言真巖龕梵夾留遷客  
圭竇蘭缸伴鞫人楮袖煨殘山竈熱轆轤響罷石泉伸  
村春帶雨煙光簇丁步斯干下月綸

立石溪中渡  
人為丁步

九辨哀吟涕淚餘香巖淡處數椽居山皴水石供遊覽  
恩放林泉別簡書筆塚瘞成傷老大硯田耕盡笑空疎  
舊瑞莫話前朝事陵寢傷心出玉魚

朋斜丁屈總無論譚笑阮公白眼存繡閣穿針憐小女  
蓬廬鬪草鬧諸孫馬尋村旆傾紅友蝶趁林花繞翠樽  
浪跡未酬懷土願荒塋長護舊松墩

予構數椽于山寺大鏞同家蓼天過訪邀遊諸勝

晚歸憩新居作

劈開巖腹架層樓騎從無多屈曲遊雨過千山重叠翠  
碧涵一壑淺溪流荒唐縱意甘拋擲敞菟

恂恍  
集韻

高吟任

滯留偶構茅廬陶縱好風梧水蓼故園秋

莊嚴淨土本無塵磬響寒清入耳真雞鬪醯中空聚蚋  
蛙喧井底枉撩人羊腸曲折千盤度鳥道縈紆一縷伸  
拂榻窮山耽寂靜當年何事客紛綸

鏗鐘斷續五更餘忌諱何曾到野居眉不能伸安故轍  
篋雖久破剝殘書臨叩病免琴心嬾易浦風寒七首疎



石湧雲光兼水白蘆洲歸食足乎魚

棄擲多年勿復論霜空漁笛一簑存四難不伐貧原憲

三禮無違孝仲孫蓼天生養死莖克盡孝道以先塋構

訟大鏞挺身相為有魯連高風士論之荏冉年華雙轉轂團圍燈火共開樽鳥依密樹偏饒

舌徙倚書牕月上墩

予十五載未歸山居雖樂墓莫未伸大鏞頌我祭

胙感懷四律

捫天長嘯倚高樓匹馬空山亦壯遊拾得斷樵燃石鼎

收來遺籜煮川流磨礪到老心彌苦篆刻終年目固留

巖曲月斜清響激蕭蕭蘆荻帶蟬秋

花開綺陌照芳塵時態懶隨長認真眼白誰青難免俗

心冰不熱豈因人掃開石徑征驂過撥去巖雲月御伸

瀑水嵐烟行跡少如何權稅到漁綸

樹陰長覆半牕餘簦笈忙趨五畝居坐石時傾三雅酒

懷人先發百函書田中兔脫株空守天外鴻冥弋者疎

幾載免官還舊路心傷不敢問勞魚

杜門長與古人論孤枕低衾夜氣存石路遠來叅玉版

絲聲早已採枝孫指下絲聲妙汲泉可似三危露三危

水之美者無過三危之露萬安寺門一井水甚甘殷薦誰陳四瀆樽四瀆為樽

黃白山深難久隱仙溪淨綠靜涵墩

將歸里山僧攀留甚堅賦詩見意

筋力纔衰懶上樓舊交零落少同遊雨聯斷岫山新沐



蒲密荒溪水漫流剩下縹緗  
饑鼠嚙頻來樵汲老僧留  
經壇幢影真蕭寂溪浸巖根老樹秋

紅泉聲裏洗泥塵種薤栽莎獨養真  
逮考也老人面色如垢日  
逮及也老人面色如垢日  
逮考出漢書指山僧言  
盱衡不作可憐人野蔬供飯

輦辛斷草榻叢談視聽伸地僻久忘車馬跡  
漸將簪笏換竿綸

龕壁燈烟夜午餘茅堂時共老僧居  
曾將藎白題佳句敢以醬瓿覆好書  
半嶺禽喧林果落荒巖剝閉磬聲疎

佛光四布飛花雨月映清潭看擲魚

歸日無期屈指論雲松舊徑客踪存  
半餐何必過丘嫂

楚元王傳過其丘嫂食一飯寧須進孽孫  
韓襄王信傳故丘空也兄空有嫂也

孽謂庶也天漏蝸涎長絡壁山深鵬淚淺傾樽  
泉經曲澗聲偏韻萬綠叢陰簇故墩

山中聞召用報歸里俶裝北行感懷四律

猿啼鵲怨怕當樓欵段長驅世外遊  
久事巖耕甘好遯

忍拋井甃逐時流爬梳更整遺簪盍  
拂拭重看故劍留

推轂難邀明聖盼烏沉兔缺幾多秋  
子與熊尚書達都掌科以斬督

遺疏具薦發部再議奉旨熊一滿趙古士俱著照原品降三級用

風捲行旌拂路塵久遊鄉語聽難真  
烟波漠漠迎前浦

車馬勞勞老此人失足敢誇羈弔脫  
駭機似挽桔槔伸

餘生又復嬰塵網既退何堪奉帝綸

丘壑閒緣嘯咏餘烟簞雨屐別蓬居  
治裝怕攬登車轡



解薛愁看勸駕書遺續方深知已感行鑣又向好山疎  
仲長園閉終難卧慚愧于今到烏魚

五年投効罷彈論柳篋蕙章久不存題殿何曾思魯直  
薦人乃復辱公孫三言成虎讒銷骨一曲歌驪淚滿樽  
放逐孤踪蒙齒錄碎書何意展山墩

寄懷汪我長農部

霜笳月笛冷津樓爾亦何辜此獨遊莫恨回車驚九折  
尚思得瓠渡中流陳因淨放千倉淨遷逐難還八載留  
謗譴騰空銷骨髓蛩聲螢影可憐秋

我住蒼山避世塵屋梁月落憶清真詣曹何必非男子  
飲酒還須近婦人陽羨買田堪自老開州辨謗孰爲伸

唐開州久抑不伸燕歌楚奏均悲憤益覆誰宣日下綸  
爲辨謗畧三篇

灞岸分携客淚餘吹瓊蕪桂潞河居戊辰夏予次潞河

竟未一誰憐立壁歸無屋尚喜行囊寄有書驛路塵沙

過其寓多潦倒老年蓬鬢漸稀疎坐貽謗歟終蒙妬消爛甘爲

鱟鑊魚

澆書攤飯費思論剩得空囊一我存側席儲胥頻試吏  
過庭傳習又貽孫息勞獨憩婆娑樹歡飲誰傾沆瀣樽  
醜態欺人翻白浪舟經惡石碎江墩

寄懷孫古隍傳臚

難覓長安舊妓樓憶騎瘦馬六街遊圍爐烹雪香波沸  
對几分光蠟液流久絕塵樊甘跌宕不嬰時網樂遲留



吟船搖曳雙溪裏霜壓愁髯幾鬢秋

記得何門許掃塵聲名畫餅竟誰真營生羞作膏梁士

陸機詩善哉膏梁好色愁成病渴人採硯溪心金線露

上榮生奧且博挑錢梁脊畫又伸橋灣壘浪漁磯出枕

者謂之金線紋漱長投石上綸

京輦分襟廿載餘問奇時訪子雲居謁選都城時無日不聚臚傳

早已陳三策問歲方纔見一書漱浦征撓常繹絡語溪

夢路不生疎杜陵詠罷雙揮淚靜向花龕伴鐸魚

殷勤素謁忍重論舊侶南翔只半存胸次何曾忘醉李

眼中久不見髯孫東坡詩短李髯孫眼中見松扉返照依苔井蘿幄

垂陰覆石樽寂寞杉青無處問離離草蔓嘉禾墩嘉興府城

北四里杉青堰後即吳時生嘉禾之地宋張黨同嘉禾墩詩廢典無處問空詠草離離

別蓼莊由西巖至萬安禪院作

長空翠阜傍重樓馬兀溪寒半麓遊立壁風迴環珮響

虛簷雨注水去聲澌流霜紈已展花紋織月幌重舉素魄

畱止恐低扉軒轡礙松杉晝暝石林秋

溪松密竹隔烟塵恕我疎頑野態真入世快心無幾事

有生好友是何人雲歸斷岫千鬟擁水漲平沙萬練伸

退谷久成終隱計無因更縮半通綸

蔬肥酒熟餽神餘社屋比鄰數世居勿用炊春忙甌碓

頓忘寢飯事詩書驚捫瘦骨霜髯古笑對孱顏暮齒疎

谷口難尋終老約宛然南浦載人魚舟名



摩腹空思靜較論長垂法戒寸編存及瓜屢爽歸何日  
行李斜添伴有孫試馬迴縈盤蟻蛭畫蛇曲折舞雞樽  
山當斷處烟初合倚遍松牕月上墩

促駕入都漫賦

風雨雞窗卧一樓多年舉手謝賓遊頻揮老淚零珠滴  
屢轉雙眸亂汞流公等豈宜高閣束吾僚不復小山留  
臨歧又背柴關路憑弔騷人獨踐秋

四大由來等幻塵能忘聲利歎言真時賢竊比真慚古  
旅伴初交莫靠人雨笠烟蓑農具足萍蘆豆粥酒杯伸  
頻敲如意消孤憤矯首蒼天岸我綸

綠圃殘英泣雨餘溪光巖影戀雲居撚鬚叉手時安字

拭背嘔心夜展書入世自招猿鶴怨出山長與薜蘿疎  
半空飛布琅玕碎躍碧騰青舞大魚  
終今杜口寂無論春水幾竿岸綠存石逆波心支一柱  
峰羅懷抱拱千孫勿收井幕投空轄且坐松陰置野樽  
烟雨驅羸忙客路叢祠棘堠半因墩

古逸遠行過禪棲夜話賦此贈別

戍角寒吹欲曙樓山盤野饌快携遊臣門關茸心如水  
佛藏精深誦若流野驥翻愁華廐勒佳賓不厭儉庖留  
鶯花久負春三月欲挽深紅染素秋

月明岐路斷行塵歷過遊踪記不真老衲何曾忘世態  
精廬豈復隱畸人盍簪燦闕千薪積傳鉢緇林一指伸



兔死犬烹淮浦在伊誰冷漂弔韓綸

生天不願舐丹餘蠹蠹松筠侍舊居親死勿歡毛義檄

自雄空載惠施書心知甘井泉先竭足躡窮巖伴愈疎

鳥道摩雲蒼靄歿行庖無路薦嘉魚

入剎荒涼不暇論重尋老衲一無存偶人歸岸姍桃梗

巨菜沉埋餽芥孫廣州人以巨菜為鹹菹埋地三十年遙相餽遺名曰芥菹帶雨花

泥粘野屐環巖翠岱濺遊樽任心行坐忘疲茶水榭山

郵兩傍墩

別萬安禪院題壁

蜂黃蝶粉亂穿樓簷笈崎嶇快獨遊懶靜枕山間境界  
清狂縱酒病風流雨墻暝色丹青失雲壑姱容紫翠留

心苦難醫章句癖言泉激浪四筵秋

半壑清漪不受塵我來岸幘驗天真浮留藤似榎遲客

磊砢松如偃蹇人芒屨多因叢路破蒲團靜覺篆香伸

住山羈客非遺世萃渭長隨未與綸

聲利薰人盡腐餘干霄松栢蠹霞居禰衡字漫通家刺

顧愷名呼拜父書何幸相逢心縷結那堪幾別鬢絲疎

石欄窈窕花枝簇鷺立連拳攫細魚

厚福庸庸何足論霜蓬難變舊根存清留匹絹猶詢父

智打空囊不累孫紅淚雙垂傾玉碗薛雲芸別父母以玉碗承淚皆為紅

色白茅相藉薦瓊樽半生心事波濤湧幾度經過灩澦

墩



出萬安禪院至九蓮庵將入都作

四山楓枯隱瓊樓鵬鷗高低快各遊筆硯同牕多舊鬼  
簪纓當路半時流雲霞局幻終朝散騶從裝成信宿留  
遠眺蒼茫烟水暮靜含萬籟客心秋

何勞磬折混泥塵仙路翱翔禮九真疲馬不忌高下步  
荒郵遍歷去來人鏘金鏗玉篇章貴驟墨馳毫意與伸  
閒事經營無定課灌餘又下小池綸

山饗笑爾飽殘餘雨屨風襟寂寞居髀肉消無悲裹革  
牀金盡尚喜囊書宦情每為羈遊減世事多因卧病疎  
小小壑丘心賞久沙盆豢養百頭魚

生還此日夢中論破壁青燈故我存難必交情非鮑管

可能將畧是吳孫酣遊蠟就登山屐送別傾殘上馬樽

一線桑乾幽冀繞環城睥睨曲隨墩

贈王孝廉有序

宛先占籍關東癸酉赴都會試謁予寄園讀書  
獨倚樓閣林卧遙集謂欠韻而至四百八律無  
剩意矣予曰卽事寫懷意不可盡更賦以贈君  
亦何異初倡時也

紅橋小徑跛低樓早起公車轂下遊源注蘆溝雙水滙

醫巫閭山源有二  
俱注蘆溝入海海環蓮島萬灘流萬灘在復州衛  
有蓮島濱海當

年負笈題橋去今日擔簦下榻留縱目南雲歸尚遠羈

魂常繞錫山秋



落照征騾起路塵叩關請講執經真孤吟此日添詩伴

沉飲而今恕醉人隱霧誰知立豹伏發聲喜聽蟄雷伸

幼安木榻終年坐築室虹螺採海綸虹螺兩山名昔因其勢築長城

登臺風月笑譚餘大隱何嫌輦道居我已恬然超物議

君先試可獻賢書離鞿奔驥鞭韁脫健翮拳鸞網弋疎

小澗清泉供盥濯空天騰起出魯魚

佳句忻逢好客論當年旅伴剩誰存時名大震群尊李

李經金朝錦州人作詩極刻苦名大震當時曰為太白再生夜讀何勤獨憶孫李商

因思王大訪山陰頗憶孫三勤夜讀霧布雲連尋舊路遠陽有布霧山連雲島松黃

薤白對寒樽霞披石澗衣巾潤竹翠苔花半蔓墩

頑石纍纍一經張子玉侯指點便成名勝是不可

無詩記之

綠蔓成帷網碧樓爾携一劍薊門遊匠心穿鑿峯形舞

巧手經營石浪流赴辟無殊東部到張絃赴孫權辟權呼東部而不名

乞歸翻苦曲江畱海山方寸千層出不禁寒生笛裏秋

淒鏘玉磬靜昏塵岸脅嶙峋假亦真石丈畱莊堪醒酒

花姑移檻好迎人驂驪失路霜蹄蹶鷹鷄乘風雪爪伸

佩紫懷黃終作祟何如一壑理煙綸

伏枕空牀萬響餘破羅時到翟公居卧廬日食天家俸

排闥時窺禁籟書玉局對譚人事絕花瓷潑乳俗緣疎

軟紅屢踏春陰去穿鑿橫塘學種魚

寸心久展共揚論排石探巖指點存何事廻舟空訪戴



木田集 五言 三十一  
已從別路急追孫宋之問有別路追孫楚句正侯頻來行止不能自由每于別路邀至  
不厭家常飯促去難終座上樽叢棘糾纏芟莫盡忽添  
無數好峰墩

承臣同姪徹循過我新構山居知抃將進都喜而

賦此

凭檻看山懶下樓嫣紅柔綠媚春遊雲濤疊疊林端泛  
泉脉潺潺石隙流草樹叢駢何翫夢兔烏轉轂不停留  
桑麻屋舍連巖壑黛色橫空九點秋

寄歡古壑豈同塵藉爾深情接托真躋足頓驚殘病骨  
探囊羞作老慳人心旌獨省分勞逸膝席相迎半屈伸  
放曠無拘長自在碧波挾柁夜拋綸

亂山揮塵嘯歌餘蕭瑟江關庾信居偶爾闕成投足地  
可能著就等身書頻斟我復貪醅薄數見君無厭闊疎  
半麓烟霏搖翠靄近看閑溜駛文魚

敢張唇吻恣譚論牢落餘生故我存夷簡自然超衆子

慧龍果爾勝他孫王榆以其孫慧龍為諸孫之龍蕉團蒲笠長隨錫薺

莢榆錢亂撲樽沙路塵踪難覓伴離魂仍繞舊時墩

水漲渾河訪我者絕跡連城姪獵歸餽魚兔古逸

招鶴夢羽士同兩客至縱博竟日

古潭空影碧涵樓石徑松軒獨自遊患難餘齡驚虎噬  
砢磅超漲激巖流老慵趨世無交涉靜願依僧尚逗雷  
獨坐閒安真有味不嫌蒼鬢數經秋



蓬萊清淺幾揚塵玉札金文景上真坐席忽來新到客  
登樓又少去年人常同古逸香令登閣今香令故矣煙嵐蒸雨蒼苔滑

莪蓼攀松翠蔓伸霞幔石虹溪響咽半天風月羨孤綸  
萬疊雲峰指顧餘吾生難得此窮居門前久絕時人屐  
燈下尤看細字書步步山情頻展轉勞勞世態盡稀疏  
呼鷹舉網長漁獵無事筌蹄獲兔魚

瀟灑閒身得縱論多年尚幸汝曹存庭槐近廡東西屋  
園果分嘗大小孫北浦奔波時艤棹南枝放蕊急飛樽  
夾階流水松陰合樹廡紅亭草覆墩

山居題壁示古逸

菰蘆風雨夜深樓六載金門散昔遊落魄髮從愁裏白

傷心淚向語前流繁花引蔓蜂猶戀斷簡慵開蠹半留  
干進無情甘退谷卑羸病骨冷知秋

薜衣長絕九衢塵淡水交情老更真莫道是非無定論  
果然行止不由人久離京輦簪裾別甫躡巖關履屐伸  
獨立淒涼清笛迥月明斜出綠灣綸

酌醴焚枯嘯旅餘陰森竹栢覆匏居千山月冷宵傳柝  
半閣燈殘卧擁書絕嶠烽烟笳鼓靜時得三弟粵西空家報山冠已平

天飛宿網羅疎松陰長覆雞豚社繞岸深溪獺趁魚

洞壑畱賓剪燭論庾村謝豎得長存飭裝早已凌霜霰  
採藥何常挈子孫舉止風流應側帽別離黯淡嬾傳樽  
亭皋無恙堪投老掃徑鋤畦細灌墩



木石齋集 五  
北上次西巖作

出岫間雲晚抱樓西巖三度屢經遊縹緗萬帙書城擁  
瀾汎千層學海流慣臥花龕僧面熟頻攀石級馬蹄留  
好山堪隱不須買深夜風清枕簟秋

長持慧水濯清塵羣動何能泊我真老友傾心頻下榻

家僮趨熱慣投人

久役諸奴  
半叛而去

聲名未立琴空碎寢食無

求缺不伸擺落世情堪石隱忽傳巖半到明綸

古壁留題灑墨餘渚烟溪月伴柴居桓榮且莫誇稽古

賈誼終須哭上書世路逢迎原自拙朝廷記憶未曾陳

官休我幸金天放那得長爲縱壑魚

帝閣未得上書論說客貂裘敝尚存鳳翥自成丹穴種

龍媒不媿渥洼孫何須泛愛歡投轄時復孤吟罷舉樽  
狐塚穉溪緣薜荔烟波漾日浸隤墩

寓萬安禪院南中書至置而不答賦此寫懷

青岑雲外聳雙樓退谷長尋鹿豕遊徑僻難容班馬騁  
天空故縱亂雲流三千里外音難寄六十年過曆不留  
愛此山菴安飲啄茫茫烟水荻蘆秋

翛然空界靜喧塵林下誰何罷是真昔日髦耆都作鬼  
當年童孺盡成人平隄舊柳垂垂發削壁孤雲裊裊伸  
要路多年無共事可堪入世問簪綸

殘花歷亂表春餘萬疊雲蘿護隱居不斷離腸愁握手  
強干俗事怕回書長驅蹇瘠程難記遠念凋零老更疎



逝水奔波空不返橫流何處穩潛魚

身外窮通不復論蝸廬龜坎且媮存擔薪疾讀朱翁子

雅坐投壺祭弟孫祭遵字弟孫渴飲瓊漿青玉碗笑擊丹液

紫霞樽長空雁影留寒水林落寒株簇古墩

哭五弟廣侯竝有序

癸酉四月廿三夜酣眠見心軒與五弟手譚弟

曰兄林臥遙集次至四百餘律必傳于世弟與

吾兄終此一局亦欲得詩其見許乎予頓忘五

弟歿故里五年餘也恍然覺悟悲歎泣下賦此

補誄辰興酌酒奠之

悲旌舒卷讀書樓對奕空思玉局遊一死五生魂不隔

子同懷六人感今追昔淚長流新塋可有青松拱隔歲

會無宿草留故國尚虛蒿里餞芝焚蕙隕北邙秋

總帳飄零罩素塵他生緣會弟兄真為儒未得詩書力

聞道能超富貴人夢見無心歡汝在魂交有意待吾伸

池邊春草今何在遙慟孤墳涕泫綸

一朝千古露晞餘寂寞泉臺何處居拭淚窺窗悲故筆

摧肝啓篋泣遺書鴿原永訣從茲始花萼初殘自此疎

國子聲傳天下口黃衫引拾玉符魚李迪朝歸夢二黃

有人曰未來須待玉魚符下醒後入朝道上見一

雁夜鶯春共席論棋聲久絕石枰存不名而逝悲無祿

一版相招幸抱孫吾弟有孫勝慈母徹幃啼拂柩四兒



扶第淚盈樽老兄當日遭排擯弟歿于戊辰正月六日正在風波中二月十日六罷官聞弟計絮酒何年奠故墩

過西麓下榻自怡園主人遠適賦詩遲其來

題偏西巖寺寺樓籃舁陶縱逐歡遊花燒石路紅全罩  
苔織霞岑綠暗流舌戰方鑿機盡露心耕自課種長留  
香泉洗鉢雲遮檻瑤草瓊沙繡谷秋

馬足新拋驛路塵心情冷澹樂天真冷澹病心情香山句也長依

淨梵為逋客久變朝官作野人泥飲酣眠磐石穩炊彫

半飽篆烟伸莫誇芝蕨輕周漢淮涓難畱兩釣綸

落日青山涕淚餘生還淹跡枕荒居若非意外遭浮議

安得身閒讀我書木茹草耕陳畚揭村籬花墅耨蕪疎

小園石壘松雲嶺軟碧池涵繡尾魚

風呻雨喟快吾論蚓竅蠅聲不必存幸得小同遺腹子

香令公後長傳百世本枝孫華鐘圍繞高低級酸酒分

傳上下樽重醞謂之酸酒逆旅荒涼新識少舊林喬木繞疎墩

渾浦舟次戴月網魚作

竹漱蘆汀繞浦樓清潭棹響短長遊夕陽隱映烟霞活

斷岸青蒼島嶼流夾岸霞明漁網撒迴波月涵溜紋留

閒中吟散那堪賞半醉心狂不奈秋

松龕蟲篆佛頭塵石塔殘經字不真縹緲雲霞肥遯侶

徘徊峰嶂苦吟人雨淋萬燐光難滅竹裊寒烟焰莫伸

久已忘名機頓息頭顱多日織霜綸



我醉陶然樂有餘荒山破屋傍僧居退身自貴羞干祿  
移老尋閒愛著書石級難攀多險滑緇林不飾任頑疎  
秋潭垂餌蘆中宿取適娛心豈在魚

禽言猿嘯對誰論電掣餘光半不存沙岸披簑排網罩  
盧洲蕪火聚兒孫香龕寂坐披長褐宴幄橫開酌大樽  
安得藉康彈與酌含烟洗露卧幽墩

賦得楊柳含烟灞岸春

楊巨源句

梢頭垂綠拂粧樓灞岸新鶯喚客遊果爾王恭多愛悅  
宛然張緒舊風流顰烟縈月柔腸斷睂黛橫山積翠留  
青眼含情頻遠眺離人牽惹一天秋  
曉來折贈起征塵宮女蛾睂畫不真多少柔絲縈恨意

萬千長縷縮愁人逃離輕縠波紋縐婀娜纖腰舞態伸  
烟水雲山飄泊慣月斜荒浦靜垂綸

粧點青春作態餘村烟幾縷綠溪居潭心淨後懸絲影  
鯉腹閒時見尺書薄宦今同殘月落舊交仰歎曉星疎  
北方苦澇南愁早撒網難堪竭澤魚

雨濯風翻難具論千絲金嫩娉婷存朋來不速畱三益

王宛先汪紫滄老去長隨伴一孫蜨嬾鶯慵猶翳葉餒

張允符適至稀粥冷且停樽顛狂可好陪輕薄綠抱村橋翠擁墩

前題

長隄搖曳覆青樓近水陰森繡轂遊絮落絲飛蒼幕罩  
烟接霧燃綠光流梯生鬱鬱攀還折涕泫浪浪去又畱



夾道蔭溝紛旖旎依稀猶見漢南秋 昔年楊柳依依漢南出枯樹賦

簾幙橫開掃席塵舞腰無力起眠真千尋綠浪翻空翠

十里穠陰庇遠人低骨遊絲攔燕舞亂搖斜月挽蛇伸

分攜客路愁霜鬢羈縻餘生脫帽綸

章臺新樣畫眉餘疊浪粼粼紫陌居細柳留屯周太尉

蠻腰傳唱白尚書迴文字密絲長織團扇歌殘縷曲疎

翠幄成陰鋪石砌有時弋雁復烹魚

攀枝穿葉兩無論幾許離人眼淚存曲陌春嬉愁少婦

上林蟲篆兆公孫枝垂羽驪催征騎綠泛旗亭暗酒樽

無數柔情遮不住紅欄曲曲漾篁墩

賦得遶樓多修竹 白香山句

小築牆東水向樓歡同少壯竹林遊拂簾影亂寒水響

掃壁烟籠碎玉流雲裊書窗枝半礙月臨藥檻葉先留

臨池披拂波全綠嘯入叢篁萬籟秋

石壇空掃絕纖塵霜籜風條玉立真青簡能傳今古事

綠陰藉庇往來人干雲有態橫斜舞含露無聲裊燒伸

樓外淡篁吟客倚纖竿籊籊作魚綸

千波輕泛翠光餘一簇檀欒好護居莫笑元耆髯贈杖

願從無恤剖遺書盤根礙石藩籬擁直幹凌雲粉澤疎

幸得仙壇長倚徙青陰覆砌靜觀魚

獨抱貞心孰可論紫莖錦籜此君存流音嶰谷呼慈母

慈母山產簫竹伶倫采竹嶰谷即此扶老員池庇弱孫邛竹高節實中狀如人謂之扶老



鐘鐸和聲傳午漏林巒擷翠倒芳樽梢雲早已棲鸞鳳  
折節何妨掃石墩

前題

碧光籠冪竟無樓練實垂英待鳳遊騎杖化龍歸葛水  
染斑揮淚灑湘流清聲浙瀝虛心出紫籜飄零勁節留  
宜雨宜烟離立好舍風曳玉雜敲秋

自然瀟灑出凡塵玉潤湘川本質真翠實成林娛野性  
青筠繞岫廕遊人聲傳遠邇琅玕碎影舞參差篠簜伸  
碧色蔥籠風響亂溪光染綠紡文綸

密艷幽芳把握餘烟絲翠縷織蓬居鸞翔直曳青瑤簡  
鳳翥橫披綠玉書繞徑陰垂苔色嫩遮門復落葉聲疎  
森然庭砌文光動一壑浮天躍巨魚  
淇水江干雨勿論縹枝剩得淚痕存開窗濕翠侵書帙  
出砌新叢長子孫四面琳瑯欄倚玉數升榭榼客飛樽  
尊絲柳帶同鮮碧痛飲歌騷側臥墩

向攜朴孫肄業西巖萬安禪院偶王宛先孝廉汪  
紫滄明經夏酉山張允符文學前後來都應鄉  
會試因命朴孫同諸君共學寄園適心朗上人  
至邸賦此記之

戎戎萬綠拱雙樓塞竇城西厭宦遊羞弄毛錐鑽故紙  
嬾持畫刺謁名流雌雄未辨三年學丹墨長研百卷留  
山嘯川吟知已在橫天雲路雁賓秋



木石遺集 五馬  
摘藻縹囊務去塵自然眼耳得清真玄津澡漱三空室  
綠水蒹葭宛在人應制功名愁軼軻下帷帖括企舒伸  
玉階遲爾賢良對泉石雖香罷采綸  
心賞難期爨下餘蒲荷面面簇舟居釋門舊伴鴛鴻侶  
梵篆今傳牝牡書月印層波光的的風翻古柳影疎疎  
壞墻不禁飛花入小沼時看舊放魚  
少年難再勿重論竹屋寒燈幼學存魯壁經傳藏博士  
蕭庭兒戲見曾孫傷心莫話從前事舉手重傾未盡樽  
隨意攀登縈客袂空巖急溜瀉蘆墩

秋夜山月正明訪古逸于河岸謾賦四律

烟村石徑曲通樓閒逐溪雲信脚遊霜篔簹橫鋪簾影舞

月瓢斜挂釣湍流小山桂老香逾熾大樹聲高葉尚留  
晚靜庭空人寂寂蓼風蕭瑟野塘秋  
小灣流水浣詩塵哦雪筠簾解識真勸爾歸耕無二頃  
陪予遊讌恰三人雲來有約山光引花睡忘言鳥語伸  
樂此溪干長豁眼月殘半壁不收綸

月度花陰一瞬餘亂山孤磬訪龕居重尋昨夜斟殘酒  
細譯童年讀了書露頂流涎甘嬾散捫蘿踐澗任頑疎  
南康狂士頻摩手啖客新香出石魚  
雞占鏡卜總無論圓笠長蓑一杖存爭事畱金嗤長子  
象賢遺笏念來孫呼童漫掃蓬蒿徑遲客新開薜荔樽  
竹裏鳴泉風景好纔過西埭又東墩



感舊有懷題西巖寺壁

雙鳩相對話松樓翠暝烟淡罷  
讌遊佞佛掃龕幢影亂  
報讐試劍夜光流衣冠簡朴刪  
時調視履春容挽古留  
險徑蘿纏巖屋下山孤月冷碧  
溪秋

落落孤懷久脫塵酣眠無夢寢  
方真誰除世態容在客  
且徇時緣近俗人童子掃門躬  
白鞠先生隱几脚常伸  
參天松檜圍紺宇重叠山雲軟  
素綸

枯腸羸骨雪霜餘傍竹雙扉隔  
塢居對簿頻勞廷尉問  
戊辰勘河復命廷鞠分編會佐史臣書丙寅同詞林諸  
兩日再發九卿會審  
二肩頭任重擔何力鬢脚掀開  
白更疎水漲山溪青岸  
沒綠蒲鋪面翳群魚

狂來醉後勿多論氣咽聲吞骯  
髒存知己信心文季友  
都門予曾殞殮胡賢能言升座半千孫頻揮逸士松枝  
明戶部周計百太守  
塵獨酌幽人竹葉樽老我山中  
娛筆硯石牀松殿傍篁  
墩

山行即事

千林晴色裊孤樓翠竇烟岩委  
曲遊深洞明霞青靄湧  
晴溪落月白烟流手譚合局枰  
無設目攝驚心駕不留  
野外閒身宜縱酒餐芝採蕨佩  
茱秋

洗空斯世六情塵有盡形骸本  
不真老屋飄零留故我  
同官冷落更何人安閒儘可藏  
吾拙怨懣何須待世伸  
萬頃銀濤浮翠壁光分疊嶂舞  
花綸



邀翠迎青一覽餘巖溪谷冷愛樵居山頭松學虬龍舞  
沙面禽工築籀書漁浦風高波浪濶石壇秋老柳槐疎  
香泉洗鉢雲迷檻縱棹乘流急萬魚  
捫舌長喑不復論青衫淚漬舊痕存時懷令伯終劉養  
敢與升卿字詡孫拂壁叢箐搖亂夢浮天芻芻洗愁樽  
綠陰隙裏紅亭出颺嘯猿呼戀破墩

古逸招飲河湄醉賦

聲聲寒柝出譙樓孤客心摧倦宦遊覆幕深雲瀾大壑  
傾盆驟雨集新流桑榆收拾閒身健雞黍招邀半榻留  
莫讀離騷箋楚些銷魂千古泣商秋  
岩腰香剝綠無塵斷碣流傳半失真寺鎖烟霞花作幔

門堆秔稻鳥依人幾聲石磬枯禪覺無語山僧淨梵伸  
夾道紅泉穿樹腹魚吹細浪不驚綸

海烽此日靜秦餘亂石疎花小徑居遠害止須長謝事  
驅愁惟有縱觀書客來荒篔巾衫古路人孤村井臼疎  
澗籟時聞仙子曲跳波觸岸出文魚

青蒼百變色難論繪入新詩山意存心粹人分珍味目

穆贊兄弟一心和粹世以珍味目之手文我舉小同孫鄭康成與孫並丁名小同予舉五孫顯與予先後同庚碧欄早映朦朧月白墮頻傾上下樽

欲踏釣船蓬底睡榜人斜繫夕陽墩

憶鶴有序

寄園雙鶴養之三年羽翮旣長翻然高舉莫知



所向固知凌霄之姿不肖久爲人耳目玩也感  
而賦此併以招之

清響聞天飭玉樓雙雙遙引碧雲遊高翔頓爾凌風展  
歛翼何時拂澗流羞共群雞爭飲啄肯同家鷺任拘留  
冲霄遠背青田去唳月披霜處處秋

飲谷猶嫌染俗塵竟遊碧落伴仙真孤山無復招逋客  
昨夜何曾夢羽人矯翅乘空雙影斷齊聲警露九霄伸  
蘭巖天步橫霜路沼畔長懷巧拂綸

嘹唳烟光顧慕餘霜毛雪骨九皋居若非丹禁從鸞舞  
料向青天代雁書赤頰年淡標格好蒼雲路斷稻梁疎  
雲中獵鏃歸何處沙印行踪罷啄魚

誰從橋畔聽玄論毛羽截灑不復存

張平子賦披  
毛羽之截灑陽鳥

時鳴將和子胎禽舒翼定生孫歸看華表纍纍塚立飲  
瑤池濼濼樽倘憶花林明月好三山且勿戀雲墩

### 憶鶴詩跋

裳如菊淡神飛太液歌聲田帶芝香夢遶武溪流水  
聽嶺頭之笙響群羨爲仙傍湖上之梅花曾呼作子  
奈彼志凌霄漢豈甘久戀牢籠遼海洪波瞬息便成  
千載美人翠黛月明空恨三更固凡禽難與爭姿而  
羽族群推獨立者也夫子愛伊高潔伴已孤清偶參  
一雙並馴三歲素衣飄縵玻璃夜夜光翻朱頂晶瑩  
瑪瑙時時紅溼朝回偶喚齊解迎人醉後相隨真如



揖客飛入千條疎柳雪剪雙擎棲殘滿澗濃烟銀丸  
兩點自非情同清獻焚香靜答瑤琴多應皎比光逢  
量士長陪玉尺何意霜魂冰魄不屑紅塵龍躍鳳踏  
竟還碧落張山人招之莫返目斷彭城齊辨士放而  
不歸影空楚國好音寥寂何爲冷我園林皓翅依稀  
將欲問誰消息當此秋風健翮鸞鳳長吟濁浪橫空  
鯤鵬欲化耳每聞瀟瀟落葉恰疑仙步來遲跡未臨  
曲曲寒汀也覺玄衣猶曳題辭誌感誰獨無情念昔  
悲今云胡不歎此憶鶴之作所由來矣獨是吟成擊  
鉢識者固訝爲奇妙絕探驪騷人咸謝其拙心乎愛  
矣世共知之奈何一韻疊五百篇猶增餘勇四詩和

三兩帙尚富雄文石氏珊瑚彌覺後來居上南朝金  
粉自當退舍潛逃此卽巧極累碁難分絕技縱云工  
如刻棘敢擬精思灑也欲釋手而未能似米顛袖中  
奇石歎此音于觀止是秦庭夢裏釣天用急揮我兔  
毫聊以續夫貂尾云同里受業汪灑紫滄拜識于燕

京寄園

別雲從潘比部將三十年近在京邸僅一面再晤  
于靳文襄公北頂苦廬因連牀作兩夜清話次

韻贈之

山翠橫遮壓角樓松林拂袖並肩遊

僦居隔壁里許予  
兩人步行申奠

寒沙眯目荒荒白曲岸漸聲楚楚流未置融樽誰是主



空延弘閣客難留  
淡譚舊事燈烟燼  
白荻聲連大壑秋  
松影橫牕掃隙塵  
欣逢披豁對吾真  
百年此日營新壠  
卅載今宵對舊人  
破屋不妨羈夢共  
儉庖亦覺客懷伸  
餘生何幸重携手  
曉掬清泉濯帽綸  
半世豪華止腐餘  
禪龕月黑對牀居  
已之果爾心無愠  
行矣何曾手一書  
乍見自然驚老瘦  
重逢幸勿笑迂疎  
我投閒散真堪隱  
掉尾清波舊放魚

馮唐已老復何論

用王維酬范郎中結句

睽隔年多臭味存  
短髮

橫披充野衲衰髯半白挽頑孫  
療兒急索西洋米

雲從公子

病索予西洋米醫之

沽酒空慚北海樽  
冷我宦情聲利絕  
衝泥走

馬過亭墩

仲冬十七日王明廷方伯吳北海觀察于章雲內

翰胡鹿亭中書前後過寄園登班青閣面對西

巘右眺太行山峰了然在目賦四律寄懷

抽簪偃仰小岑樓  
薄宦蹉跎罷壯遊  
萬壑松濤浮翠壁  
空巖石竇瀉紅流  
藥欄窈窕歡投足  
饌具單寒強款留  
荆棘塞門從二仲  
井梧飄盡久無秋

薜衣蕙帶迥離塵  
嬾態頽唐竟逼真  
檻外寒山千百疊  
樓中好友兩三人  
詩懷近向風波老  
旅况翻從患難伸  
度勝山公勤且慎  
如何又捧此嚴綸

家少宰近經處分今又奉察議之旨

祇憑詩酒了冬餘  
勿剪蓬蒿仲蔚居  
擊鉢高吟义手和  
夢椽大筆面牆書

諸君唱和畢鹿亭章雲即書壁

莫嗟知己當朝少  
竊



幸投閒見客疎到處雲山成卧隱不歸何必憶鱸魚

清言破的絕迂論廿載同官止爾存當年農部同寅頓

見畫圖呈近麓幾多培塿視諸孫閒看秃樹無畱葉久

釀縹膠有剩樽再入都城猶謝客薊門新築舊花墩

弔毛香令秀才有序

香令死及周矣遺腹得一子妻復從之地下子

過讀書舊寺館晤其尊人泣數行下弔以四章

天上何年構玉樓修文長吉挈同遊魂埋自此歸無着

水怒爲之立不流香令家住想雨形神猶未隔把來詩

句可長畱霜鈴月戢哀清夜斷續關山笛裏秋

委骨空山一窟塵眉峰額月細描真風標絕世原英物

爽朗如君故可人時不利兮名小就命之短矣志無伸

西巖蠟屐尋新壠酌酒吞聲淚溼綸

清譚對案每更餘常共僧寮上下居白玷同磨勤補過

皂囊共展縱攤書靜叅生死空爲幻閒覺塵氛老漸疎

長憶敝帷蕭寺裏孤檠風雨聽鐘魚

聲咽寒空靜剖論墓廬宿草已無存甥真舅似傷無母

父苦兒亾幸見孫經帳荒涼雲入幕梵筵冷寂月臨樽

我曾過此三投宿羅幕成帷網寺墩

萬安寺主僧畱宿見一軒渾河將凍步月有懷

波動淡清碎岸樓孤行我亦快羈遊殘籬久破山嵐補

隙壁新穿月亮流偶影暫因龕火熱閒行苦被主僧畱



了無過客同精舍默默心空數磬秋

占住溪山謝世塵纖雲舉盡露穹真跌跏不逐幡幢影  
衣鉢當爲記授人熟讀屈騷無可訴空彈馮鈇向誰伸  
吾家家範惟琴鶴何事簪纓稱組綸

採薤盈筐細雨餘葭湄還往賦閒居北方習慣諳傖調  
蠻語聞來勝秘書坦坦心田無缺陷便便腹笥不空踈  
長篙點破菰蒲月獨坐霜墩拾凍魚

世事心諳口不論當年廚顧有誰存一瓢樂飲賢顏子  
數仞難窺毀叔孫荒榻何勞君枉駕濁醪最喜客留樽  
攀松曳竹山禽樂靜聽寒鳴戀舊墩

曉登梵樓遠望卽事感懷

秀鬢晴黛裊孤樓更拂林花並馬遊斜轉梵輪幢影亂  
側看天漢曙光流雁旋南浦分還合雲斷孤岑去復留  
籬破遠容寒翠入橫飛積雪玉關秋

馬蹄到處踏行塵自笑狂來野性真久樂歸田充大隱  
誰從去國憫勞人林難露相烟光罩花欲言情鳥語伸  
周漢遺踪今在否渭濱淮水展雙綸

烟水空濛夕照餘斜穿小徑隔籬砧孤懷痛飲茅柴酒  
一介遙傳咫尺書老樹禽喧孤嶼靜荒山霜落萬枝疎  
栗瓶茶甕淄流共撒網徒扛看捕魚

誰聽狂奴酒後論石鐺瓦鉢一牀存受書細督顓蒙課  
摘果分嘗弱小孫童子伯鸞然冷竈大兒文舉注空樽



松槐空蔭無僧寺菜圃桑畦灌晚墩

癸酉除夕

同人寄園守歲次舊韻倣歐陽公咏雪白戰體  
禁用椒花栢葉卜龜浴湯華燈綵勝粃盆粉窩  
團圓穰鬧撒豆迎儼嫁樹爆竹劍絲珮聲放雀  
獻鳩祈穀磔雞商陸屠蘇仙木桃符祭詩燃草  
喫酒譚經折松枝舞花幡印鹿馬賣豷癡送窮  
鬼驅傩童鑊五色燒千張噉辛菜服桃湯蒼木  
酒白獸樽長命爵五薰盤  
等字違者罰以梅花酒數

萬山排闥逼寒樓光簇朋簪快夜遊倏忽星回春嗣續  
須臾旦復歲周流明年老伴誰強健廿載羈棲且滯留  
謝事縱然除病惱將春反覺性情秋

霜漏敲催輾路塵誼誨怕擾靜中真雙燈照壁歸無夢  
分歲圍爐守有人時同坐者鉄嶺王宛先代州馮敬南  
海寧張昆詒金壇于楚樗烏程夏酉

止十倉唐百谷嘉興倪丹成休寧汪紫  
滄延慶家獻玉及從行二兒揀授兩孫 逋負全清雙耳  
淨逢迎不慣老腰伸山癯已息繁華想也率兒曹拜玉

綸

殘臘幾時頃刻餘家家兒女祝康居萬聲雷震驚冬蟄  
八體龍跳煥壁書竹石清輝圍硯席松槐翠色映牕疎  
牀頭絳蠟催春信開甕何時出凍魚  
曛旭循環總莫論四時倏爾已無存東西薄宦羈兄弟  
吳越分棲長子孫服藥駐顏誰得歲藏闔作戲亂傾樽  
斜尋石砌敲冰腹餘臘烟籠古栢墩

甲戌元旦

攢炬成花瑞靄樓夢魂戀舊續心遊插瓶松鬣迎薰舞



畫版燿晴盼歲流蒲榻盍簪人不速席門回轍刺無留  
殘寒乍別三微著景色呈新卜有秋

曙風輕拂日輪塵褚孟初逢指點真陳釀醉留新歲客  
滑錫膠合隔年人瓊膏曉候重精降重精鳥名元日至  
飴以瓊膏出撫言

春氣潛從寸管伸插漢干峰遙揖讓恕吾箕踞不簪綸

庭燎待旦餞迎餘空擲年光老寄居且喜陳人留故我

又拋舊曆換新書梅癯小徑香猶熾節軟殘宵臘忽疎

堦下看兒趨陛急朝天隊裏響金魚

亦曾抗疏大廷論竊幸餘生老健存家隔三江如許路

父傳五世幾多孫翠鬢也喜呈新頌藍尾頻斟酌古樽

星倒天河畱屋角何人與宴坐花墩

韻無險易疊押則思窘窘則不與而俚禁體八咏純

以白描仍用舊韻押至六百九十二首之後不但語

無重複且字字鮮新先生襟度不凡其思致筆力乃

復別有天地是豈世之僅以風雅稱能者乎余雖效

聳不勉為老婢聲矣良常後學于鈺雋楚樗氏謹跋

疊韻至七百律不窮不復雖夫子才大亦足驗古今

文心之無盡夫詩寫性情必剽竊古人字句以鬪靡

我之性情失矣禁體八章無一陳言習句筆端直與

眉山劍南頡頏則其性情有獨至也夫詩未有不原

本性情而卓然自立者也甲戌人日東海受業張會

裕謹識

雲描露刻自古難工風影水聲于今莫画不持寸鉄

長驅草木之兵只挺雙拳已搗鶯花之壘乃倣歐陽

咏雪重尋東坡聚星洗盡臙脂名葩耀日鋤殘榛莽

怪石干霄海上樓臺排出金扉玉檻鏡中花鳥寫成

笑雨啼烟真群歎為奇哉可無起而和者新安受業

汪灝拜跋

遙集四韻叠至七百律此從來風雅詞人所不經見

者覺松陵倡和徒見早靡耳禁體詩獨抒性情藻思

木小色集

五

三

戰體



則歐公偶然創之坡翁因而效之亦未聞其限韻也  
我太夫子林卧遙集四韻輒至七百餘首今又以禁  
體作除夕元旦詩各得四律誠能易古人之難且能  
兼古人之奇矣門下晚學生廣武馮壅敬跋

甲戌元夕寄園促席方罷偕于子楚樗夏子酉山

王子宛先汪子紫滄及揀授二孫步月燈市于

中翰章雲邀飲古藤書屋踏歌歸漏三下矣禁

用上元習見語次韻紀事

一曲新翻出酒樓春來六日趁人遊

初十日

青驄牙繡

紅燈擁紫陌蠶飼白粥流坐嘯三休叢桂老

寄園有叢桂小山

居停五易古藤畱自啜舊物堅牢甚歡讌輪傳四十秋

章雲新寓為金文通甲午舊邸通傳龔芝麓宗伯何猗音侍御朱錫鬯太史以及于中翰五易主矣予俱叨飲

其中為之誌感

屣步香街火照塵聲光爛熳幻而真是誰手撥邊關調

我亦肩摩市井人間闔魚龍千百變衎衎簫管寸長伸

花輿絡繹隨行騎風遞硝烟罩帽綸

夜踏光天薄醉餘嬉春睠盼別高居囂塵匝地迷人海

謔浪周圍聽說書度曲靜嫌街鼓鬧卜年背嘆歲燈疎

剪羅疊玉忙童稚水映璃瓶舞赭魚

萬光吐燄鑿空論見朗人天一我存分到橘奴傳軟節

拾來荔子撒童孫踏殘圓暈朦朧月傾倒方壺瀲灩樽

曉角尚分殘夜漏松脂沃郁蒸香墩

詩格隨時而變宋之不能追唐猶唐之不能追漢魏也  
也能自成一家言又何唐宋漢魏之別哉近刻意摹  
唐者字句非唐不用即典故在唐以後者亦俱不用  
噫何其固也唐人方言遮莫杜詩遮莫鄰雞下五更



又象牙為白暗犀角為黑暗杜詩黑暗通蠻貨皆前  
 詩未見也太白蜀道難賀季真曰子真謫仙人又見  
 烏夜啼云此詩真可泣鬼神矣杜贈李詩云四明有  
 狂客號爾謫仙人落筆驚風雨詩成泣鬼神即其時  
 事何嘗不撫之於詩恒夫先生息跡京園藻思綺合  
 麗辭泉湧隨事疊韻珠玉生於字裏雖方言甚俚一  
 入筆中何非妙境元夕四律無新句不研此夕新緒又  
 何曾一句落此夕故套鏤巧追新得未曾有先生真  
 能自成一家言哉余不揣亦復同諸君和韻然遲速  
 天懸工拙壤隔才固不相強也良常後學于鉅雋楚  
 樗氏頓首拜跋  
 時漏初刻月色如銀門外金鼓喧闐市上小兒已紛  
 紛徵逐予方兀坐室中適寄園夫子偕諸君子併率  
 兩孫已從六街燈火踏月而歸途過予古藤書屋  
 予邀入雷飲酒數巡因追論自曩昔及今飲此地者  
 經四十年矣而地主凡五易姓獨古藤一架枿槎似  
 鐵相對依然為感慨低徊良久乃散而越日夕詩成  
 仍疊前韻計此韻已疊至七百餘首而夫子則翻新  
 標異用之不窮近如除元且詩亦依此四韻其檄  
 盤栢葉等字禁勿用純以廬陵白戰體抒寫性靈傑  
 時句奇思俱出人意表今讀是詩而禁例體製復然夫  
 令題固宜避俗但恐一切避去便覺意境寂寥而

夫子詩中既不着一星毬火樹鶴市鰲山及踏歌擲  
 鼓等字樣反多用里井時事以發為異彩所謂嬉笑  
 怒罵皆成文也其大意在撫今追昔借古藤書屋  
 寄慨筆端總是其胸中眼中之真景然則夫子  
 之過子寓與予之邀夫子飲雖適然事抑亦夫子之  
 詩之一助乎然他人縱有此情景而疊韻至七百餘  
 首又復限於禁例瞻顧徬徨未必不江郎才盡也金  
 沙受業于漢翔謹識

春日出西便門宿萬安禪院古逸過譚漫賦

半麓烟橫郭外樓峰青最喜舊人遊香車輾輓光塵輾  
 綺岫嵌空翠靄流草合敦丘人跡絕沙浚襄岸鳥踪留  
 石牀高枕羈魂繞月綵盈輪古驛秋

敢將簪珮等緇塵石谷長羈隱是真誰道蓬茅終斷客  
 止慚猿鶴不留人牀頭臘蟻須臾盡石面苔衣次第伸  
 田父招要頻致款坐移岸脅理殘綸



本居遺集  
心甘褐糲不多餘  
柳徑茅莊亦廣居  
自釀新醪藏舊甕  
獨揩冷眼看殘書  
朋儕久絕門長閉  
榮辱無干慮漸疎  
羽鍛何曾思更翥  
長憐貪餌少完魚

連朝並榻共清論  
鶴塢松林小築存  
老圃偏憐嬌姊妹  
空門亦樂好兒孫  
潛尋理窟開千卷  
急破愁城醉一樽  
柳蔭長條供妙舞  
蒼崖落照水橫墩

渡渾河訪古逸山人作

笛聲嘹唳近高樓  
偶坐輕車下澤遊  
一二騶驪遙踏雪  
兩三舴艋慣乘流  
誰知我者猶相待  
盍賦歸乎且少留  
奇石疊成丘壑幻  
小山螺髻淡橫秋  
難堪縱步踏飛塵  
确然表異喪其真  
石泊烟絲纒挂眼

河掀雪浪正愁人  
久拋綬笏心無累  
止賸箏瓢樂獨伸  
我向巖西尋大隱  
孤筇搖曳戴方綸  
草色初青沒燒餘  
千峰四壁一菴居  
復人手簡常隨筆  
寫景新詩不事書  
陡磴難登嗟輶軻  
神臬獨嘯樂虛疎  
儀文半爲林泉簡  
檢石溪深驚伏魚  
結舌多年敢復論  
招提冷落一僧存  
回車輒哭窮途阮  
載筆誰留入幕孫  
冰解餘寒潛入座  
梅殘剩影瘦橫樽  
百凡坦素趨承簡  
金谷銅駝委莽墩

春遊賦懷

有序

甲戌寒食前一日偕丹陽葛東之金壇于樗鄉  
遠齋章雲海寧張洵安桐鄉朱漢源三韓王宛



先烏程夏西山吳門戴雲奏休寧汪紫蒼及章  
雲兩郎揀授二小孫步行出右安門過目耕園  
踏青南浦歸集五蘊僧人蘭若訂遊西山仍次  
遙集韻賦二十四章漸岸怕夫趙吉士撰

清渠柳亞拂孤樓西麓垂青盼客遊槐燧何曾收舊火  
榆錢早已覆新流橫斜草徑黃更綠九十春光去不留  
丘隴漸增人未減風情宛似去年秋予祖歲九月寓寺中

松谷風生舞翠塵峰奇雲變見來真紅衣昨夜飄殘縷  
青眼從今看破人鶯弄新聲花底滑風梭亂絮柳梢伸  
草香沙煖却山下一紙飛鳶曳細綸

青蒼野望蔦蘿餘王囿之旁梵帝居偶名同人分冷食

莫嗟下第棄殘書

時葛張王三君同兒行俱落第

多年放逐閣難叫

水繁紆路不疎踈踟鞦韆誰點景閒看依岸小遊魚

酸辛風味向誰論意興隕然愧獨存從少持杯傳座董

董勛飲酒從少者起因號傳座時諸小郎俱從遊

養閒題句拂衣孫

孫冕詩莫待朝廷差

致仕蚤謀泉石養閒身

避人坐嘯峰千朶寬步追尋酒一樽高插

青帘招客飲黃壚斜傍老園墩

### 前題

午爨烟濃日麗樓幾多繡轂恣歡遊擘開翠嶂胸前盪  
湧出清泉足下流塔鐸傳聲松鬣舞僧庖治具葉根留  
平疇蔓草遮荒隴風景闌珊綠野秋

花照鳴驄柳曳塵誰家祭掃淚痕真孤行慣作投林客



廿載長羈拜墓人草屨盤旋由徑出籃輿伊軋向空伸  
丹霞爛熳都成綺山亦科頭側戴綸

日痕澹澹露華餘土軟莎晴簇野居鏡古懶編人物考  
浪游欲輯職方書入山路窄穿雲暝隔浦烟沉挂木疎  
幾箇榜人乾岸上看懸纒毆羨多魚

好惡真難一定論風波歷盡故吾存木奴久絕千頭李

寒家橋林荒廢久矣 嘯客遙聞半嶺孫石路差峩疲老驥山峯絡  
繹促游樽長堤日蔽高高樹宿草心傷露溼墩

前題

琴劍長懸古佛樓子行囊半酒壚時挂百錢游春花依

舊人偏老逝水無波恨共流儻傀難平茅又塞頭顱未

禿雪長留向空好鳥攀枝話野意先傳碧樹秋

竹塢雙飛水隔塵春光瀲灩醉心真座間不慣逢時語

輦下翻容避世人浮白行吟泉響和步清流盼杖頭伸

舊春今日移文到羞折長腰縮半綸

下馬紅亭酌酒餘花籬四繞石壇居柴門絮習三眠柳

櫻榻燈傳六度書籍醉已酣猶帶慎嵇心方放自能疎

寺僧五蘊別予載餘 松林拚砌三間屋寬鑿平池好養魚

赤松黃石總難論且喜酣游老伴存節及清明剛二日

人兼元凱從雙孫同游十 纍纍古塚飛錢紙點點殘花蘸

石樽數載巖棲塵累謝佛光長護九蓮墩離寺三里許為九蓮菴

前題



居然拾級上層樓  
柳嫩花新壯旅游  
籬破遠容山翠入  
東開乍見水光流  
顰烟泣雨時時有  
畫舫青驄處處留  
鬱抱難舒泥醉好  
寸心端欲質千秋

一灣流水浣詩塵  
丘壑周旋野况真  
對影成雙慚有我  
夢天無二強爲人  
乍寒乍暖春光幻  
時下時高地軸伸  
排列巖巒嚴部伍  
挂空瀑織百千綸

初試紅爐茗戰餘  
縈迴樹石罅中居  
縱游名圃穿山溜  
閒坐空牀閱梵書  
緩步任教啜脫畧  
長酣久已習頑疎  
河流幾曲縈歸馬  
鼓棹飛橈看捕魚

屏居我已畏淡論  
骯髒年來久不存  
小友歡逢煨芋子  
道人口教賣魚孫  
茗花舉舉烘蹲獸  
酒滴泠泠灌鬱樽

雲樹翻空天作幕  
野橋分路過亭墩

前題

飛瀑山椒直上樓  
句廉

句音鈞謂水岸曲而有廉稜也

嶠路昔曾遊  
紛

綸世態陰晴變  
險薄人心灑  
瀕流渴驥奔  
溪寧少待迅  
駒過隙可能留  
村墟晝靜迷  
花氣習習風  
生兩腋秋

水白山青我絕塵  
吹花冷雨暗香真  
繡林翠阜藏烟棹  
綵索紅毬鬧市人  
減讀長存雙眼力  
狂吟不覺兩肩伸  
多年謝客無修飾  
兀坐烟津展幘綸

鶯花半老禁烟餘  
粥冷飴香傍杏居  
方寸空空無恨事  
古今了了有成書  
山垂素練晴雲裊  
門枕清流古木疎  
溪藪急需松葉煮  
誰携斗酒贈雙魚



佳客他鄉好共論  
悽然懷抱可堪存  
逢人締結無兄弟  
蓋世皋牢萬子孫  
春杪寒廬耆舊札  
燈前冷節夜潑樽  
虛庭雜樹交相結  
泉石皆香月滿墩

前題

編籬獨隱寺西樓  
小棹隨波似客游  
石凶雲裳垂半麓  
峰尖瀑布挂雙流  
看山山上山經看  
留客客中客易留  
屈曲清泉長繞砌  
石壇僧過薜蘿秋

紫陌驕驪暗客塵  
勞勞罄控泊吾真  
騁馬曰罄止馬曰控  
舞腰歌

舌歡詞伯席地幕  
天涯酒人壩决忽  
驚壅水逝杯停又

見落花伸淺黃輕  
碧柔條好畫檻橫  
斜舞翠綸

藜食敢嘆食無餘  
匏繫終今卧瑟居  
心不任勞頑鈍叟

手何妨拙老蒼書  
半生蹭蹬廿三黜  
萬事蹒跚坐一踈

記得當年頻啓奏  
紅橋詔許網生魚

合是三休不更論  
舊題詩處壁無存  
梭拋未入金閨藉

盧仝下第旅中有亂投機杆錯  
拋梭之句時諸人失意南歸

至數見雲亂簇成縑  
繫樹花香低度路  
行樽漁舟款乃

紅亭外弱柳新篁  
繞水墩

先生以遙集原韻首倡和者方擲管先生不經思索  
疊成二十四章同人閣筆以四韻而次至千首此亦

安足盡先生之奇耶古來詩多者至李杜蘇陸而止  
求之集中未嘗見此豈非天才爛熳古今嘆為獨絕

者乎浣手捧誦益深望洋之嘆後學瑯琊葛筠識  
七步八義古不多見然疊韻而至九百餘首之後雖

甚敏未必不束手也先生偕同人南郊踏青往返步  
行廿餘里無不疲頓而先生精神獨旺雅興愈豪岸

憤銜杯衝口而出賦成二十四章無一字襲人牙後  
慧即有追風逐電之才安得不咋舌而呼奇絕耶君



苗焚研信乎不謬良常後學于鈺俊謹跋  
 烟霞罩日石澗籠陰一觴一咏便成絕妙好辭他人  
 祇供游覽先生皆學問之所在人工耶天巧耶辭峰  
 巖豎筆海橫流吾無以測之矣海昌後學張曾視識  
 東風拂地烟景撩人通逸響于近郊接芳陰于南浦  
 逢僧即主藉草成茵高步烟霞义手嘯咏時逢一百  
 五日叠成二十四章無峰不是璆琳有水皆成藻繪  
 雲間日下風雨爭飛陸海潘江魚龍百變雖為遣興  
 之作實是必傳之詩怖甚真龍慚淡白豕同輩固應  
 閣筆共學嘆為奇觀三韓受業吳一元拜跋  
 春暮上旬八日黃門先生踏青南浦同遊十六人少  
 長困憊獨先生雅咏酣游睨天發藻祇覺蒼苔碧漪  
 殘花零落紅白可數先生水雪一編顧盼成之嗟乎沈  
 謝應劉猶多累句先生水雪一編顧盼成之嗟乎沈  
 在敢作尋常酬唱觀耶鳥戌晚學夏荀慈拜跋  
 水邊多麗魂消三月長安市上無烟節報明朝寒食  
 尋東風于蕭寺人醉桃花問流水于秦源情深芳草  
 倘非吟成七字何由樂寫三春獨怪天際河流忽倒  
 傾于星宿海中蜃氣倏變幻乎樓臺陡成廿四之章  
 幾滿一干之韻全人齊訝舉座停吟灑也捧讀三終  
 都忘此身在客抄拈四壁更驚滿屋皆金可大張拾  
 翠之軍願徧贈踏青之侶受業紫滄汪灑拜跋

元稹作春深何處好二十篇并用家花車斜四字為  
 韻詩多次韻始此然未有春遊賦懷疊至千律而構  
 思險刻造語精圓尚能曲盡心手之妙愈出愈奇如  
 斯也雖作者森起邈然寡儔大匠揮斤群工固應歛  
 手恨未得追隨杖履惟把讀以當卧遊門年小姪胡  
 德邁敬跋

葛東之張詢安兩孝廉下帷寄園落第南歸詩以

贈行

晨昏揚摧班青樓鍛羽南歸倦北游莫訝唾餘多上第  
 誰憐康了半名流曉星驢背兼程到午夜雞牕兩月留  
 丹液仙翁今不在空傳韻語擅陽秋

拋却金臺十丈塵露鈔雪纂讀書真海瓊梅竹長傳世

善篆隸猶妙海瓊子仲蔚蓬蒿又没人綠蟻澁杯中夜

泛青螺半麓六時伸勒紅曳白群拋紵花樣難同錯紡



綸

剩雨殘陽疊嶂餘諸君暫伴我閒居金閨轉盼通名籍  
天祿逡巡校秘書因爾三場無坦率疲人八股莫荒疎  
看花得意尋常事點額空悲失水魚  
心燈獨照與誰論冷月空堂二子存曩日袋中猶有呂  
同時山外已無孫三人快語披餘緒一夢歸魂醉晚樽  
淚落枕邊冰塊結真愁難寄瘞頽墩

甲戌春暮同學程子香升進都過訪寄園憶程子  
辛酉別子廣陵關署入幕臨汀今十四載矣次

贈四律誌感

泛棹文溪醉謝樓汀郡有謝公樓徘徊花幕傷人遊蠻音憤向

蓮峰習墨浪空翻柘浦流半夜青燈紅淚灑傷又生業師令兄奕

先子弟廣侯之幾莖黑髮白鬚留小山鶴鷺驚相認記別邗

關十四秋

沾衣冷雨細于塵下榻荒園兩意真共學西湖稱畏友  
重遊北道訪陳人算來畏壘經多少罷去名場任屈伸  
乞得閒居長自在蒼顏難認舊巾綸

十年作幕手無餘九曲依然老巷居昔年予同香升讀書杭城九曲巷館

地數易主而香升祖居尚存破篋無錢頻賣字薄田盡棄尚留書甌

閩水碧羈留慣黃白山青眺覽疎香升歸里數年僅一登眺何幸香

林容子我汲泉澗井煮池魚

石瀨泉鳴向客論雲松烟蔦老園存招麾不受君如汲



喜愠全無我媿孫竹閣柅梧巖隙樹松牕斟酌夜深樽  
紅簾畫室無塵事狼籍飛花覆荔墩

春暮過萬安禪院漫賦題壁

浮生暫寄上方樓小憩松寥世外遊露簟半攤巖屋冷  
月瓢斜泛釣湍流蹉跎宦路閒堪補勦襲陳言古不留  
石壁花光呈色想夕陽返照亂松秋  
荒磬敲空世路塵本無雜想我心真淡紅淺紫花嬌客  
嘯雨啼烟鳥伴人海角低垂星眼露風尖橫掃月眉伸  
亞枝葉覆雙林下衫履全拋不戴綸  
盤折千峰暮藹餘松筠伴我此中居長閒度日翻丘索  
晚暮娛心玩畫書豈有詼諧遮老醜聊將矍鑠破狂疎

長思茗上三間屋自劬蘆根煮鱖魚

梵夾齋心獨自論峰迴澗複薜蘿存治書往受濟南伏  
學易長傳東武孫孫虞受易柳影亂穿人跡石星光斜  
拂路行樽平泉久已埋荆棘石礎全移屋後墩

夏午李子南枝訪我京園因下榻焉長安米貴正

不易居促駕入晉幕次四韻贈行

紅榴綠篠半垂樓昂首南天憶舊遊躡屩何緣離故幕  
渡河時復吊清流終年疲病逢君起十日清譚爲我畱  
咫尺皇居甘老懶松門五月冷于秋寄園內有松門

蔓草荒烟滿臉塵長驅驛路喪吾真菰城碧浪容遷客

南枝卜蓮幕青氈剩逸人詩不斷吟隨意寫老猶能健



本國送集 五馬  
放懷伸勞勞何事來燕邸苔雪溪澗失釣綸  
憂患多生識字餘難堪半世寄人居莫羞老幕悲殘客  
且快頽齡解讀書重疊千山鄉夢繞凋零雙鬢故交疎  
家貧遊遠無聊賴待汲西江涸轍魚  
永夜挑燈子細論少年同硯是誰存飲醇不必耽紅友  
衣帛偏空着只孫只孫華言一色衣也羈客離家猶卜築舊賓舍  
笑半停樽藥欄行處披花朵颺叫鼙啼傷嘯墩

秋日山居寫懷

半潭水浸夕陽樓一枕羲唐快臥遊過眼繁華奔電閃  
關心節序斷雲流樂羊得謗書盈篋司馬投閒壁四留  
竹嶼分香無客到靜中花鳥自成秋

奔趨久慣混緇塵讓我無營獨任真蘭蕙香沾雙屐齒  
薜蘿陰翳一閒人名山作主羈懷減古寺分塵客况伸  
發興新詩題滿壁莫翻醉墨污纓綸  
兀坐荒山樂有餘經年風雨閉禪居譚淡白業能甘叙  
眼暗紅燈不廢書始願固奢今漸減初交雖澹老無疎  
津迷祇覺烟波闊敢向綸竿乞活魚  
數杯軟飽且休論栗里人歸菊徑存扶出青藤空谷老  
移來白石鬱林孫山中息影留三載籬外尋花盡一樽  
獨立看雲千百變幾聲雁落菰蘆墩

讀羊山馬長逸高隱手書賦此簡報因懷山間

存諸子



羊山倒影入孤樓幽勝疑從畫裏遊時局不妨朝暮變  
日光倏爾古今流正須客罷連牀語那得公來下榻留  
相國頻徵仍遁跡時明中堂相招入部不赴約搖花蕩月幾經秋

誰惜空花委路塵先生獨得完其真寒山嘯旅譚玄客  
破屋焚香學易人鑽仰自精心力到逢迎久絕眼光伸  
長灘清咽空天瀉蒲葦濛濛把一綸

欵戶幽花弄影餘南陽高臥豈懷居鳥鳴暗換新春舌  
雁落遙投隔歲書少日良朋多寂寞老年豪興漸凋疎  
溪林寺外鐘聲隱手校科蟲自辨魚

斷續溪聲召客論青青山色六朝存傳經豈讓韋長孺  
定樂真同祖孝孫帶雨鋤泥新種竹臨池聽瀑更移樽

桔槔不斷千巖響方外清譚老謝墩

睡起家蓼天過訪寫懷題延虛閣壁

幾許花枝覆臥樓鶯嬌繭老騁春遊桔槔亂轉高山溜  
舴艋斜經空隙流荒榻不懸吾獨睡儉庖無備客頻留  
憑欄月上羣峰白萬恨傷心到處秋

松風靜拭北窗塵舊雨重逢意倍真高樹垂陰遮梵座  
陡巖落石憩遊人柴關久閉喧囂隔竹徑新鋤響籟伸  
殘照含烟天半碧蘆花萬頃把孤綸

浩然物表不求餘冷寂柴扉伴衲居逋叟自甘長晦迹  
醉樵那復問徵書親鄰慣嗇趨承簡嗔愛全忘叫笑疎  
次第牙籤懸鄴架展開殘帙字行魚



欵欵何來座上論精言鑒古屈莊存四時溫飽憐臧獲  
萬石醇龐育子孫雙鳥露栖新種樹同人罄發舊藏樽  
山農翻羨無知識糠覈充饑獨倚墩

喜方石上人過萬安禪居

壁立花深翡翠樓殘鶯喚客及時遊橫溪放鶴菰蘆響  
野艇撈魚苻藻流登眺從心雙屐在守攻了局一杯畱  
呼伴急挈遊山具霧雨疑寒夏亦秋  
半世親知盡陌塵清譚敬爾貌言真偶來小隱南蠻客  
喜對浮僧上古人病後心情猶未減嬾來禮數不須伸  
白頭諫議終難屈七里長懷石瀨綸  
參天松檜漢唐餘雲岫何須僦屋居淨梵有時羅肉食

名僧亦復講儒書百年古樹驚奇崛兩架蒼藤汰冗疎  
吹笛高樓山翠破蒹蒲淡處樂羣魚  
酒癖詩狂總莫論空慚齒髮暮年存萬山采綠猶驅牧  
一老樵青尚負孫邀客同穿新蠟屐招舟共泛遡流樽  
昔時華屋今遊鹿陌上黃雲覆翠墩

汪紫滄設帳棗園農部邸中王宛先遠遊言歸無

日山居寄懷二子

寄傲何妨老一樓太行了了憶曾遊遠山翠嶼烟中沒  
近郭閒雲樹外流獨飲願隨天共醉遲眠翻惱月難畱  
扶風絳帳依然在破硯田耕富有秋

秋潭小水隔纖塵痛飲居然得趣真萬里遠嗟行路客



五更怕念入朝人詩囊適興愁堪遣藥裹關心病不伸  
拙劣自甘長避世欵斜席帽舞輕綸  
定後殘經罷講餘渚烟沙竹亦成居焦心雁足傳來字  
病眼蠅頭耐細書無願自然諸事懶浪遊不覺故山疎  
川光蕩漾鋪羅綺攜得金刀鱠錦魚  
齒牙藉藉聽餘論懶拙難堪愧我存誰向江湖尋散客  
每逢松雪憶王孫有書朗讀鐘鳴夜無事孤斟旅次樽  
何限心思疲八股藏修終不老家墩

春盡山行書感

與爾扶攜共上樓巖凹投足樂偕遊金衣旋舞從空下  
木杓單行不斷流到老終焉慚老到畱春又復怯春畱

柳梢放眼垂青盼舞月籠烟艷艷秋

雜想全刪不受塵虛堂淡月景偏真烟霞許伴安眠客  
書卷能忙古老人高臥三竿醒復醉遊絲百尺裊還伸  
聽松敲竹機關絕懷爾幽思岸野綸

莽蒼荒阜遠眺餘蒿蓬繞徑愛窮居舊山半是經行路  
滿架猶多未讀書寂坐不知時令改枯禪長與堠程疎  
藏頭數載無人識自幸溪溪網漏魚

世情薄劣復何論寥落空巖一我存且摘名花供老眼  
又嘗新果擲頑孫溪林竹曳敲羣玉曲陌茸香簇野樽  
綠暗千山春事謝箕栖穎飲樂蒼墩

山中草廬新成適李南枝赴山右卽寄太原同守



大兄平陽戎府四弟

烟霞新繞最淡樓屏却盤輿不浪遊坐閱水天寒玉結  
行看雲壑浪花流亂山徑絕樵難到斷岸漁歸棹尚留  
爲報晉中兄與弟年來憔悴久悲秋

齋居遠謝市朝塵正樂單棲寂寞真厭聞曾拋持世略  
慎交不近好名人客中築舍良非易廢後還朝那得伸  
老去吾生機已息柴門曳杖岸方綸

荒烟古樹水村餘地僻何須覓隱居海北有鷗縈別夢  
天南無雁寄來書可堪霜鬢垂垂白尚幸塵機漸漸疎  
步履緩歸樵路捷賓僚斷絕樂禽魚

饌具方羅待客論微言不絕此心存對眠峽口聯元白  
長嘯蘇門會阮孫紫陌青衫空有淚黃門白獸久無樽  
身閒已斷清華夢坐擁山雲臥半墩

夏夜坐見一軒偶作

野水浮堦樹架樓藥欄繞徑恣人遊那堪孤月搖青幌  
獨曳輕槎泛碧流樵塢漁村多舊識射堂踟躕不長留

勝國王駙馬舊園今成荒丘

窗明小犬驚花影可耐長天盡作秋

藏書架上半封塵坐守丹爐獨鍊真開口不勞譚世事  
掩門何敢薄今人團團好月窗前白簇簇新葺雨後伸  
茗酒相招方外契河干自分老漁綸

旣飽無求不願餘山人安穩住山居多年息影拋時務  
半夜張燈靜讀書避地長閒空用拙訂交耐久轉成疎



蛙鳴兩部銷三夏鼓吹前除駭鳥魚

數載羈孤詎可論別情歸思不堪存蒼黃陡絕無樵牧  
清白長傳有子孫月轉簾開風掃座泉淡浪靜夜浮樽  
莫驚枕裏聲春撞口外河流隔此墩

寄園荒蕪多載時復修葺為退隱地賦此寫懷

禁漏頻敲小角樓華胥不遠我常遊孤吟澤畔騷聲咽  
旅嘯山巔逸響流每苦從時多俯仰如何避地尚淹留  
年來得遂終焉計桂老莢殘別有秋  
漠漠黃沙戰野塵羈車反得蘊吾真登朝故老誰懷舊  
盈篋新詩不示人斷續蛩吟蟬共咽玲瓏竹舞月同伸  
花姑石丈長相伴巖畔涼雲覆葛綸

此心自足不求餘三徑蕭條五畝居偶爾留賓甘旅食

縱然慣客怕家書我慚築舍年兼月自笑干時拙且疎  
但覺身閒酬應簡呼童酌醴更烹魚

升沉世事豈堪論百喚誰應默默存每到開緘懷老友  
常因執筆憶髻孫寄園扁額大半為拈孫手書一池藻暈晴浮石幾

樹槐烟暮繞樽羃羃松陰塵土隔時人不與我爭墩

甲戌四月十三日讌集江南辛酉同榜于寄園馮

敬南壅以世誼招來陪飲長洲陸澹成肯堂高郵吳紉日世燾

歙縣汪思白薇婁縣姚起陶弘緒上元胡

孟行任輿如臯石半林為崧休寧戴晉生

錫蕃盱眙李竹巖符瑞句容趙孚蒼昌祚

無為謝又石舉安建平王介晉功遜上元

金憲臣鉉泰州王雲孫吳縣呂彥昭戩穀



江陰朱繡夫廷錦宣城梅耦長庚安慶劉

維嘉弘謨貴池章錫九永祚江都高干山天驥

汝諧潛山張繼文彥昭程笠澤崑山朱

丹徒霍恕循乘仁欽縣程笠澤崑山朱

道源緒濂江陰高呂玉璜金壇馮賓谷昕

無錫高仙令洪當塗金蕙崖一蘭太倉王

壇于虞叶舜枚

杏林春色正當樓攬轡看花北闕遊脫穎羣然登宦路

時未第者俱得簡選投簪我未謝時流芸窗摩揣三江隔蒨席招

邀卽午留兩世淵源情不泛由來桂發晚香秋

冠喜新彈手拂塵多年臭味素心真鵬飛閩苑誇羣彥

鼇占瀛洲已數人幾樹鶯殘春事謝一天離緒晚禽伸

漫言策蹇南山去共幸青紺帶半綸

年來閉戶謝交餘正藉同聲慰索居跋涉遠愁風雨路

吁唔重讀古今書一朝新敬先賓僕千日閒愁斂散疎

敝褐高譚家食好不須彈鋏遠歌魚

名場得失總無論漫向山妻問舌存諸子大才堪國士

老夫小草愧門孫江南繡壤千層樹冀北花軒一日樽

猶是當年投轄地笙歌如舊遏雲墩

別吳古逸僧方石獨歸題壁

轟轟松杉高過樓依然舊徑得重遊種花細雨隨風灑

試茗新烟隔竹流近寺擊鐘知客到遠僧托鉢異人留

峰尖劍列回雲碎露砌莎隄獨感秋



湧出清泉垂翠壁花分繡谷結香綸

一茅蓋頂更無餘曉鉢雙槃傍刹居索火快吟王孟句

倚窗熟讀老莊書剛腸久屈孤行怯病骨高撐萬慮疎

重疊波光浮翠閣魚乎忘水水忘魚

廣陵散絕那堪論石室藏書亦不存補缺衛宮憐少子

跨驢覓食訪諸孫白松尚剩經冬翠紅友頻傾過午樽

佳客莫驚林屋遠寒烟咫尺鎖荒墩

散步萬安山麓古逸過譚偶成

曉櫛宵吟客此樓烟嵐淡處縱行遊風帘雲碓臨空壑

畫檻雕軒俯曲流鶴印平沙罨步換蝸旋古壁篆形留

塚碑已作橫橋石莽莽葭蘆浦外秋

匹馬何曾踏市塵從容攬轡得尋真生來素具林泉癖

獨幸長離市井人我豁雙眸難自覩君畱積恨待誰伸

山峰繹絡隨遊騎飛瀑聲喧散萬綸

鄴架分編百軸餘昨宵夢到故園居

當年海陽故里藏書甚富甲寅付之

一炬今積漸構集不及十之三

畢生不厭從吾好累月窮搜著我書

輯時

寄園寄所

耕鑿自矜貧賤貴仰鑽敢與聖賢疎渾河水

漲羣鱗集網得吳淞巨口魚

古今轉盼事難論漢馬秦灰久不存願結蒼髯成勝友

閒看紫櫬長枝孫素餐頓飽常移步殘客頻來亦設樽

苔蘚滿階行徑少蕪菁朱剪沒園墩

雨窗睡起喜于樗鄉汪紫滄訪余山中觸感有賦



疎花粲粲映前樓誰解歡尋古刹遊燕幕飛雲譚往夢

王謝泛海誤至烏衣國國王令謝入飛雲軒蠓堂審雨

送歸謝作札繫燕尾曰誤到華胥夢裏來集新流舊賓別去今猶在新月撩人夜尚畱相見不須

驚我老客愁早掩一蓬秋

狼藉花飛袞袞塵青燈促膝兩君真儉庖瑟縮漸畱客

躑路艱辛怕問人廿載宦情春夢斷崇朝雲氣午山伸

茶鐺池畔枯松燎飯飼魚苗共側綸

蜂蝶分爭午饑餘短籬幽院阮家居廟墻下馬看秦篆

佛牒巡筵釋貝書歲月傷心空荏苒親朋瞥眼半稀疏

碧梧繞檻聲聲雨古調淡彈出浦魚

過去光陰竟莫論參苓服食與長存韜沉慣熟能忘我

句讀分明與課孫

時棟授兩孫受業紫滄

滿院松槐搖碎影隔林

花鳥勸深樽僧廬高臥無朝客戢羽藏鱗老一墩

重過萬安禪寺題小閣

何處丹梯上舊樓頻生野趣縱行遊空天谷響人橫吹

半麓芸香水暗流亂石叢中孤客憇落紅深處一僧畱

微吟薄醉閒居好風月雙清夜夜秋

蕭然半榻久凝塵涉世浮言未必真不事逢迎甘守拙

何緣俯仰漫隨人懸崖瀑白千層落古鼎烟青一縷伸

布帽芒鞋遊幾遍逃名誰復習朝綸

空庭花落獨吟餘野衲忙來慰敝居白拂時麾齋鉢飯

丹龕日誦梵筵書量嫌小戶心先醉足側層巖老不疎



木民送身 五馬  
樂此丘樊無世事頻沾清醑煮河魚  
茫茫遺緒跡難論斷碣蟠螭古篆存偶借冠纓慕楚叔  
誰傳劍器舞公孫出林殘絮堆春日卜夕盤筵叠侑樽  
雨後紅亭新夢破離巢宿鳥隱花墩

蓼莊春興

碧梧翠竹繞晴樓剩有圖書足臥遊春思不隨花片落  
羈心長逐月光流雲嘯泉咽經聲碎徑曲巖深磬響留  
曉起林嵐含夜雨單行顧盼鬢絲秋  
花謝春郊委翠塵藏名野築守吾真身閒不作朱扉夢  
吟穩長聯白社人署壁翟公今昔異賦歸陶令是非伸  
繞門苔蘚氛囂絕濃綠橫枝半壓綸

庭槐布葉晚陰餘風雨經年閉小居竹篋不畱投客刺  
松窗閒寫寄僧書無求援手前程阻久絕同聲後進疎  
宴坐徜徉真適意槐塘舉燭且叉魚  
舊事淒涼不忍論人間譽毀兩無存風姨屢妬枝垂子  
石丈時呼竹抱孫岸柳低眠迎客屐山花簇艷罩春樽  
半空雲幕千峰失樵斧丁丁響近墩

孤吟示及門二三子兼寄諸姪

孤吟直上夕陽樓載酒芭蕉石畔遊叠嶂雲深人獨臥  
空山徑斷水交流蜂聲轉向花房鬧塘影長隨月窟留  
漸老風情殘燭焰傷心莫說故園秋

馬耳雙尖觸市塵何如林臥息機真晚烟深處長埋寺



孤月行時獨戀人，舊事怕君連夜說。虛名畏爾向朝伸，  
年來閉戶交遊絕。久解冠簪任絕綸。

西巖無伴寂寥餘，北道何常不可居。竹屋山深雲幕席，  
芸窗雨打水淋書。金扉翠牖僧留慣，餽粥酸齏客到疎。  
雁向烟霞低處落，臨池響絕食萍魚。

猿鶴空山可與論，秋毫春管得長存。諸賢從我非門客，  
猶子多兒是戶孫。同學數人分入幕，舊遊幾處屢開樽。  
髀生不復思騎馬，曝背茅簷憇獨墩。

新夏程香升夏宛來過從立占四律

愁思難經怯上樓，佐譚以茗快清遊。叢篁旦晚翻新籜，  
峭壁將迎繞舊流。觸石分波舟側過，揮杯輪飲客歡留。

竹孫長作花王伴，坐守吟城可敵秋。

已歸那復走京塵，遠念窮交二子真。薄劣世情難出險，  
紆迴山路僅通人。倚吟久慣雙肩聳，援溺何曾隻手伸。

時宛來為陸施兩生累害求援莫救賦此誌愧過眼繁華如電掣，不堪沐髮冠

新綸

空天寥闊獨吟餘，寂寂孤栖戀野居。有意投閒空縱酒，  
暫時小住亦攜書。精藍久閉偏容懶，佳客新來不厭疎。  
叢竹半添秋徑密，泉香水暖跳溪魚。

公等何來與我論，園居僻寂舊賓存。推敲奕譜爭高手，  
檢校農書課從孫。萬感已多星入鬢，殘宵無幾月浮樽。  
浪遊到處皆名勝，安事西山戀此墩。



木門遺集 五言 頁  
從西山暫返寄園又裕再姪同戴汪二子到天寧

寺迎子塔下

風松響弄管絃樓性嗜登臨敢廢遊塔影空懸人影倒  
凡塔影皆倒人若東行影必西走南北亦然水光不定月光流舍中舊客三  
君至苔上殘碑二代留碑多元明諸先輩題名倭紙攤開磨墨汁  
偶然試筆露垂秋

空庭槐雨淨朝塵乍晤鄉親絮語真薜荔幾尋橫古壁  
烟波萬頃澹勞人青來粉堞峰移徙綠暗紅欄翠引伸  
時駕筍輿遊藥徑仰看半側帽簷綸  
陡閣凌空百尺餘溪行看竹到幽居長慚昨歲吳公薦  
可上當年賈誼書佞佛未宣三藏秘致身敢恕九重

疎還山白首心情懶不愛翻經愛木魚  
蚓蛇雞鶴豈同論物各鍾靈氣並存懸榻忽然來孺子  
造門又復見重孫枝纏窄路花粘屐瀑落巉崖水拂樽  
瓶裏雙蓮堪作供籃輿聊過佛前墩

秋日冒雨到蓼庄有作

籬尖小徑曲通樓我亦凄然感舊遊山雨不停千嶂合  
瀑聲散布百泉流甘心放逐隨時過恣意幽尋到處留  
蘆葉全黃楓半赤香風兩岸正宜秋

日日東華踏軟塵何如局外看山真梗飄久入他州籍

兒景從及孫并俱籍延慶萍聚歡逢故國人砥礪多年心轉細眠餐

無恙氣長伸涼天愁伴婁鏘月爛醉狂歌擲帽綸



清齋熟睡遣懷餘，小榻斜簾對曲居。  
細掃陶籬開捷徑，亂翻鄴架閱殘書。  
客來懶見身差健，事少無營世漸疎。  
水上樓臺疑罨畫，臨池看躍放生魚。

忘憂長對麴生論，雞黍慙勤日過存。  
米芴拜呼新石丈，王輿叅謁老篁孫。  
徹槃鼠子翻詩案，舉燭蛾兒撲酒樽。  
樂此巖林棲大隱，青蘿屋外綠莎墩。

山中得寄園同人暨諸孫札代東却寄

軟履輕衫躡石樓，蔣家一徑許同遊。  
看山絢爛吟鞭裊，題壁淋漓醉墨流。  
歸夢非遙今夜到，還家有約隔年留。  
砌蟲叫徹浴溪路，月靜人孤易感秋。

世事翻新過卽塵，雙開冷眼靜觀真。  
遙呼江畔蘆中士，敢薄淮陰跨下人。  
讀未等身心不死，思常待旦脚頻伸。  
舊知獨喜孤琴好，指撥清聲發妙綸。

淡杯不厭半醺餘，懶向漁人問卜居。  
太史競誇新賜翰，

時上試翰苑諸公各賜御書放臣空貯舊編書，奉勅修漕運鹽法菲

材無用真堪棄，聖澤難邀尚未疎。  
石鼎茶烟畱客好，波光萬叠樂多魚。

繞枕溪聲旦夕論，檀林擁錫舊僧存。  
信其鳴矣猶求友，誰則頷之不辨孫。  
野爨燒殘紅葉火，郊遊挈到赤霞樽。  
吾生此日心機息，看竹思君倚故墩。

夏日山居得家問卒成四律報之

槿籬沙徑水邊樓，匹馬空山縱我遊。  
百片蕉陰分酒綠，



半潭波意漾雲流高峰獨夜長移影曉月孤光不易留  
漫瀉離憂箋楚些涼生几席暑成秋

敲冰三伏絕囂塵酬應全剛意反真高臥對誰譚舊事  
開緘又復問來人流泉石髮披還長夜雨溪毛剪復伸  
竊幸投閒多著作廿年虛負舊簪綸

好鳥關關話雨餘山翁久愛習池居魚罾蟹斲舟中伴  
蟲跡蝸涎壁上書最惜空花無數落不嫌密友近來疎  
藥欄行處披雲朶瓷甕醞香煮筍魚

息肩淡菴絕閒論淡話無多古朴存絺綌自然矜慣習  
茨梁今漸報曾孫山中跋涉將三載松下攀留止一樽  
遍歷長林無棘刺周遭半是綠叢墩

散步寄園適二洪子來別遠憶故友程子非二

長槐細柳傍南樓窄徑紆迴石脊遊聯絡峰巒雲幕罩  
晶熒草樹露光流呼羣雁陣沙頭列隔塢鐘聲水面留  
別酒無多人易醉菰蒲瑟瑟響新秋

橫窗蕉扇綠無塵辭劇安閒樂我真霜鬢粉鬚難老口  
冰心鐵面不凡人盡除酬酢風情澹久謝將迎簡傲伸  
小徑攜筇尋鹿跡幾多芳萼吐鮮綸

倚杖聽泉遣興餘好閒聊以客爲居倦遊懶寄平安字  
遠宦難郵咫尺書良事長思緘口好避人不覺折腰疎  
高眠塞竇聽簷溜今日超然脫網魚

燕麥兔葵無復論舊交永別故墟存負薪南塢誰尋許



許宣 鼓棹西江不識孫孫 最怕風波生末路止空酪酏  
竟淡樽軒前寂寞藤蘿影依舊從容過月墩

于中翰章雲需次九年不調淡以旅食京華爲苦

作寄園雜咏賦懷因次韻奉慰

屢伴詞臣直禁樓迴翔綸閣綴文遊上林旅雁酸嘶去  
內苑宵螢熠耀流去國懷歸甘放逐登朝需次苦淹留  
梧桐花下君來慰相對開牕看碧秋

太息吾冠久委塵近來謝客懶能真青闈碧樹雙吟髻  
玉瑣金坡一舍人我不耐官翻自笑君頻乞米可能伸  
回思徽省編書日屢躡仙班聽紫綸  
家具單車載有餘何堪輦下九移居消愁不斷杯中物

撥悶時翻架上書弄瓦三年嬌女長牽裾十載老親疎  
看人撒網終難結晴浦波搖亦羨魚

軒昂恣爾吐餘論父執多人愧我存甫跨星橋稱女婿  
尚存簪笏進昆孫亂山爭入留雲檻曲水歡浮問月樽  
握筆真能懸指腕截蒲封楮寫池墩

吳古逸過山居手譚賭飲喜而賦此

扶藜載酒躡晴樓步履穿林百匝遊野簌嫩香橫浦漱  
巖杉澗篠俯洪流半生薄宦空撈攬一到名山且滯留  
舊日同年今已盡獨餘白髮嘯高秋

趨市怵怵日望塵何如老懶得全真愁來不肯拋詩卷  
病起依然伴酒人蠟炬高燒紅焰續蕉旗半展綠光伸



三蒼爾雅同時著字統相傳誦戚綸

戚綸宋真宗時定部韻者

寥次秋山眺有餘無錢尚可借僧居汲來井滌移爐爚  
憩就林陰摘葉書去忌固應鉗口好避嫌今已見人疎  
此中幽僻真空隱翠鬣紅髻數沼魚

林鳩幕燕向空論苔滿荒堦客過存對着偶輸聊讓子  
半醺猶健不扶孫籬邊棘蔓纏遊袂池畔荷香沁夜樽  
露冷高梧斜曉月木肥芝秀故山墩

秋日海陽數客過山居譚鄉里事憐予孤寂而不

知予潑厭其鬧也賦此解嘲

霞光四繞擁朱樓我借豪吟幾度遊破剝荒涼破衲住  
亂山磊砢亂泉流僧分一偈竿頭進客躡深巖屐齒留

回首當時騎竹日行年六十又三秋

宦業都成掃去塵指頤高閣看山真市聲雜遝譁巖屋  
蠻語侏僂聒里人魚樂水光潛復躍蛇懸杯影曲還伸  
長憐蝸角爭無已岸憤佯狂舞鸞綸

纍纍柑柿摘霜餘碧嶂清湍繞我居五頃田荒誰荷鍤  
小樓瓦漏孰移書何堪疾首雙眉皺未免傷心兩鬢疎  
石丈臨流無客過群來驚散一河魚

同鄉遠慰互持論積毀難堪骨尚存軟爛分嘗餐腐乳  
修織顧影舞篁孫隨身行李書三篋投老生涯酒一樽  
伯仲分羈頭總白茅廬不辨舊時墩

得端兄家問望予補官甚切非予志也因書山中



近况以報

書角嗚嗚咽雉樓好山今日趁晴遊向僧分榻邀花伴  
移石支鐻接瀑流默繹五經慵句讀坐酣三酒樂停留  
詩情畫意羅清玩蕉葉書殘數幅秋  
粉窗翠幙絕聲塵自樂無營見道真我已甘爲林卧士  
誰堪苦逐宦遊人竹光輕薄隨風散苔意夤緣向石伸  
局外旁觀長袖手敢誇秘閣贊皇綸

半生萬念已灰餘寂寞閒官好隱居藥檢舊囊方屢試  
詩來新伴句重書葭草散影殘將落棠棣分枝老復疎  
一枕閒眠刪世事貪饕憐爾上鈎魚

耳食時人盡目論眼中知已是誰存疎林暑薄過餘子

峭岸波深挈弱孫竊喜墻東堪避世遠勞巖窟更移樽  
藤荒竹暗蒼蒼路粧點山園翠作墩

新秋吳古逸僧方石遠訪共傷毛子香令過其故  
居有感賦此

冒暑山尋憩半樓疲童瘦馬任行遊得時青蘚方延蔓  
出峽洪濤復橫流牕隙自然通野馬塵也籬尖一任舞扶  
留藤也枳門棘巷猶如舊無限清愁葉葉秋

鑑湖一曲久埃塵誰識風流賀季真下榻依然心上客  
時吳古逸僧方石前後到彈琴永別眼中人毛香令善業今作古矣久安僻地

柴關閉樂得高眠布被伸薤盡白頭歸白業旬餘又復  
長霜綸



石爛空山墮落餘我來執筆掃蓬居芸牕半已蛛絲罥

塵榻頻來鳥跡書山縱嵯峨容爾躡泉方壅塞喚僧疎

長思董子傳繁露桐木雕成請雨魚時亢旱山中禱雨

蒼黃舊事對誰論漢闕秦陵幾處存廉吏無慚楊震子

吳古逸高僧不愧遠公孫僧方石轆轤細引田田水瓠瓠遙

盛面面樽共倚蓬牕聽夜雨角巾嘯起卧孤墩

三兒景行下第歸杜門苦讀憐其志勉以詩

細雨孤燈夜午樓空勞負笈上京遊豎儒那得無雙士

小子終慚第一流斗覺科名輕可捨量來文字久能留

莫將英氣消磨盡預葺倉箱卜有秋

八載青袍未洗塵行自削籍後丁卯至今初會試屬文敢以質為真嗟

予莫逐回天諫嘆爾今為落第人刑足堪傷惟有泣囊

錐不脫向誰伸曰歸豈向青山老褐釋何年聽玉綸

殘編手目勘讐餘又返西湖覓故居二子早聯歸去棹

行兒同葛東之張詢安聯棹南歸三旬頃閱寄來書莫愁壯大功名晚

止怕荒蕪學業疎以蠹埋頭尋故紙無鱗無鬣也稱魚

傷心消骨忍重論屈指梧垣疏幾存宦路長喚兄與弟

大兄解餉四弟賁表俱于都門把晤文場空薦子兼孫行兒扶孫鄉會卷分校力薦未售

無心出處雲歸岫轉眼升沉月過樽莫以儒酸空自局

淒風苦雨老湖墩

艷體詩 有序  
于子樗鄉閨詞獨擅其妙謂余林卧遙集無格

林卧遙集



不備而少香奩體偶咏以補其缺然未能作脂粉語掩袖低聲曲盡其態也

羞花無語出粧樓新試鞋尖小院遊雲髻半偏眉月掃玉釵斜墜臉霞流求凰錦字迴文續睡鴨銅爐熾篆留弱不禁風愁獨倚含情歛怨一簾秋

繡閣春融舞艷塵巫山雨斷夢難真傷鸞恨鵠嬌癡態病沈愁潘薄命人玉指初調琴韻合銀簧自炙笛聲伸嫣然笑語歌屏畔閒啣殘絨刺翠綸

枕暈初潮倦繡餘風傳蘭麝繞花居鞦韆怕綰春來索鸚鵡斜窺鏡裏書秋水涵愁青眼歛遠山入黛翠眉疎香心正似芭蕉卷獨倚雕欄白飯魚

蕭閒簾閣獨思論淺笑深顰瘦影存獨珥華裾移錦障雙調織笋操桐孫舞餘羞顛低垂袖曲罷嬌憨淺捧樽綴繡停針愁擁面花陰小語倚香墩

賦得端午臨中夏 唐玄宗句

九疊青蒼繞郡樓秦淮渡口錦帆遊 已未金陵過午節 公投湘

浦天難問我讀騷經淚橫流霞爛一簾頭雪映絲紛五色臂紗留衝波躍浪爭先後水底魚龍夜夜秋

午雨時傾浣艾塵奪標水滸駕龍真江波痛哭婆娑女桡苑空懷蔭暘人山鬼誰爲騷客續湘纍不向直臣伸

莫將競渡當兒戲萬古忠心繫綵綸  
正當中夏日其餘兒女新裝炫陸居主辱未能歸楚璧



冤沉時念絕秦書麥秋梅夏懸星曜細葛香羅熇暑疎  
腸裏靈均魂不死傷心敢食汨羅魚

爭棹江心萬口論懷沙永弔魄長存鷄鳴頓憶田嬰子  
鬻舂歡畱鎮惡孫如許綵絲纏栢枕幾多簫鼓鬧蒲樽  
披襟拂簟迎涼好霖雨時來潤礎墩

每從西山還寄園輒流連數日猿鶴招我又復過

往漫興書示山僧

長戀山棲懶下樓蓬蒿有徑獨行遊嵐浮碧嶂翻新翠  
門鎖青筠繞舊流月缺又圓雲忽蔽花飛終墜色難畱  
驅車壚畔懷嵇阮石上泉聲瀉素秋  
小園萬綠靜埃塵一幅雲林畫逼真竇塞久疎當路伴

遜肥不答式廬人

年來未出門投一刺

山迎曲檻峰皆拱樹壓叢

臺翠未伸午夢難成鴉喚破何堪降用捧新綸

未曉星疎鼓角餘到城又復憶巖居步欄屢躡幽尋屐

梵篆疑翻未讀書卽不向人商出處亦當擇客別親疎

買山有約今能遂此日方爲縱壑魚

好句誰能副昔論聲光盈紙得長存清虛霞舉來烟客

南北宗分授法孫地僻縈蘿圍古屋更深燒燭對殘樽

龍從頓失層雲裹竹榻松寮傍老墩

新秋寄園漫興

老樹橫遮獨倚樓扶藜載酒恣歡遊堂懸巨鑑千花入  
簾隔重欄萬綠流雨織青空鴉翅重雲翻碧浪雁聲畱



自甘迂懶無迎送，不耐人情向背秋。

那有花津隔世塵，耳邊消息聽誰真。青浮綠蕩消茲夏，

水淬山磨老此人。雙屐縱遊無不到，一官再左未堪伸。

赤欄舒腕閒眠起，草草年光禿鬢綸。

退隱林泉學有餘，月張故址作新居。

寄園為勝國月張舊址

墨池

半被長藤蔓粉壁，還期大筆書

胡鹿亭程香升汪采臣時來書壁

皆醉

安知天夢夢獨狂，正樂我疎疎。蒼烟白露繁荆棘，得逐

浮沉樂鳥魚。

蒼黃舊事不堪論，雪縷霜絲禿復存。砌就小山叢桂畔，

移來文石鬱林孫。秋聲瀏亮風樓笛，夜火青熒雨屋樽。

淺水殘籬棲隱好，考槃獨卧碩人墩。

巖居卽事

青帘搖曳夕陽樓，水抱山圍到處遊。枯栢有枝時墮落，

野萍無蒂任漂流。樹傳鳥樂蛩聲和，風舞花姬月姊留。

寬綽雲林容我住，空明綠浦映清秋。

半麓幽棲不受塵，倚松小憩客心真。酸醎以外滋珍味，

枯淡之中得放人。蟬翼淒鳴輕且薄，蛸絲機巧引而伸。

相期露飲蘆汀畔，時釀新菟漉白綸。

竹榻藤牀渴睡餘，翛然物表寄僧居。無消遣處狂呼飲，

不耐煩時默念書。早欲歸田甘老懶，今方學圃戒蕪疎。

偶然習得陶公法，開鑿寬池好種魚。

嗟悲嘆老向誰論，重疊巖巒畫存簾隙。迎歸歡稚子，



僧雛禪誦課童孫長思出處無多夢不問閒忙總一樽  
營我菟裘隨地築幾層花樹密圍墩

山行帶月返萬安禪院醉作

草沒河堤綠暗樓慢亭走馬踏花遊月明古驛星光隱  
漏盡寒牕燭淚流老樹不知何代種舊賓今有幾人留  
歌當斷續悲風起愁絕山陽笛裏秋

敢櫻時網恩勞塵手把殘編味自真入世迂疎難入世  
爲人棄置易爲人白頭樂向青山老紅友狂呼皓月伸  
心緒何堪遭組織冷吟閒咏日抽綸

荒籃偏側兩弓餘暫借浮僧草榻居願卧西巖尋舊隱  
愁來北闕看除書不隨俯仰因人熱一任浮沉樂我疎

清福閒情何易得操綸引起半車魚

年矢世棋都不論東籬黃菊故應存能爲白眼看嵇喜

安得蒼頭薦次孫

李善字次孫

一壑松濤淨梵半林蟬響

關孤樽空山萬疊秋光拭水繞魚莊第幾墩

秋日山居獨酌醉題寺壁卽寄樗鄉紫滄二子

青山萬點半橫樓此日重來理昔遊老力尚堪長甕漑  
歸心已逐小溪流藤蘿蔓路冠爲挂風雨殘燈夢易留  
晚白菜肥供大嚼雙林吹笛早延秋

潯陽谷口早離塵梅鄭長傳兩子真種桺自甘蓮作社  
尋花時見鶴迎人名山繹絡心旌引好句推敲腹稿伸  
客到無魚供晚飯又來橫浦坐投綸



木石齋集 五言  
泥香屐齒落花餘誰伴荒巖丈室居  
醪酎醅千日酒  
草行楷篆八分書  
空天露浣苔衣溼峭岸風饕柳帶疎  
那得篙師扶出水紅裳雙袒識人魚  
長年牢落好誰論  
幾客相邀屢過存  
烏痛分棲將送子  
鶴鳴矯翅欲生孫  
興豪肆意遊千嶂  
量窄驚心酌大樽  
高座放叅僧可語  
月明雁度荻花墩

家蓼天招宿自怡園同吳古逸分賦

古壁紆青碎入樓  
挑包止揀好山遊  
浮沙缺月朦朧上  
出澗清泉散漫流  
辛苦梁春頭不就  
殷勤陶饌鬢難留  
客來不速雙移榻  
斷續啼螿寂歷秋

小閣斜曛舞隙塵  
典墳靜對自清真  
五年久別逢今雨

三日猶香坐此人  
信脚往來心力足  
昂頭顧盼眼光伸  
紅亭半隱青篁裏  
積翠浮藍亂舞綸

甫別華胥夢破餘  
遠來重宿故人居  
孤燈午夜吟新句  
冷雨寒窗讀異書  
遙磬發聲離寺小  
短筇代步躡山疎  
携壺綠壑真堪賞  
嘉味何須丙穴魚

墮茵飄溷兩無論  
感子山行遠慰存  
蒙館聲喧師判弟  
梵宮香積祖傳孫  
載來庾廩非官俸  
釀好醅醪是上樽  
林屋幾層圍寶相  
葦叢枯倒寺前墩

前寄園漫興未盡寂居况味再補四律

竹外清池竹裏樓  
十松三徑獨閒遊  
莫嗟舊友晨星沒  
祇覺新秋夜火流  
閒冷真堪存我拙  
浮沉何用待人留



解衣徒倚超臺上瘦骨蟬輕脫幾秋

石巖焦捲綠天塵冷雨孤燈講肄真藤放青蒼纏古木

鳥分赤白喚家人漾簾槐影層層裊織石茶煙縷縷伸

沾到茅柴難得醉頻登山閣舞花綸

半赭酡顏潦倒餘隔離一犬護柴居苦心不憚高聲讀

老眼無妨大字書向日同官誰復念舊時好友自當疎

小山掃石清泠出水面圍洋看逝魚

長日敲詩自考論吟雖苦甚樂偏存帝京三載紅塵客

祖壠千山白髮孫羶蝕墊塵留老蠹花慳石瘦伴空樽

匡牀塊坐心無着苔路遮籬護一墩

賦得七夕今宵看碧霄

林傑句

有序

甲戌七夕同于樗鄉章雲胡鹿亭朱漢源唐百

谷汪紫滄兒景從孫繼揀繼授飲寄園分賦

織手針穿乞巧樓星房月帳鵲橋遊鏤成花樣瓜堪剖

墜下金梭火已流隔歲重歡愁易別終宵殘夢曉雞留

銀潢清淺誰相問桂嫩香傳早晚秋

波深滄海復揚塵百斛清醪降總真

王方平位為總真真人

組幕

輟機縈別緒吹笙駕鶴謝時人絳河半曙慶雲現弦月

斜光喜鵲伸早起新粧頻拂鏡拋梭懶織剩殘綸

蕭颯涼生祭杼餘娥輪宛轉渡河居巖更向月看新魄

卓午分庭曝舊書綵結花樓衣早挂絲縈蛛合網無疎

羽車扈從西南至鶴蓋翻空馬似魚



木石齋集 五言  
彌年相望各思論駿軛逶迤兩意存霞路奔龍邀月姊  
天梭分錦織雲孫歡逢七夕無分漢笑度雙星有合樽  
歲閏秋遲佳會晚又愁明日隔河墩

春日過蓼莊吳古逸孫大鏞僧方石家蓼天舊友

畢集歡談竟夜乃不知興至而成詩

峭壁浮嵐澹抹樓飛花繞路贈同遊夢魂奔走天人路  
方寸波瀾晝夜流好月行空高盼矚名山作主暫邀留  
縈灘曲瀨迢遙甚春事闌珊意已秋

溼雲半護綠牕塵一髮遙山入眼真早識頭顱非貴骨  
無煩罄控作勞人西家求飽東牀住左手持螯右盞伸  
栗里新歸松下卧軟吹香飯煮菰綸

朋簪詩酒了三餘盍亦從吾汶上居樹影織成無墨畫  
桐絲彈出有聲書小溪淺溜流殘白纖柳低垂舞冗疎  
竊喜官閒忙不到臨深俯濯嘯龍魚

舌敝唇亾且勿論舊遊零落數君存班荆坐地歡求友  
把耒躬耕暇抱孫自笑官卑長戀闕不嫌量窄競呼樽  
紫苞紅萼花遊遍瓦礫堆成繡綺墩

春遊晚返西巖恰遇家蓼天携諸子弟邀古逸大

鏞僧方石來訪一時渾忘主客喜而有作

萬樹春紅壓翠樓騁懷無日不山遊雨絲灑落花梢淚  
泉脉遙來竹徑流僻路頻驚車馬到絕交尚喜友朋留  
沉疴養寂年光逝變我朱顏豈待秋



泉蘿靜寂不凝塵，養拙心甘葆我真。康節自然觀有主，  
林宗何事慟無人。烟嵐斷處山腰瘦，波浪恬餘塔影伸。  
高卧全忘當世事，沙溪烟樹隱漁綸。  
悟道齋心清夜餘，避名最喜遠山居。隋珠還讓銷明草，  
秦火無焚種樹書。津柳鴉藏圍已十路，槐蟲蝕葉全疎。  
有財不負方能施，何處溪翁獻棄魚。  
百年彈指偶推論，漉酒高吟種柳存。蘭玉一庭佳子弟，  
鉢瓶五戒好兒孫。蕉心不展甘成露，竹醉難扶綠拂樽。  
屢枉高軒連夕話，交柯四布蔽層墩。

晚宿自怡園寫懷示蓼天

信手推牕月入樓，青青顧盼迓人遊。驚心夢路還鄉怯，

瞥眼霜花逐鬢流。未向遠公蓮社去，暫隨山簡習池留。  
國恩左降官堪隱，自覺今秋老去秋。  
勲名過眼已灰塵，得道居然芟季真。月過朱欄花列陣，  
風翻綠浪柳牽人。村醪甚醜心先醉，客屐方停首已伸。  
強半光陰銷靜裏，路逢細雨墊巾綸。  
搯頤坦腹朗吟餘，夾徑陰森快獨居。無圃種蕉堪學字，  
有池潑墨好臨書。故鄉屢入羈人夢，過客無驚地主疎。  
繞砌新青香滿屋，叢篁落響散群魚。

別來情緒不堪論，茶舍花扉依舊存。無力提携慚小友，  
有時襁褓弄孩孫。與酣一杖撐危殿，飲滿雙拳鬪巨樽。  
長嘯風傳聲荅瓮，茅齋歸向北山墩。



西巖雨夜偶作

何寺鐘聲度暝樓幾年夏日憶曾遊  
難堪破屋層層漏止覺橫池處處流  
引我入門千佛列送予出谷一僧留  
清湍碧嶂招人隱蓮葉凌霜早悴秋

浪跡猶然未絕塵沉酣趣得酒中真  
荒丘旅嘯長爲客老屋行歌剩有人  
哀壑流聲松籟和妙香繞座梵音伸  
未殘肌骨溪光沁兀傲烟波隱一綸

拍浮足了一生餘冷艷花光繞燕居  
門隔織簾精卜易架堆鏡版勒成書  
韜沉吏隱閒偏好膠漆朋遊近及疎  
橋下流澌翻碎玉洋洋自樂洿池魚

羣蛙一巷縱橫論曲曲茆堂竹樹存  
清德誰爲楊震後

祖風深愧魏徵孫

時偶閱先光祿文水公日記

百家共味歡同井三

載酣眠醉萬樽古木無人翁  
仲倒荒山烟雨滿空墩

山居春步

疊翠層嵐溼曉樓春山春樹促春遊  
花篩小雨香爲薄煙卧荒汀澹不流  
好景催詩閒領取精藍迎客樂延留  
經墟陟麓幽尋慣轉盼重來又五秋

布衣空拂帝京塵琴僕從容笑語真  
時雨頻來蘇病骨好山常願卧羈人  
久無筋力腰難折絕少將迎手懶伸  
留此澄泓孫楚漱不材敢復玷簪綸

遠寺孤鐘隱隱餘西巖巖畔竹林居  
偶同王右軍臨帖恰似東方朔學書  
處世何能無舛錯杜門不復厭迂疎



丹池額點愁流血百丈波深縱大魚  
狂懷何可對人論一飯隨緣鉢不存  
夢路偶然逢骨肉宦遊那得爲兒孫  
山深碎砌催行屐石畔晴光漾旅樽  
複磴空懸攀陟慣草痕將綠上花墩

西巖晏公祠松竹甚茂詩以記之

花竹成行繞小樓山腰青簇載吾遊  
一斑豹采黃靈隱千頃雲濤碧落流  
彼叟支離髯屢舞此君靜古節堅留  
烟扉半麓搖空翠策馬閒行獨嘯秋  
禪宮那得有埃塵棲息無營樂自真  
極浦雲低橫雁字空天野闊小行人  
笋鞭隔路穿墻出松蓋當門向石伸  
蕩漾波紋添夏爽花飛半閣挂殘綸

何堪升斗羨羸餘三伏深巖此好居  
皴染山川橫卷畫淋漓墻壁漏痕書  
紫薇爛漫香徧久朱李陰翳子尚疎  
短屐踏殘莎草路臨溪灣弩射前魚  
炙背南軒把卷論寒榛斷礎殿空存  
玉漿漱練傳仙術花雨繽紛護法孫  
幾樹新陰剛覆座一庭靜影正當樽  
豪吟不覺高懷發遙指青帘賣酒墩

空山久居幾同野衲近村閒行不間風雨喜成四  
律

晨鐘夕唄是何樓山僻無名好處遊  
竹閣垂青遙列岫松門舞鬣近乘流  
犬眠柴泝村童逐錫卓巖巔野衲留  
月隱星光方燦爛荒菴砌冷夜蛩秋



木石遺集 五言  
口酌巖泉骨不塵流來字眼聽難真驟節新雨寒初夏  
久瘖醇醪醉故人金刹千層山翠擁茅廬幾處爨烟伸  
那知綠戰紅酣久抽盡南交萬卉綸  
病瘳春後樂遊餘多感朋簪慰獨居惠敏久迷尋友夢  
康濤已寓絕交書馳驅宦路心無熱長久交情老不疎  
喜有山風來汎掃燒薪煖酒煮塘魚  
殘詩獨向曉叢論近列青蒼曲檻存安得醉吟聯四友  
自然清隱得三孫夸人每發無稽話旋室頻開不速樽  
時伴牧童騎犢醉長風短雨過村墩

寒山空寂過者絕稀代柬招于樗鄉汪紫滄

海雲將雨過園樓蕭槭柴關斷客遊雪浪催冰寒不散

蠟燈凝淚熱還流鳥鳴竹徑心全澹衲出松關月半留  
遲爾相招猿鶴伴斷碑荒草亂山秋

仙家洞壑迫離塵鐵骨支撐意獨真君畏棘荆叢裏路  
我成山水窟中人空簷雨下蛛絲重僻徑沙埋鳥喙伸  
漸覺此生爲客慣從容拂拭舊冠綸

五更鐘響夢殘餘雪屋松牕架樹居巖下藏身同廣廈  
梵音入耳譯奇書蟻浮綺席杯捲數虎嘯荒山負戴疏  
非惠非莊咸有我濠梁携手樂鯨魚

別久空思秉燭論鄉關好友幾人存兩都賦作傳彪子  
六世書藏授扑孫蠟屐盤旋山麓樹盆瓊錯落雨前樽  
何時來遂看山約繞屋寒梅擁雪墩



將返寄園書懷示西巖老衲

孤燈寂照夜深樓夢徑依然得獨遊開到鼠姑花結局  
移來犢角翠交流閒官最喜林泉話真隱何曾市井留  
老衲逢子頻指點蘆蓴歸去正當秋

得道依然隔兩塵身猶是假更誰真何堪潦倒麤疎客  
尚作經營慘澹人理窟書城搖筆破糟丘麴部望帘伸  
自慚今日投簪晚畫省何心耀組綸

京輦長潛獨卧餘枯枝復茂鵲移居梧垣自愧全無補  
棘院空勞五上書

壬辰至甲辰五  
上公車不第

幾載韜沉遷客遠餘

生蹭蹬逐臣疎閒園可樂堪終老水闊能容徑尺魚  
詩囊且共小奚論團舍松陰棐几存酌酒自能驅瘧鬼

編籬正好護雞孫風梳亭角花飛幕雲擁廊腰月入樽  
寂歷紙牕人半醉荳棚瓜蔓接槐墩

夏雨兼旬甘者苦之感而作

鐘響沉澗出暝樓山峰晦没浴豨遊長簷溜瀉高天合  
危閣盆傾四壁流榻眼紙穿多隙漏墻頭泥爛不遮留  
半空老雨垂垂下三夏冰涼已晚秋

苔茵洗淨絕纖塵聽溜堦前與會真蜂息衙中啣蟻穴  
雷鳴天半出蛟人昏黃晝暗山頭失黑白雲聯雨脚伸  
小圃一圍棲犬隱澗澗蒲蕩把微綸

淤泥驅犢蹠無餘廿日霏霖半潦居下溼縈滋三徑草  
苦徹糜爛一牀書有無客到門長閉霧霈聲篩漏不疎



烟罩菰叢迷細路橫池藻荇化新魚

麥粟漂流總不論馬鬃數滴一瓶存雨濡綠葉翻橘子

風散青畦擺稻孫滴瀝急催魴鯽飯淋漓頻速醪醞樽

長空潑墨天無色我亦揚鞭辨石墩早鞭陰石雨鞭陽石

立夏前一日同人寄園送春有用曲牌名于句中

者余嗤其俚漫以詞名備是韻一體

渡江雲鎖最高樓燭影搖紅憶舊遊花發沁園春夢懶

燕歸梁隙暗香流西河白雪催人別南浦陽關引客留

安得東風齊着力柳含烟隔撼庭秋渡江雲燭影搖紅最高樓

舊遊南浦花發沁園春燕歸梁暗香西河撼庭秋白雲

爛醉花陰步月塵紅牕睡起露華真難忘玉女留仙珮

長為桃源憶故人白苧隔簾聽獨惱青衫溼袖恨誰伸

闌干徧繫裙腰草空惜垂絲釣帽綸醉花陰露華步月

聽意難忘青衫溼玉女留仙珮桃源憶故人垂絲釣白苧隔簾

長夢江南二月餘鷓鴣天氣探春居浪淘沙岸風迎笛

月照梨花影弄書過澗歇愁多麗散踏莎行憶少年疎

臨江仙去珠簾捲月棹孤舟懶餌魚夢江南鷓鴣天浪淘沙

憶少年臨江仙過澗歇珠簾捲明月棹孤舟

金門樂世那堪論漫喜遷鶯入塞存長惜瓊花迷女冠

倦尋芳草憶王孫疎簾淡月陽臺路短拍紗牕恨苑樽

莫過秦樓追別怨風中柳絮笛家墩謁金門樂世入塞

惜瓊花女冠子倦尋芳紗牕恨草憶王孫別怨

木下遙集



西巖得兒子從札促入都城感而有賦

聲聲哀柝遠城樓  
濩落多年跌宕遊  
樹擁千峰藏古塔  
川來一柱障狂流  
遠汀漁火深更起  
隔寺鐘聲半塢留  
白鳥廻翔迎過客  
霜繁露重一林秋

草色全青委路塵  
金門索米隱方真  
擔簦北向投京路  
飛錫西來放梵人  
健讀殘編蟲語和  
耐心獨寤雀羅伸  
花溪柳徑蒼蒼去  
我已頽然醉墮綸

槐影深深過午餘  
薜蘿纏裊一茅居  
往還時帶平安字

言動曾隨左右書

予在垣中會侍班載餘

石伴烟霞遊半熟  
客來

巖谷面生疎花茵  
草薦松爲幄赤脚平灘獨鬪魚

半生一夢醒何論  
筆陣詩壇舊壘存  
任達何如嵇叔夜  
引年竊比史祺孫  
翻因客久難旋旆  
每苦愁多屢舉樽  
薜徑幽尋今復別  
殘書剩紙積成墩

夏日寓西巖禪寺戲作拗體

花竹成行羅前樓  
我曾夢寐釣天遊  
雲浪空翻谷川合  
星光倒注河漢流  
百卷殘編古今具  
五更高枕魂夢留  
長灘清咽瀉不斷  
惓惓憾憾隕衰秋

春歸花踐羸蹄塵  
身名幻泡總不真  
羞爲尋常腐爛語  
肯作軟美嘯唳人  
學劍學書已無補  
爲農爲圃誰能伸  
壘壘秋蔓懸石翠  
幾多白黑頭顱綸

素問周易千古餘  
精舍跌蒲苾蒨居  
移情大海發妙操



著作名山藏傳書卧鑪步兵心原慎倚鍛中散意久疎  
曰歸投身潛輦下巖罅迅湍絕遊魚

露臆開胸堪誰論元明殘碑屬蟲存累心都盡謝慶緒  
直道猶行房喬孫良朽蟬斷百年簡闔藏塞博長夜樽  
翻車岸水農事亟薜荔深深盤墻墩

將以補次別西巖深懷猿鳥之愧信筆書示古逸

方石

風吹客夢落岑樓振腕長林正雅遊小水近從巖隙出  
孤雲偏向馬前流月明何事逶迤去柯古翻因曲折留  
細桺叢蒲人獨卧老蒼羞見鬢毛秋  
何妨兀傲避風塵得趣幽然自蘊真高壁藤蘿遮古屋

舊山松桂待歸人不嫌菲饌留僧飲莫怪狂言向客伸

聖主何曾思諫諍小臣長愧更冠綸

高峰吐月蔽虧餘棘壁藤簷抱硯居愧列閒官留散地

時補學正幸除疢疾却方書雨前飛電牀頭爛漏盡殘星屋

角疎我亦臨江思杜孝截筒觸岸寄生魚

近時泉石許誰論苔絕行踪老竹存散秩何妨遊國子  
暮齡又喜見曾孫傳來密意蜂攢蓋引我豪懷蟻泛樽  
未得林中收橡栗胡麻空出小山墩

西巖棲息時與漁父爲伍將入都城觸景依依聊

用寫懷

新築書臺傍剝樓市杭村酒小山遊一僧杖錫投林去



四壁嵐烟倒壑流康節車來羣隸喜鄭莊驛設舊賓留  
多年宦業今何補去燕歸鴻荏苒秋

何堪七尺委泥塵舊夢繁華幻不真山衲一瓢尋酒伴  
烟汀半棹載詩人餘生耕鑿孤臣老飽食蔬鱸逆旅伸  
美爾漁翁無別事一枚園笠半竿綸

不足何堪奉有餘百錢日給下簾居耕耘自課安農事  
點畫全訛改塾書右觸左蠻爭不歇時鷄櫪馬老無疎  
一竿獨向河橋立取樂吾心豈取魚

永夜鐘殘子細論隨身詩草舊囊存誰延高士如徐孺  
安得聖童似長孫歷歷川原還獵騎融融風日掣遊樽  
桃蹊李徑春多少爲惜殘紅掃作墩

余家所藏右軍修禊圖題咏最多汪紫滄作迴文

一詞于帙寄余山中索和余笑曰是增吾林卧

集中一格也搦管應之卽書卷末

墩移暗綠樹翻樓水蘸閒花伴燕遊樽蟻漱芳蘭檻倚  
鐸魚敲夜梵音流孫扶竹杖青錢挂鶴駐雲峰紫駕留  
存我故歡尋日永論春祓禊共吟秋

魚遊數渚遠浮塵曲水香庵寄跡真疎葉細枝花弄影  
密林織語鳥親人書藏舊壁光今古練挂空巖白縮伸  
居此樂尋春事謝餘生半握一竿綸

綸竿一握半生餘謝事春尋樂此居伸縮白巖空挂練  
古今光壁舊藏書人親鳥路織林密影弄花枝細葉疎



真跡寄庵香水曲塵浮遠渚數遊魚

秋吟共禊祓春論永日尋歡故我存留駕紫峰雲駐鶴  
挂錢青杖竹扶孫流音梵夜敲魚鐸倚檻蘭芳漱蟻樽  
遊燕伴花閒蘸水樓翻樹綠暗移墩

秋日方石邀余過西巖新寺高樓大鏞古逸以次

至酒酣縱譚西漢事卽席紀之以詩

興酣隨衲上高樓到處山尋好卽遊稚子灌花時繞檻  
老夫洗藥早臨流埋頭坐雨無迎送縱目看雲失去留  
數載心慵長謝客單牀溜滴黯然秋  
澹風化日絕纖塵心跡均泯等一真可惜庸庸遲暮景  
尚慙碌碌古今人瓜期已過歸無日蔗境難逢老不伸

久脫京華奔走阨飄然雲水握孤綸

星星兩鬢禿無餘還璧何人隔宅居舊館同官誰保值  
空巖一老尚攤書月殘旅路鷄聲亂雲斷秋山鴈影疎  
酒醒茅堂風竹響藻翻流浪看跳魚

偶然尊酒許重論架壑疏丘舊徑存崛起蕭曹由掾屬  
暴興劉項失王孫無嫌僻寺荒涼榻且進行廚淡薄樽  
僧屋參差依亂石芭蕉路冷溼秋墩

寄園秋興有小序

偶欲用藥名備一格每苦古人以同音字相代  
如相思意已淡白紙書難托惹苴白芷失其本  
來未工也戲成四律用藥凡八十二種稍加剪



裁期無痕跡笑示座客曰余非驅使草木聊寫  
胸臆耳諸君試勿視本草一一暗點出各名以  
博一粲何如

天南落雁市門樓泉石逍遙草屋遊錦地白花藤杖滑  
汗衫紫葛蜜香流千年艾秀客無患百兩金兼王不留  
通脫自然忘益智會當歸卧隔山秋

天南星 落雁木 市門土 石逍遙 屋遊  
錦地羅 白花藤 仙人杖 滑石 汗衫  
紫葛 蜜香 千年艾 無患子 百兩金  
王不留行 通脫 自然銅 益智子 當歸 隔山

步峰黃白間紅塵石髓胡麻可降真狗尾狼牙揮鬼督  
龍鬚鹿角待仙人仲思但把長生遂安石何須遠志伸  
欲煉丹砂騎海馬湖山奈戀鰕魚綸

千步峰 黃白 石髓 胡麻 降真  
狗尾 狼牙 鬼督郵 龍鬚 鹿角  
仙人掌 仲思 長生 安石榴 遠志  
丹砂 海馬 山奈 鰕魚

芍藥芙蓉百一餘寄居長傍石松居臙脂獨用金盤浣  
蛭斗懸鈎木筆書雲母露零桐淚滴水精簾淡竹烟疎  
那甘遂我河邊與千里相思恨醉魚

芍藥 芙蓉 太一餘糧 寄居蟲 石松  
臙脂 獨用 紫背金盤 蛭斗 懸鈎  
木筆 雲母 露水 梧桐淚 水精  
簾箔 淡竹 甘遂 河邊木 千里光  
相思子 醉魚草

小兒羣把白頭論柱下車前百部存方解使君呼杜父  
特生巧婦識王孫金莖難遇桃花石甘露聊傾竹葉樽  
燭燼預知防撥火松蘿野菊憶吾墩



小兒群

白頭翁

杜下土

車前

百部

月下與吳古逸孫大鏞酣談舊事不覺達曙四律

記之

譚深夜月白林樓曲岸平  
崗客共遊竹影橫斜三徑繞  
市聲浩蕩五更流及今解事  
吾將老自昔能人爾尚留  
泥滑幽尋愁小立黃花冷笑  
合悲秋

秋清岐路少行塵自煖春芽  
茗味真客自遠來聯宿好  
我能擇善友端人山禽卧看  
蒼雲渡塞雁遙從碧漢伸  
屏去藥囊身轉健層崖側望  
數霞綸  
山鷄數促曉光餘有客遙尋  
老學居豈意頽齡勞道路

何堪久病事詩書多因喜極  
翻添淚自是交淡不厭疎  
窗竹弄秋偏寂歷苔滋綠岸  
好藏魚

舊事今須徹夜論姓名出口  
已心存平反允協方稱子

古逸昔年司賢智凋零復見  
孫造次難炊雲母飯逡巡

李蜀中有聲且盡麴生樽剪  
蔬開甕留嘉客遙路青苹繞  
砌墩

秋暮赴西巖上人之招經過自怡園作

四圍花壓一孤樓約我閒尋  
即勝遊好月頓從松頂出  
清泉遙自石中流雲連古壁  
僧房隱霜滿邊關雁路留  
風雨荒涼重九後客懷怕見  
菊叢秋

羞將白髮染黃塵羨老先生  
古道真寺廢久無延客衲  
山溪應有避名人魚迎逝水  
川光駛馬走斜陽樹影伸



本國遺集 五言  
我已超然時局外荷鋤自采北山綸  
幾多篇什盡焚餘花謝空庭愛瑟居叢桂方開金作粟  
古蕉半展碧留書宦情久冷心偏嬾時髦慵趨老更疎  
屢躡石梁跨捷足泉香水煖跳潛魚  
呵壁呼天對影論舊栽松柏幾株存鸞龍不愧賢兄弟  
蟻蝨長傳世子孫有限浮名餘破楮無邊野興剩殘樽  
閉門熟睡行踪斷抱膝清吟嘯石墩

雨次蓼莊書舍

南面書城擁小樓蕩胸遙對萬峰遊半肩汲水滋庭碧  
長日疏泉接澗流客到翻疑花有約山尋正賴雨相留  
家園萬里愁眉外况值蒹葭白露秋

暖風吹雨浥輕塵懶慢無營意思真何必傷心嗟往事  
且須放眼看新人宦情本熾今方澹筆力隨年老欲伸  
度曲圍棋聊免俗超然世外脫巾綸  
眼放青光一尺餘我能暇食庶安居林中雜憩飛鳴鳥  
架上分編甲乙書于世無求甘老嬾是人不見恕狂疎  
池邊苔徑當窗闢水冷聲清藻翳魚  
雨滴蕉桐葉上論懷人不寐意空存支機遠問君平卜  
醒酒誰還德裕孫松蓋團圞遮午夢檣籬殘缺過鄰樽  
龍嵒頓失層雲裏竹榻花寮傍老墩

初夏山中對月古逸携樽過飲

雲覆蒼苔別有樓尋詩爭向此中遊垂楊飛布千山雪



靈瀑空懸萬古流過眼青峰心欲住  
依人皓魄夜難留  
長林高枕除忙熱石上泉聲帶雨秋

虛亭月上甃無塵雞黍邀賓愛客真  
春老草深沽酒市  
僧歸路響採樵人不朝久負君恩渥  
已退難將吏事伸  
狼藉花飛誰省記叢蒲細柳發新綸

山園步履晚涼餘穿遍松杉到竹居  
竈煮香秔同飽飯  
爐烹苦茗獨傭書蟬鳴不識吾心碎  
樹老渾如我髮疎  
小巷閉門心自遠盤飧簡略止蔬魚

泛梗飄萍不足論偶然訪舊故人存  
受食何處尋仁祖  
齋酒前來醉孝孫好客忘形頻促膝  
寒宵對話又開樽  
灘聲赴壑如相競淡柳書堂傍澗墩

喜茗上朱聞斯漢源來候余山中夜坐述懷

愁思難堪不上樓時時着屐獨閒遊  
高低樹斷嵐光出  
遠近山聯翠浪流招月空巖人愈寂  
迎花小酌客都留  
同來古剎聽經坐一壑終年贖淡秋

暝鼓方終破曉塵歸田有願拂衣真  
遠來半是離鄉客  
住久寧同鷄路入籬菊花開斜徑艷  
山根水擁小灣伸  
班荆揮塵無停屣隨意閒遊白甃綸

茗聲夜沸罷琴餘事事高閒靜者居  
光隱深宵烏渴睡  
蝕殘寸紙蠹攻書山間澹寂容吾傲  
竹舞殷勤怪我疎  
昧且無眠閒步好橫池積水見針魚

桃洞羞將晉魏論仙臺古跡到今存  
疑同訪越三生夢



那問迤秦幾代孫月黑呼伴增蠟炬山寒速客滿瘦樽  
禪門付與僧雛閉籬外梅枝半出墩

秋步

到處層崖樹隱樓過橋時復繞溪遊鵲聲遙嘯投林舞  
魚沫空吞逆浪流木杓橫空招客渡杖藜伴我爲花留  
羈縈北道傷遲暮可是文園病渴秋

菰烟蘆雨淨行塵退谷幽棲意况真康節原非偏霸學  
敏中大是耐官人漁簑樵笠心偏適湘水綿山恨不伸  
寥廓古今慚一我長留網紀繫織綸

石乳初開溜壁餘林煙巖翠帶茅居有家反斷平安信  
無客翻多問候書門杜厭聽人剝啄官閒一任我籠疎

水光日夜浮高屋海岸虛空舞大魚  
與世相疎勿復論半生豪氣已無存怒啼且止鳩呼婦  
時夜而鳴鶴弄孫口訥不譚天下事飲酣未罄手中樽  
百年忽過留喬木草蔓烟荒弔廢墩

見心軒偕汪紫滄雨窗語懷

蒼蒼煙樹抗高樓慰我孤踪共爾遊倚閣無言僧看雨  
隔溪落影樹臨流生來竟被因循誤老去何堪苟且留  
腸底車輪昏且轉一天雲鎖兩眉秋

硬雨衝來破軟塵新聲聒耳瀉天真繁雲遮斷漁樵路  
老驥酸嘶飼秣人旅嘯長羈團聚少童心到老笑嚶伸  
我生宦拙無干進散髮多時不上綸



自識頽齡逝水餘長逃世網樂窮居高眠省事藏子拙  
小病長閒撰我書詩莫浪傳心自得學猶時習老無疎  
醉琴正復逢陶縱野服何須更佩魚

徹夜挑燈痛快論風簾雨幕共溫存寒蔬列案食雲子  
修竹穿籬長稗孫官罷偶然來舊客廚荒幸勿笑空樽  
山居自得棲遲樂且上荒榛望六墩

將赴蓼莊李南枝于樗鄉汪紫滄送余右安門外

留宿增壽寺賦

峰青斜繞小松樓細草幽花郭外遊水鏡倒懸天地合  
音城坐擁古今流聯吟正賴三君在不飲空教半夜留  
星尾拂筵除世慮閒庭泉石四時秋

心源早已淨煩塵靜悟勲名總不真獨得何心于適俗  
孤棲無念以干人山迴水復千村繞鳥道蛇盤匹馬伸  
世態炎涼春復夏長憐花謝對殘綸

石卧空山積蘚餘數年間寂樂幽居桓榮致力誇稽古  
賈誼傷心哭上書一別頓驚鬚鬢改重來遠憶歲時疎  
我曾撒網紅橋上朝服懷歸大小魚

家鄉往事共君論剩得耆英幾個存壯歲未曾勤教子  
暮年何幸屢添孫催詩纔罷商閒事縱博無眠進夜樽  
次第山遊寧草草驂騶直繫舊籬墩

喜方石上人過訪萬安禪院

巖居同住一孤樓枉駕曾爲古寺遊大塊雨從何處落



小山水向此中流亂過社鼓兒童走痛飲村醪父老留  
客鬢成絲垂幾縷詩情冷瘦各吟秋

風清竹塢淨無塵終歲怡然樂我真敢薄僧非天下士  
可知佛亦世間人蒼波石觸鷗盟解碧漢雲歸雁字伸  
何意惠休來問訊科頭不復戴冠綸

雪纂霜鈔夜半餘殘鐘靜夜度僧居嫗來授我懷中策  
客到投予袖裏書默讀無聲心靜寂思歸不寐夢稀疎  
出山又怕人多忌頻淪魂驚避網魚

揮殘老淚可堪論過去繁華瞬不存巖桂鬪芬移月種  
嶧桐破老長枝孫陳人不復諳時務小戶何堪舉大樽  
溝壑廢臣收汲孺灰心嗚咽別巖墩

客有詢余西山勝槩者詩以答之

層巖羅列拜僧樓日落空山一騎遊翠擁青攢分遠岫  
石言花笑引纖流鴉歸古木殘聲咽蘚護豐碑舊蹟留  
茶熟呼仔拋野火虛堂過雨夜深秋

迎旭清芳未觸塵西巖風土記須真窮猿絕巘宵啼月  
饑虎荒郊晝啞人縹緲烟深林半裊喧厯雨後枕前伸  
小山不復樓中隱草綠前除結翠綸

燈燼譚經夜漏餘精藍遠傍碧巔居蛩聲響徹花間砌  
螢火光浮帳裏書自喜老慵家累減那愁客謝世情疎  
羈鰥久入僧禪定緇衲深龕繫木魚

棘端楮葉巧無論留此清光我獨存蕉鹿驚殘猶是夢



籜龍突長又生孫何須泛愛歡投轄時復孤吟罷舉樽  
石路蹉峩疲老驥萬峰近隔寺門墩

小春見心軒卽事

題詩獨上舊時樓野戍荒郵縱我遊古壁雲深斜岸出  
橫溪水漲落樵流小春十月兼寒燠老衲千峰任去留  
屢夢鄉園歸未得黃蘆紫葦一天秋

嚴霜夜洗太虛塵勿事馳驅喪我真禮數難拘方外士  
繁華已醒夢中人自甘隱遯何須出幸免沉埋敢望伸  
鏤骨酸辛空灑淚殘燈煜煜吐寒綸

驛路霜深脫木餘何堪鬱鬱久離居荒山舊衲三更磬  
古寺羈人半夜書豈有詼諧遮老醜聊將矍鑠破孤疎

葉吟花舞清光泛碧水潛波躍巨魚

寂寥旅况復何論過眼榮衰不足存兼善由身而及國  
一經授子又傳孫白茅細裹三冬竹綠蟻初浮半夜樽  
短策長隨山翠溼尚憐石丈卧烟墩

春日蓼莊漫興

萬樹排青更有樓三三五五榼壺遊聯吟旋刻林間竹  
分茗新烹洞底流梁上燕來知社近籬中花發喜春留  
清溪直瀉奔寒玉蘿壑凝光冷欲秋

心空那復染緇塵自喜天機爛熳真身退已無簪組念  
書來猶憶薜蘿人貌非我舊童心在文亦吾猶老氣伸  
茅舍水田村落外芹齋半帶紫芽綸



路隔皇畿四舍餘雖然旅食亦家居醒來靜理還鄉夢  
客久愁郵憶別書竊幸半生無踏蹬尚存三徑不蕪疎  
空山鳥奏傳琴筑石瀨圓波息躍魚

吾衰甚矣夢中論結習難忘筆硯存帳設經傳高弟子  
哺含飴弄小嬌孫山行莫騁遊春馬客到時開泛月樽  
散秩久無人束縛自穿蘿徑憩松墩

遙哭故友程非二 名守號蝕庵歛人

傷心赴召玉為樓時念黃峰癸丑遊遺集全編誰劖劖  
一棺數載尚飄流偶披畫像長相見 戊戌謝文侯寫予  
兩人觀瀑黃山圖  
久絕人琴永不留老淚傾來檐溜瀉可憐泉路隔千秋  
音容化作北邙塵冷落幽情子獨真剩有殘旌題處士

慚無故劍贈亾人吟魂響絕聲猶咽燐火光搖焰不伸

話別慇懃勤懷漸石 予巳未冬服闋  
非二送予歛浦烟波難覓舊竿綸

半熟黃梁一夢餘老兄遺蛻竟焉居訃聞誰檢囊中草  
音絕長懷別後書莫悲少日功名薄止恨頽齡會晤疎

記得維舟長夜話月中粉版看跳魚

懸河有口聽高論白雪聯吟止我存 甲午新安白雪樓  
社集廿六人屈指

僅留一我  
可嘆也仆碣未磨全點畫荒墳可拜好兒孫留賓剪

韭譚陳話為母烹鷄續夜樽長憶當年多著作筆尖退  
落瘞成墩

秋山閒行經毛子香令聯吟處有懷作

栢瘦松疎簇梵樓一肩輿坐亂山遊殘籬不補花光漏



老樹翻空月亮流，泉落空巖高樹響。我來破刹舊僧留，  
鹿門先輩人何在？簪笏羈縻負此秋。

洗盡凡間入骨塵，何曾一日少清真。浪遊到處增詩料，  
酣飲羣然中聖人。翠巘埋名行躅斷，青山終老宿緣伸。  
同披袖褶眠墟次，我復陶然不戴綸。

荒園砌冷斷蛩餘，雲石蕭然小築居。半歷楓天兼棗地，  
頻看嵐字帶煙書。我甘遠遯抽身早，爾竟長睽見面疎。  
鄉井到今稱孝行，截筒塞草遠投魚。

朋斜丁屈總無論，嘆汝風流忽不存。慮患孤臣悲孽子，

心傷大父撫支孫。香令遺腹又傷乃祖撫養族子山垂素練飛晴瀑，梅

簇寒香撲野樽。別墅西巖誰葺理，刪書退筆壑峰墩。

寄居山舍接友札，促余至都且詰以蓼莊風景者

書以荅之并示古逸

處處雲峰面面樓，喜無一事泛觴遊。煙迷錦嶼埋叢薄，  
水漲瓊巖洩急流。菱荇溪中孤棹響，蒹葭影裏老漁留。  
林鳩石燕蒼蒼路，徙倚斜陽萬壘秋。

林間着屐藉花塵，肴核鮮新見意真。絲竹娛心留散客，  
雞豚賽飲鬧鄉人。亦吟亦醉閑中得，無恨無愁靜裏伸。  
水磴聲喧風細細，魚遊正樂忽驚綸。

茅屋何堪雨溜餘，入山便爾樂山居。增予鄉思三更月，  
破我羈愁一卷書。嘔出丹心知已少，禿殘白髮感恩疎。  
浮踪是處身堪寄，半壑猶藏徑尺魚。



松侯楮國總無論舊侶無多幾箇存訪道尊儒時選佛  
扶親抱子又携孫嬾從坦路爭馳轂不向中衢浪置樽  
廢禩驅牛沮沒蹠古墻積礫久平墩

冬日見心軒偶示同遊

四圍山氣遠浮樓彷彿湘靈汗漫遊燈結空花寒焰吐  
茶翻綠浪沸聲流殘年愈覺冬餘促長夜應當雪後留  
眼屢揩摩光不減迅哉一瞬已千秋

誰掃寒窗蔽榻塵營營萬慮泊吾真息爐久絕燒鉛客  
攬轡誰爲贈策人面北多年頭九叩指南此日說重伸  
我來尚復潛京輦獨醉高吟呷白綸

重論舊話到更餘好月孤臨且露居冬入畫圖留老樹

雪消爐火潤殘書重燃不復因人熱遠害何妨結客疎

登眺幸無虛古蹟九虹橋畔好觀魚

臨淮濠梁莊  
子觀魚處

從古傳來有定論千年青史是非存不須壽解婆娑石  
早已寒消捨剎孫啓沃長睽心上事醅醕且盡眼前樽  
漁榔夜和孤僧磬潑柵閒眠擁寺墩

同方石訪古逸山居

適然携榼就君樓一路垂鞭信馬遊作勢推敲詩已就  
不分清濁飲如流吹笳向曉圍初解弄笛淩宵月正留  
客子孤懷難在夜柳蒲柔脆可禁秋

落筆何曾一點塵果能味道自棲真亂山到處無常寓  
古寺行來止兩人吟苦廿年詩思老心安多日病懷伸



暮齡抱僻甘丘壑再到漁灣整釣綸

澗更小雨局殘餘坐隱何人共閣居我苦澗文秦不炬

夢探秘穴禹留書干之非分情難遣好以無尤數反疎

隔岸流光傳夜燐時臨濁水網渾魚

午夜敲詩酌茗論仙靈羽化跡還存四遊遍歷江河海

三世全交祖子孫行徑是僧猶帶髮到門非客亦呼樽

隔溪霜葉堆成錦龍虎豐碑卧繡墩

秋日西巖僧舍讀毛子行九新詩每句俱疊二字

或再用疊字因廣其體一句三用疊字極所至

由二四五叠至叠十二字為一句戲幻所致何

妨為變體詩中另存一格

轟轟岩岩爽爽樓行行處處浪遊遊山山澹澹溶溶岫

壑壑濺濺曲曲流燕燕喃喃還悵悵花花款款且留留

融融洩洩醕醕醉灑灑瀟瀟度度秋

秋秋秋色冷秋塵閑日閑閑閑味真夜夜夜深看夜月

山山山外訪山人亭亭松蓋亭亭立孃孃楊枝孃孃伸

灘外灘灘灘更遠朝朝朝起把朝綸

朝朝暮暮日光餘小小禪齋小小居着着着棋先着着

書書書法學書書家家稼滿家家樂木木枝刪木木疎

最笑行行杭行平行去術敲魚魚歌鮮魚魚

囂囂多口謾啞論十三磊磊岩根碣石存九雷軸轟轟

催電女七車機絲戀戀織雲絲八熒熒螢火侵簾幕九森



森冰紋照酒樽七林木森森圍我榻十澆澆香澗遶墻墩十二

詩以言志無事逞奇尚已顧叠律至千如構萬畝之宮一味平蕪曠野豈若繼幽鑿險踏日穿雲女媧有補天手何妨煉五色石也每體四律離奇燦爛俱極自然亦見年伯天才橫溢無所不可之意若謂不可無一不可有二斯則信然婁東年眷姪唐孫華拜跋宛來夏徵君駟子三十年好友也逝于茗上寄詩

哭之以當一奠

徂春話別瓠青樓入幕蕪關羨壯遊沈子長垣推屢向人誇真作手那知天召舊名流蓋棺雪水殘編佚題壁

交山故筆畱江岸俶裝旋梓里風頽裘禿馬秋秋

劍懸牀壁剗縹塵宛來客交城終年鑄一劍晝夜携之意思深長面目真

久苦生為行客子今知死是息機人徵君玉陛君先棄

貢士金臺士不伸壁隙風攢燈影閃魂來依舊听儒綸

半世行囊那得餘茗溪茅屋老村居剛成疊韻先摘序

子林卧初唱宛來作序未別多時屢寄書六十二年春夢破三千

餘里舊交疎泣君不忍深更睡哀誅南郵作雁魚

老淚揮殘不復論先生傲骨可長存行吟淚灑投江屈

作賦聲傳擲地孫誰與推敲商筆硯料難嘯咏對罍樽

彭鏗何術頽齡駐幽輜斜啣落照墩

李南枝汪紫滄訪余山庵雨夜觀先東山公墨跡



及先祖父題跋慨然有作

幽棲旬日幾登樓訪舊還來踐舊遊苦咏多時心蕊發  
耽書永夜眼花流漏痕釵脚千秋在金篆銀鈎一卷留  
瀑布聲飛喧不寂群山落響競高秋

潑墨空書掃壁塵孤燈夜雨認來真乍開細擬當年筆  
重見翻疑未面人點畫傳神心跡露鋒鋞透紙墨光伸  
換鵝濡髮尋常事想到先公側帽綸

氣靜神虛慧有餘由來搦管度閒居數傳裝軸同珪璧  
兩客探囊炫畫書正恐文高滋俗妬多因墨妙入時疎  
石呈鬼怪疑相攫萬仞溪深細數魚

莫將名蹟等閒論百世家聲一目存草隸真行兼篆籀

高曾祖父及兒孫

抄換兩孫稱  
齡能書大字

歡呼野饌烹山蕨急買

香醪泛水樽環坐更深渾不倦都忘階溜接鄰墩

春雨喜吳古逸金大鏞過訪見一軒

村烟點點半橫樓濟勝依稀紀夢遊白日忽經新雨暗  
渾河乍見濁濤流山館野蕪隨時辨戲蝶奔蜂愛客留  
一杖千峰雙屐響春林寒逼晚風秋

風吹暗雨雨如塵無恙青山對我真松戶雲埋藏逸客  
柴門茗煖候騷人老僧說法花容笑高座譚玄塵尾伸  
胸次清幽洵洗盡廉纖催長紫芽綸

驚心花落惜春餘名利長留我輩居勘閱空勞懲舊事  
編摩無益釋前書雲遮僻谷逃喧濁竹舞空庭伴散疎



漫笑禪棲甘冷寂碧池新浪趁嬉魚  
功名早已付時論籬蕩當門小築存久擲官書忘耗日  
雙鈎閣帖課蒙孫雲嵐半壑同千古客主三人共一樽  
行跡稀疏苔蘚滿可堪白首卧茅墩

蓼莊閑步與同人賦懷

鄉心正爾怯高樓綠樹丹崖放眼遊芝草叢生青澗合  
櫻桃初噉紫漿流老妻長念牛衣泣名士誰來馬廐留  
翠柏陰森分硯席蜀葵冉冉隔簾秋  
掃盡群山屐底塵盱衡妙語發天真老年屈指經過事  
要路平心後起人折葉浮沉歸夢好行窩安樂小車伸  
細蘩亂荇輕漚沫釣艇呶啞放晚綸

山花瑟瑟小紅餘笑指雲莊是舊居昔日蘭臺曾抗疏  
今朝璧水未觀書料來學圃心無用算到窺園計已疎  
積雨新晴湖面濶尚堪爲客薦嘉魚  
長披短髮共君論坐老空牕木榻存不及其愚推武子  
克繩厥祖敬文孫碧欄獨倚留殘照紅友相傾有剩樽  
好鳥未歸山漸暝花溪竹筍繞斜墩

初秋同方石分韻

誰倩雲烟結屨樓幽尋每共老僧遊百端交集情何已  
一往孤吟淚易流名路乍拋叢桂引宦途已倦好峰留  
空山殊響俱清越梧葉蟬聲早作秋

佛龕屢掃不凝塵禪話無多澹愈真靜操桐孫移鬼骨



頻呼石丈拜顛人雲隨半麓叢林落月自空山下界伸  
寶座拈花供一笑迎風香篆散烟綸

吟苦都從血淚餘蕭然瓢笠伴巖居老猶甚健難忘酒  
閒若真忙不廢書樹密樵歸全杳渺山荒客到半稀疏  
蒲團長日同支許身是前僧愛木魚

祖意西來難具論荒山剝壞舊鐘存袈裟愛結科頭客  
拄杖看傳削髮孫枯柳低垂斜岸屋孤蓬橫曳小山樽  
傷心舊跡淪榛莽無數流萍夾水墩

歲暮蹙返寄園與同人飲菴青閣迴憶舊客四座  
頓殊呵凍成詩略誌時序之感

爲看西巖構小樓懶陪冠蓋帝京遊客分聚散星爭沒

事恨消磨水迅流翻覆人情雙鬢改蹉跎宦路廿年留  
吳雲越樹殘陽下一笛橫吹萬頃秋

齋居無念息勞塵多謝諸公厚道真晉魏世間難覓子  
羲皇枕上豈無人荒涼蘇郭田難買寂寞原門席不伸  
終老京園無捷徑今朝安事客紛綸

日邊老屋數間餘萬疊雲烟繞獨居乳潑新茶翻綠玉  
光摩老眼閱丹書偶然興到譚方劇竊幸朋來樂未疎  
林角縱然雙闕近安能逐隊作遊魚

爐圍畫閣聽餘論隔歲同人止兩存史笥經箱師訓弟  
越清杭劇祖傳孫客來竟以牀爲座興到何妨石作樽  
汲路近窺籬落外紅橋緩渡綠溪墩



宛先王孝廉自晉中携姬赴燕邸值大雪單車出  
關以錫山圖索句知不忘故里也詩以贈別

巖突瓊沙亂撲樓又携閨秀遠陪遊囊書乞米心旌曳  
騷筆填詞淚墨流慧水無家招爾住乳峰有婦盼君留

宛先久  
賚關東霜橋曉渡輪蹄滑白草黃雲出塞秋

斜陽馬首疾驅塵幾度羈棲對我真愁絕五更風雪候  
夢回萬里別離人攢眉問舌情難遣別足傷心鬱不伸  
賴有香閨雙婦艷畫眉粧次理文綸

醫閭占籍十年餘辟地誅茅拚久居淚落暗傷南北路  
車單難載古今書懸知獨學文心苦祇嘆同人笑面疎  
喜我廚牀隨地設重來小邸不歌魚

甲戌仲冬十二夜借熊司空從長新店乘月抵良  
鄉醉飲旅邸題壁

荒天哀角下星樓兩兩肩輿趁月遊冷面冰皴穿古驛  
吟鬣霜綴踏寒流弄丸技巧公安拙過界塵趨我暫留  
易水餘悲聲變羽禿殘老樹幾多秋

四望光天淨戍塵憂虞共歷久彌真同行分卧長新店  
對面吞聲兩舊人三載羈縻虛此薦子同熊公以靳河  
督遺疏薦白侯補

六年屈抑盼誰伸側身當日青蠅滿豈料循環有轉綸  
坎風釀雪斂寒餘絮絮長譚野店居諫匪久拋原給事  
征僑閒卧舊尚書未推我轂綏空挽已盍子簪髮不疎  
破驛貧廚甘澹薄慚無兼味薦水魚

升沉往事兩心論眼下清光爾我存預訂花源娛末路



對譚梓里數雛孫停驂且飽當墟飯破凍聊傾隔夜樽  
踏盡冰霜新旭出淺灘古岸擁蘆墩

次和恒夫給諫月夜旅吟題壁四律

南州熊一瀟稿

舊雨情淡趙倚樓南行勘閱慨同遊月明荒落層雲  
散雁渡乾河暗影流風雪後經絲鬢改冰霜各抱寸  
心留雙輿破凍傳清響轉覺清光勝九秋  
同心不隔別離塵重渡桑乾兩意真草店漫愁迴舊  
夢米輪偏愛照陳人誰鞭烏兔成今昔却笑龍蛇任  
屈伸才大如公天海濶雲雷原自卜經綸  
寒冬過半歲之餘促膝渾忘逆旅居對酒便拚千日  
醉披襟不美十年書焚餘賈疏心猶壯病後稽狂性  
更疎最美仙源塵俗斷當前飛躍自為魚鮪賦別  
傷心舊緒那堪論雪後松筠喜並存杜老苦吟當諫  
諍齏蘇軾韻龐公真隱庇兒孫山廚易飽同圍火譙  
漏頻催更舉樽乘興不須頻蠟屐藍輿屢過半山墩  
司空熊公久卧輦下家給諫迹西巖蓼庄間雖需次同而相見疎冬餘  
適有固節之行月夜聯吟俯仰舊事感慨係之何地無月何月無景閑冷  
如兩君子坡仙後又添一詩話矣至八律之筆力豪宕無一懈句無一索  
字氣骨高妙有目共見予何贅為仙湖趙士麟玉峰拜跋

鄉路心歸許細論梁溪烟雨畫圖存草廬未得依丘壠  
麥飯何年獻子孫立馬看山千萬疊停車買醉兩三樽  
遙知踏雪扶紅袖緩步低鬟怯過墩

久住蓼莊不到西巖者數月重過見一軒感賦

門巷蕭疎舊草樓好山都是昔時遊親朋大半搏沙散  
歲月何堪逝水流敝舌猶存將有待孤身未死不虛留  
蒼顏自顧皤然老夢冷蘆花隔水秋

玉泉飛瀑洗空塵一入名山面目真歸步每忘行去路  
宦遊時念過來人蟬嘶高樹聲猶咽雁拍橫波翅不伸  
種菜澆畦閒裏鬧尚留秋水待垂綸

雙鬢無多半白餘非鄉亦復慣羈居時耽一枕遊仙夢



長伴孤龕念佛書家食自甘官位屈林棲敢說宦情疎  
叢榛蒙密河干覆古穴空空伏老魚

頻揮麈尾聽玄論僧壁留題手筆存燁燁星懸真淨友  
森森玉立老篁孫鞋穿不必鳩爲杖瓢挂何須瓠作樽  
樸邀山居無禮數扶筇不于度前墩

返寄園暇日命圃丁芟補花木偶作

小小池塘曲曲樓橐駝聊喜伴孤遊一天驟雨蘇繁卉  
四壁飛湍滙濁流南國花開休憶念西山眼到便登留  
晚紅遠照棠梨白未暑迎風作素秋

耳目長年絕坐塵我疎且懶得其真盤根髯叟無今態  
解意麴生是可人雙硯推敲緇髮白一瓢飲餽曲肱伸

烟扉半麓搖空翠昂首高天岸葛綸

山谷廻紆緩步餘共披荆棘剪茅居松門竟日編詩史  
柳篔何年草諫書漫掃殘紅遮徑曲好栽新綠補籬疎  
小園方闢慚充隱雖過濠梁不羨魚

江毫染墨據牀論得爾來時稍慰存植得嬌娥牡丹陪艷

友芍藥移來竹穉伴桐孫無聲細雨牽離夢數架垂絲繞  
午樽門杜全無車騎到馬薪叢雜久埋墩

棲跡西巖有以次補來告者答以四作

天外峰青競到樓忘年灑落得優遊何勞鳥語呼殘夢  
肯逐螢光照橫流左掖皂囊曾審諤東廳蒼玉漫淹留  
尺書恐促衰容老木脫空山雁影秋



廣陌輪蹄蹴冷塵素心靜對久彌真偶然薄醉能驅悶  
縱是微官亦縛人老至自傷牙齒落棲早安與羽毛伸  
幸而清興閒中得薄靄輕霏隱釣綸  
蓐食長陂荷篠餘好山環繞水雲居馬蹄困敝鳴虞坂  
牛角灣環挂漢書客與方濃譚逾穆宦情本少計原疎  
由來體放無牽掣離檻窮猿脫餌魚  
多年艱苦向誰論傲骨何妨晚暮存敢斥爲卿羞子弟  
實慚干祿競兒孫山鄉拚結雞豚社野祭頻傾瓦甒樽  
官不我拘真自在月鈞高挂釣魚墩

甲戌除夕同李南枝于樗鄉王宛先傅巖朱漢源  
汪紫滄張銓侯玉侯潘若干侯來英唐百谷蔣

鄭賢兒景從孫繼揀繼搢繼授守歲

盤巖雪壓白浮樓年比修鱗赴壑遊老去漸看兒女大  
夜分潛惜歲時流團團傳坐拈先飲煇爍消寒徹旦畱  
眼盼春來風不冷如何風冷甚於秋

看掃虹梁匝歲塵梅開雪後益清真三更早鬧新年鼓  
雙燭平看兩載人酒聖驅魔長索舞吟魂候祭小筵伸  
磨礱到此今方暇那復宵征露溼綸

廣座燿光飲福餘異鄉雖客亦家居忙懸立壁新符篆  
盡擲馳年舊曆書過客莫嫌投轄晚時流竊喜到門疎  
丹砂煉就無輕食魚鱉水廚更鱸魚

鄉心幾處罄宵論家問紛來做篋存石鼓金臺庚歷甲



子庚午赴都 錢塘鐵甕子携孫時大兒道敬移寓京漫今五載矣 口三兒景行家於杭漫  
唾老色粘蓬鬢尚剩年光簇雪樽峭嶒燃薪天半白歡  
迎陽艷拜雲墩

乙亥元旦

羞簪花勝上春樓折向松坡踏凍遊對面叢峰迎雪舞  
試衣穉子愜年流放鳩屋角盤旋去浮蟻鬬心激灑留  
卷舌畏人添一懶雙眸冷判作陽秋  
快耳聲聲恩市塵我無時忌素心真賜醅未與元正席  
響爆空驚昨夜人梅艷粧從花窖出菜辛煖自地爐伸  
紛紛世路誇裘馬僻地剛容岸醉綸  
橫氈列坐劇譚餘微暖潛薰軟客居重疊杯盤霑婦孺

往來簫鼓罷詩書左遷莫怪趨朝嬾反刺休尤賀節疎  
銘柏無人來奪席何心希指賜袍魚  
傳生酒遁向天論無替家聲二獻存叻爽鳴珂趨仲子  
趨明執勺舞三孫羣瞻凍雪鎔鴛瓦獨擁寒爐隔獸樽  
自顧霜巔私祝絕任人桃梗疊成墩

上元前五日招李梅崖基和姚陟山淳熹楊令鴻  
懋緒吳北海元萊四大叅飲寄園吳公未到

青峰轟轟拱霜樓車騎無譁過我遊巘雪光迎霞路舞  
地雷響逐日輪流水厨甚儉慚為主蠟屐將歸挽復留  
梅崖陟山將別因永晝可無嫌冷寂周遭小築四時秋  
令鴻後到又合飲塵海藏身獨絕塵遣情塵外逸心真九關合掣雙分權



庚申冬梅崖差臨清一榜齊年兩剩人辛卯浙榜留都者止陟山及子

蛄岬空瞻頻遠陟還令鴻服關補龍蛇暫蝥已同伸新彈又

得歡連茹何暇煙津理罟綸

曲檻斜陽客醉餘喜扳梅萼話茅居我愁未遣驅之酒

君癖難醫藥以書梅崖藏書甚富幾任外臺猶久候三方老伴

敢相疎燭圍初夜喧燈市禁漏頻敲放鑰魚

倒屣傾筐壘壘論老生腐爛可無存雙峰不媿元之後

三葉長傳伯起孫華莢十生先插箸繁光未綴早留樽

吳公何事忘前約遲駕重來醉我墩

元夕 有序

樵李張銓侯元煒玉侯淑金沙于樗鄒鈺俊南昌李南枝更生茗水胡納言汝聽潘若干養汪

四明沈弱侯紹竑錫山王傳巖資維揚程振千世英同里朱希言易戴晉生錫蕃汪紫滄灝兒景從集飲寄園時振千以測字著名諸子爭相問事更深踏月余兀坐未出即事四律

仙樂穿雲下禁樓風光又是一年遊星攢銅市欺清晝

鼓試花棚賽亂流玉漏催筵華月滿香車匝路麗人留

笙歌不擾吾心曲短笛孤笳別樣秋

鈎簾雜坐淨浮塵鑑裏衣冠看逼真堂懸方三五夜圍

千炬燭團團月合八方人霄光頓被燈輪奪寒焰頻依

火樹伸憶賜瓊筵分次第蟬貂炫服敢紛綸時禁漢官

不得服貂裘捨剗孫

遺柑四座半酣餘更喜雄譚開我居休咎未徵先測字

死生難料遠傳書鮐流臘釀聲猶凍調記新翻曲不疎

木小遙集



珠憶玉輪門外路踏歌爭擁舞龍魚

猜謎分閻總莫論任教逐隊放言存靚粧玩月歸迎卜

駘背嬉春出襁孫喜我嘯歌留永夜厭人絃索恩清樽

懸知挈伴行遊處萬炬光流紫焰墩

咏節序能不襲古人難矣若歲有新作微獨擺落古  
人絕無復意則更難况叠韻千律强弩之餘竟穿七  
札難之尤難者老年伯絕幽鑿險句句驚人又能瀟  
灑跳脫不覺其難金白嶽自騰其文云大丈夫當為  
其難者此足當之門年春姪胡德邁評見示如瑤臺  
乙亥人日河陽夫子以除夕元旦二詩見示如瑤臺  
仙子瀟灑出塵收燈日捧誦恒夫先生十二律格調  
蒼渾命意清新又如造凌雲高門其詩中之豪哉雙  
也干律之餘復饒奇思萬句黃門其詩中之豪哉雙  
溪汪光被薦山氏拜跋  
歲時題易套易俗自應擺脫一切若復句紉字釋神  
理亦終索然吾太夫子矯矯拔俗語必生造絕無琢  
鏤之痕詩濤既洵詩骨更聳故能發詩家所未發門  
下晚學胡任與拜識

吾弟屏居高卧車馬敲門定不膺所以會萃百家而  
獨成其為恒夫之詩愚兄士麟跋

家長兄太原將南歸以懷吾里古巖詩寄閱余亦

愴然作故國思遂成四律

波際搖搖水面樓繞溪烟樹雁鳧遊溜垂古壁懸針健

錐畫平川倒塔流三徑未荒兄復隱五峰高峙我今留

西巖五峰長花崗竹嶼家園裏雁路橫斜慘澹秋

廟貌巋然拜俗塵瓣香亦復達吾真花源別後津難問

棋局終時世換人還古斯文茲尚在巖畔建還六州偏

霸到今伸巖上越澄潭更喜鬚眉照留我儒冠共濯綸

泥香草軟值春餘野水流沙映竹居幾處別離增夜夢

予卧燕山家兄弟遠來存歿念鄉書時再姪繼武故人  
宦遊晉粵諸地



山自覺抽身晚閉戶何嫌見客疎憶坐高橋虹影卧澄  
波千尺數行魚

某丘某水敢輕論故里梅花幾樹存千指連炊盈子姓  
一家比屋長支孫竹扉那得容車騎石隙無妨作杓樽  
何日松濤眠午枕奇峰萬疊繞雲墩

于子樗鄉客余寄園兩載今春入令鴻楊分臬幕

東裝赴天雄詩以贈別

霜鐘聽斷寺西樓一硯晨昏輟衍遊最喜老兄敦古道  
肯隨時輩逐顏流糟翻夜溜心先醉柳駐行驂夢不畱  
長憶辰春波浪闊爲吾感惻獨懷秋戊辰春諸客俱散  
樗鄉尚周旋左右  
高車絡繹輾京塵出入徒行興趣真跌坐半龕禪誦子

磨穿一榻讀書人浮沉逆旅何時竟埋沒窮年可得伸

遲爾十三松浪裏倒騎烏犢戴方綸

話到樵樓二鼓餘夜淡風雨小牕居縱無久卧中山酒

尚有消憂半篋書我隱頓忘時局改君行愈覺故交疎

平生入幕多羈繫策馬澶淵不羨魚開州爲莊  
子垂釣處

縱橫掉舌日雄論爾我形骸可不存石友聯歡延舊幕

金閨懸盼弄呱孫傷心莫記從前事分手重傾未盡樽

沙麓依然來鎖鑰高呼叔子憐河墩令鴻繼難弟今  
掌分泉大名

得三弟安侯粵西家問感賦時弟移駐懷集已十

五載

鬢齡共學擁青樓意氣平生事俠遊通籍卅年猿臂老



去家萬里鶴音流 粵山瘴厲愁髯禿 春草池塘倩夢留

俸減寒官難飽食 值朝議減武職俸 歸耕自課豈無秋

曾收齊嶽舊煙塵 齊嶽懷集大山也土寇披猖弟勦之 家問遙郵達爾真

宦後弟兄都未面 別來童孺盡成人 秩遷老日身翻暇

仇雪多年恨已伸 高卧吾廬歸隱好 古巖臺畔握微綸

淚別邗關一紀餘 予辛酉司推廣陵弟別赴粵西任 可曾半日得寧居

逆知辛苦無甘食 先問平安再展書 慣耐驅馳忙裏過

那堪手足老來疎 繡江冰井蠻烟繞 論罪何須養鱔魚

梧州府東有鱔魚池昔扶南王范尋養鱔千頭投罪人以飽魚腹凡註誤者魚皆不食即赦之

鬢疎齒豁對誰論 夙昔豪華那復存 鄉井有家猶久客

弟昆惟爾獨多孫 產傳雙角珠三斛 皮績勾芒酒百樽

陸州白羊山勾芒木皮可績布以之易酒 聞說枕戈時 待旦勞勞虎帳守 營

墩

吹篴吟 有序

又呂伯兄南歸自蒼崖 繞道來都聚首寄園兼

旬熟食前五日 余偕張銓侯李南枝隆吉于樗

鄉朱希言戴晉生汪紫滄漢佩勉之姪婿程叔

度弟右功姪允若仲子景從兄子道元孫繼授

繼揀餞彰義門外三教庵作

可復來燕躡市樓 老懷更悵少年遊 告歸心遂烟霞癖

賦別魂驚節序流 瘦馬初程尋店早 單車輕載怕裝留

園花未發人先去 春仲餘寒勝晚秋



南旋驛樹起行塵  
雁序分棲飲豕真  
藉草難堪岐路酌  
歸田冀作耦耕人  
誰言官罷身無用  
但得名留志已伸  
時平定紳士爲  
兄立去思碑  
柳絲鶯啼春夢遠  
桃花新水待淘綸  
萬戶兒啼卧轍餘  
蒼巖繞到古園居  
家僮重促喧車騎  
行李難携剩劍書  
六載不嫌官局冷  
今朝正樂世情疎  
交歡老日終無間  
春甕醺香飽筍魚  
箎鳴墳動喜重論  
鄉里耆英若箇存  
先到古巖尋老伴  
早還舊墅督諸孫  
上賓辭慕愁分手  
稚子牽衣勸別樽  
况我弟兄難久聚  
斜陽白髮遠山墩

贈汪明經紫滄

有序

紫滄及弟晨剝股療父兩幼弟昂昇復戳指剖

臂療晨雖旌表不及而亦不爲功令所禁止鄉  
里稱孝友焉癸酉紫滄入都設帳新又堂爲下  
孫揀授師偶出諸君贈句因賦于末

號穹刺血灑空樓  
情摯何辭白刃遊  
不問人言敦獨行  
頓還天性挽頽流  
芝生卧榻泉長湧  
鶴散寒原夢易留  
更恨孤征頻太息  
倚閭淚溼又三秋  
圖書四壁障浮塵  
懷古情深對子真  
屈首誓充鄉進士  
揚眉終慰太夫人  
有孚出血兒心苦  
不顧完膚弟願伸  
璧水金臺風景好  
定將破褐博簪綸

啜菽終年歡有餘  
弟兄風雨掩門居  
長懸馬帳橫師席  
不愧鱣堂讀父書  
心倚玉山冰鑑瑩  
身來人海騎塵疎



賦聲擲地傳金石肯作編中老蠹魚

孤懷羞與世人論習氣消除可復存辛苦半生耕破硯  
磨礪卒歲督頑孫無嫌藜藿加餐飯時舉茅柴對飲樽  
定識求忠移汝孝黃麻何日到山墩

憶西湖

香靄紛披潤舵樓碧岑環互鑑中遊平浮萬雉東西目  
橫截長虹裏外流畫鼓方從青舫出翠輿又向白隄留  
別來好夢縈波上紅藕花淡幾許秋

常挹清泉浣我塵隨時野薦瓣香真柳金梨雪成殊友  
鶴子梅妻作散人半壁平章嬉不了兩朝少保屈難伸  
當年苦讀藏靈鷲永日何曾一戴綸丁亥戊子予讀  
書靈隱五松房

煙棧橫織練光餘夾道松陰擁翠居山後雲封陶器塚

僧智圓與林和靖為友臨  
化歛陶器壅後山因名歲寒蘚蝕石巖書歲寒巖石  
壁斗絕坡

公篆書三大鏡涵澄閣翻無已屏簇雲霞舞不疎花港  
字隱見在目

閒尋生趣好波波水面戲游魚

十峰雙澗不須論題遍殘詩幾壁存去塔長傳陰子淑

湖中舊有三塔弘治間  
廢園尚憶史徽孫史園為宋史  
徽孫別業

汲泉鑽火烹黃栢瀉玉流金泛綠樽一樹棠梨蘇小墓

錦塘簫鼓鬧梅墩

再憶西湖

長扶殘醉上湖樓夢踏雙隄續舊遊山壓紅墻圍綠樹  
雲垂朱閣印清流曼姬拂石隨花坐過客停驂傍水留



岸上人家簾幙捲荷花十里桂三秋

蓮汀蓉岸淨無塵圖畫參差看逼真廬墓鶴歸林處士

刺杭衣換李山人殘鶯巧轉簧聲滑逸騎驕嘶玉沫伸

紫翠蒼黃時百變六橋花柳舞長綸

溜玉空山縷注餘香風拂座藕花居長存身後精魂石

靜認生前手指書羗笛菱歌時斷續烟葑露葦自蕭疎

醉茵雜坐揮譚塵我憶南屏舊鯽魚

誰到孤山抵掌論荒涼古塚硯簪存楊髡掘逋老墓杖

藜追訪留遺像烟霞洞石壁上有羅漢六尊若縷刻而

合十衣鉢流傳到嫡孫法相寺長耳和尚真身烟雨低

八尊八尊迷殘蘼路管絃四繞畫橋樽我曾嘯咏八壺裏碎石光

瑩瑪瑙墩

遊西湖者人必有詩詩必數首陳陳相因恐烟波西

子未免有唐突之嫌矣先生入詩才豔春葩筆垂秋

露如遊仙境如讀異書是不屑拾人牙後慧者仍用

千律原韻何出奇之無窮也余欲勒之南北兩峯間

為苧蘿人一開生面亦詩壇中一則佳話雙溪汪光

被薦山氏拜跋四韻詩疊至千首觀止矣乃餘興發復為西湖詩

一憶再憶思入無涯瞬息而南溟而北溟不知其幾

千里也湖光山色鳥語花香設景都在人眼前而造

語却出人意表後有作者能無崔顥題詩之一憾乎

金沙受業于漢翔跋而不忘寄園夫子宦遊垂三  
人情少之所歷恒老而未遂東山之臥宜其於鶴子  
十載近雖寄興泉尚未散無似龜勉謁選風塵茫  
梅妻戀戀不已也曾裕樗散無似龜勉謁選風塵茫  
茫不知息機奚日將來紅藕花深之夢視夫子更當  
何如乙亥初夏西湖受業張會裕拜識  
八章體堅而氣逸味永而意沉不似子之輕率粗淺  
也恒夫憶西湖耶恐西湖得此更憶恒夫不置耳僊  
湖愚兄士麟拜跋  
先生憶舊情殷懷鄉意切譜成越調雖殊莊寫之吟



曲按楚音亦豈鍾儀之奏然而管華璀璨非誇朔地  
 燕支詞藻淋漓乍灑南朝金粉言念西泠故轍向為  
 東道主人春暖蘇堤柳裊絲絲浪碧秋空錢弩潮鳴  
 滾滾江青觀滄海而登樓坐落賓王桂子對孤亭而  
 呼鶴吟殘處士梅妻樂事無邊漫寄鼓吹畫鷁勝情  
 如昨誰牽風月芳洲四韻叶宮商隱度靈巖峰頂八  
 章從律呂遙飛明聖湖于在作者自當卧遊即觀者  
 應難嗣響不亦三竺晴嵐暄彩六橋繡壤增妍也乎  
 他日者倩月傳辭早有猿猱夙駕將雲通意為招麋  
 鹿迎軒公有意乎寧無載往僕恐後也請効前驅雙  
 溪姻侍生戴綬拜  
 蘇子瞻在海南屏除萬緣獨喜作詩子由謂其精淡  
 華妙不見衰憊之氣然自和陶諸作外可約畧計也  
 仲父給諫公林卧遙集韻和至千律如水涌山轟一  
 往莫禦百折不窮憶西湖八章用韻天成神采流露  
 斯亦古人所未有若乃慷慨鬱勃不能自禁弔屈抑  
 之孤忠誅權倖于已死微指所托考之東坡集中同  
 不同又何如也讀是卷者亦可廢書而三歎已乙亥  
 四月下浣姪俞謹跋  
 余杭人也生京師五省廬墓居僅五閱月耳每至儼  
 居湖涓僧舍水光山色領畧殆盡年來躑躅軟紅間  
 六橋三竺空結夢游讀寄園先生詩繪景摘詞天然

憶虎丘

工妙儼與香山玉局並時令我鄉思轉深至屢約累  
 千如抽獨繭如解連環則又發古人所未發媿襟顏  
 塵俗未能操管踵後三復斯篇徒增詠嘆乙亥清和  
 晦日仁和龔翔麟拜題

春紅頻醉竺公樓佳麗招人錦纜遊石為聽經頭屢點

軒當拱極翠分流新建萬歲樓為橫岡虎卧金芒冷滄

海龍歸劍影留幾度東風吳苑夢憶尊何事待深秋

水湧靈池香灑塵真娘應笑色非真漫尋斤斧開雙壁

誰痛林皋瘞五人裙縷屐痕雲欲曳鶯啼燕語態空伸

翠樓魂斷香羅怕舞徧紅衫簇綠綸

西郭橫塘七里餘蘇臺花雨護禪居浮屠簷擺排牙鐸

殘碣藤罔透背書山署魯頑石慙泉心不死蓮池鶴澗



夢無疎飛紅夾路氛埃盡遺塚荒涼冷玉魚

霸業銷沉不忍論兩鐘烟笛廣場存西施直作申胥敵

季札何慚泰伯孫欄楯凌雲摧客展轆轤汲月貯僧樽

幾時結屋羣峰上碧樹銀塘曲挽墩

再懷虎丘

長憶環丘爚茗樓山穿海湧幾優游攀躋殿閣笙歌沸

襟帶江湖日月流畫鷁維時常百醉翠華過處亦重留

聖駕南巡甲子丁卯兩登虎阜不知聽法當年鬼蘿薜披來幾百秋

碧天雲盡萬峰塵始信水輪魄果真半夜孤腔聽一髮

空山片石坐千人帆檣渡口昏鴉集烟樹城頭卷畫伸

汲路危梁齋供近苔侵十丈冷泉綸

寺逼層巒百仞餘青殘翠秃冷僧居鐵花吐秀回仙馭

貝葉翻香護御書臺上清涼曾獨立橋邊斟酌久相疎

石網遺恨傳朱甌盆島依然蓄小魚

蘿月當軒聽靜論吳兒歌管古今存萬人空殉夫差女

二壑難傳法護孫晉王詢號法護有東西二壑捨為寺新夢每依開土榻

殘詩猶泣廣文樽予過虎丘下榻同年程翼蒼學舍倡和有詩今三十餘載矣南天

不出雲霄外引我秋心到虎墩

洞庭明月鄧尉梅花視虎阜不啻齊晉邾莒矣然而

姑蘇遊屐近者頻及龍冷劍光虎餘金氣牽人魂夢

大率居多獨怪用千律疊韻字字自然似江山巨靈

一片石大而預為佈置春花秋月各極清嚴又為千人

憶東山

有序



東山去休寧城北七里許先祖子常公讀書其  
 麓因以自號余不到茲山者十六載矣每追祖  
 德不禁悵悵里人來道及山木鬱然憶茲山正  
 以景吾祖也

錦屏叠叠護書樓繫馬空山敢蹤遊黯黯雲行無定向  
 滔滔川逝不迴流雜花籬隙香頻採獨樹墻西老尚留  
 絃酒棲尋無俗韻松濤悵別十多秋

靜掃寒牕蔽榻塵讀書種子自然真林原自僻留羈伴  
 月亦留情照散人富貴何常來是儻公私早判屈還伸  
 空巖獨卧忘為客泉瀑飛來灑葛綸

我今識字感秦餘藏我名山豈易居積歲未看東谷月

寺逼層巒百仞餘青殘翠禿冷僧居鐵花吐秀回仙馭  
 貝葉翻香護御書臺上清涼曾獨立橋邊斟酌久相疎  
 石網遺恨傳朱勛益島依然蓄小魚

蘿月當軒聽靜論吳兒歌管古今存萬人空殉夫差女  
 二墅難傳法護孫王珣別號法護有東西二墅捨為寺新夢每依開士榻  
 殘詩猶泣廣文樽子過虎丘下榻同年程翼蒼學舍倡和有詩今三十餘載矣南天

不出雲霄外引我秋心到虎墩

洞庭明月鄧尉梅花視虎阜不啻齊晉邾莒矣然姑蘇遊屐近者頻及龍吟劍光虎餘金氣牽人魂夢大率若多獨怪用千律疊韻字字自然似江山巨靈逆知預為佈置春花秋月各極清嚴又為千人一片石大開生面正不必孤吟長嘯置身郁墓層巒放舟七十二峰烟浪間也年眷門姪胡德邁拜跋虎丘詩夥矣非弔闔閭地即稱短簿祠堂貽笑山靈豈勝指屈吾夫子春憶秋憶各成四律寓感慨於



艷麗之中藏箴規于嘆羨之外豈但春葩奪目秋歌  
媚耳令讀者一往魂消要自流連心目正襟肅然斯  
一吟咏間真為有關於世教晉中受業王負曾拜跋  
小山突起平疇蒼林紺宇隱現在目班草班荆濯纓  
濯足無平不空夫子以八章寫照匪云資遊覽者一  
慨詩之靈秀正足與茲山並峙金壇受業李欽式拜  
跋生憎麋苑長為弔古之場才說虎丘便屬消魂之地  
而乃夢牽裘屐體近香奩興壓鶯花詞光彩篋千章  
韻疊揮來片石千人七步詩成描出橫塘七里倘教  
洗耳無煩秋半清歌如令點頭不待可中說法四律  
八律赤麟廚真足飽餐一吟再吟黃鶴樓永當從碎  
同里受業注瀨拜跋  
太夫子跡寄燕臺夢牽吳岫豪情逸興觸景成詩空  
乎林卧干疊中又以八律擅長也所異者白公堤畔  
短簿祠前髣髴描蘭葉裙染墨花未免脂粉汚我山靈  
茲獨俯仰纏綿別有氣骨總不類世之詠虎丘者絢  
爛其笙歌風物已也超前絕後誰曰不然海寧門下  
晚學陳麟謹跋

憶東山

有序

東山去休寧城北七里許先祖子常公讀書其  
麓因以自號余不到茲山者十六載矣每追祖  
德不禁悵悵里人來道及山木鬱然憶茲山正

以景吾祖也

錦屏叠叠護書樓繫馬空山敢縱遊黯黯雲行無定向  
滔滔川逝不迴流雜花籬隙香頻採獨樹墻西老尚留  
絃酒樓尋無俗韻松濤悵別十多秋

靜掃寒牕蔽榻塵讀書種子本然真林原自僻留羈伴  
月亦留情照散人富貴何常來是儻公私早判屈還伸  
空巖獨卧忘為客泉瀑飛來灑葛綸

我今識字感秦餘藏我名山豈易居積歲未看東谷月



林園詩集 五言  
幾時歸讀北堂書憂輕最幸無官累事省何嫌歷世疎  
春老花滋呈繡褥頻添藻苻護文魚

儒宗百世更堪論天水淵源一脉存叩閣探懷傳竹牒  
守祠累葉拜雲孫是非再定春秋筆吾祖有春秋 俎豆屬辭行世  
虔陳伏臘樽憶到東山尋故址橙塍芋隴隔茅墩

憶松蘿

多年不上寄蘿樓山上樓名杖策常思半麓遊  
綠翳精籃月滿素光流傳來冷剎分今古剩下殘山幾  
別留昨夢寒泉危石好春櫻紅盡麥風秋  
落紅半作溝中塵我覺幽棲事事真地僻翻多揮塵客  
山深長戀下帷人懸攀峰角春藤絡斜挂村頭酒旆伸

笑彼揭竿兒戲日妖氛四起瀆華綸

先大夫避亂是山寇汚以偽職不從

凶被拘繫大兵恢復方得脫歸

幾回捫腹苦吟餘水斷山圍有故居飲罷欹眠千嶂月  
夢回健讀一牀書棘絲蔓徑僧行少松蓋遮門客到疎  
我記從容丘壑裏雨添野港樂蛙魚

蒙陰滇洞向誰論峰頂茶香種尚存草屋浮僧分半隱  
絮衣野叟襁孤孫縱橫風雨摧殘燭狼藉花香撲晚樽  
何日埋頭酣睡足蕭蕭竹栢夜鳴墩

又航裴太史過訪寄園雨廳手談漫賦

簇簇峰青雨入樓閉門我自樂孤遊積年樹老從新綠  
繞屋泉香照舊流篔簹展雙紋甘渴睡書攤四面足歡留



荆扉喜到金閨彥一局縱橫戰奕秋

茶話清新不雜塵羈魂冷落道心真巖花寂歷愁迎客

谷鳥啾嚶靜喚人且逐爛柯身半隱敢言賭郡志全伸

渾忘石甃通泉路急溜侵堦欲把綸

座客紛綸笑謔餘高槐四蔭樂幽居先爭一着輸殘局

後歛雙奩罷戰書坐隱不須分勝負敲枰何必問親疎

近看布陣饒新趣方罫閒遊黑白魚

動靜方圓那可論松陰花影一枰存村莊何處聞姑婦

瓜葛無勞問子孫百感愁深橫塞笛聯吟淺酌半山樽

紆情永日傳聲響落落星敷燦一墩

憶岱宗

摩空岱影蕩霞樓十六年來四度遊庚申壬戌巳巳庚午俱得縱遊雲

壓滄溟烘赤日河穿赤巘射黃流無言豈有天書降久

渴何勞禪草畱石徑紆迴摧短屐光搖萬尺水簾秋山西

懸水飛瀉  
縷縷如簾

崎嶇不逼筍輿塵窈窕芝童導養真兩坂雲封傳古事

金泥玉檢屬何人齊鄒大小峰頭判日月東西地底伸

記得仙鷄初破曉山光空碧氣彌綸

屈曲盤空萬仞餘刺天峰插半天居蒼茫已失吳閫練

摩勒猶傳太室書橋召仙人容我跨泉呼玉女待誰疎

青烟點點供遊眼露出鰲簪隱海魚

漢柏唐槐孰比論大夫老死丈人存尼山足下長為父



玉帝牀東小立孫寶石多生芝草洞醴泉滿酌竹溪樽  
餘生有願叅名嶽谷飲何時稷下墩

再憶

點黛鎔金結蜃樓秦封漢時踵軒遊鵬窩烽作奔濤湧  
鵬窩山在嶽頂四十五里龍峪泉從絕頂流山有大龍峪袖揖蓬山胸次  
盪盃翻海水眼前留老懷敢負青山諾失約天孫又六

秋

虞夏周秦一簇塵短長探策是誰真何來綠綺彈絃客  
難覓黃丸鍊藥人耀日碑鐫倉頡篆擎天手駭巨靈伸  
當年火照風雷上山靄成霞吐萬綸庚申冬仲四鼓登

君備百炬照行

壇墀烟銷坎壑餘帝庭峻極碧霞居飛仙側見懸崖影

逐客長留斷碣書李斯篆碑尚存廿九字眼闊敢言天下小峰高

直與域中疎鞭來石立無文字一炬灰殘滅魯魚

滄桑幾易總無論獨立巖巖氣象存汶泗洙沂成壘帶

龜蒙鳧嶧侍群孫鳴鷄觀下蹇雲杖廻馬峰前落照樽

舊句雕鑿凝黛色半空長傍紫霞墩余遊泰山詩八首

從幼讀書至小天下輒神遊久之及往來南北路馬  
足未達泰安先一日已見雲表蒼翠色雖七十二君  
遺躅難尋而秦碑漢碣巋然尚在恨未一見也大人  
性好搜奇未曾一日廢歌肅庚申游岱九章萊蕪令  
肖巖李公鐫石已久近林卧疊韻千律西子湖頭闔  
閭塚畔獨緒輒為追憶况岱宗舊識有不入夢想者  
乎八章脫稿適于小子分巡濟北用踵萊令後摩勒  
片石聊表大人不忘五嶽夙志并使車塵馬跡時時  
揚目對是詩即如聆庭訓也康熙乙亥秋日男景從  
百拜識



六月朔日二兒景從赴分巡濟北任寄園泣別詩  
以勵之

雲翳橫山樹壓樓團團燕邸樂羈遊浮名未足從吾好  
別淚何堪向我流檄足娛親增義喜賓都隨幕一髮留  
朱子漢源從今絺雨涼三伏麥壠青青獨耐秋  
次早追去

靜掃心苗半點塵須忘疲茶勵清真大僚半屬關東籍  
小子長爲冀北人長愧父風無足拂勉供臣職可堪伸  
儼然齊魯尊瞻視溥暑何能不戴綸

黃梅節盡苦炎餘宣武門東老築居吾已灰心拋吏事  
兒當努力習刑書宦情初歷無如慎世故淡諳切勿疎  
七十二泉疏濬好潔清倍昔富蒲魚

雪泥鴻爪不堪論寧獨天倫一樂存官拜山東親孔子  
河穿濟北謁天孫連鑣隊壯長行旆出郭人傾握別樽  
好讀千秋廉吏傳名畱召杜署碑墩

憶新安江

時移烟樹渡村樓浦漵沿洄放浪遊古塔雲淡窮澗覽  
峭巖珠瀑挂懸流一川返照波明滅兩岸浮青棹去畱  
我夢疑聞清瑟響危檣影帶落峰秋

水隨雲度綠無塵雞犬烟村認不真往返茶鹽波上客  
東西樵牧渡頭人山青石白嵐光繞棹唱漁歌曲調伸  
茅屋數椽香霧窟屢移冬簷不投綸

晴醺雨醉客愁餘重到花溪探舊居桑柘何曾離活計



漁樵從不問除書南天壠樹心摧折東道盤飧意儉疎  
三百灘高懸急瀑水清沙白數遊魚

遺話蕭梁不必論好山好水本來存屠牛血灑將軍塚

射蜃波平太守孫晉龍驤將軍越國公祖塚在淳安水次程忠壯公為新安太守後有射蜃

湖俱屬新安江云一味初嘗林下筍三分淺酌岸傍樽每同諸

君飲古城勞人莫怪歸家晚久擬裝囊返故墩

### 憶古城巖

古巖翠接萬青樓訪衲尋碑野寺遊木杓空橫循舊路

山溪急溜漲新流漁歌日向烟中落塔影遙從石上留

羈客未歸心已醉鵝峰紅樹晚香秋

帶雨村春隔壺塵尋幽步步得天真枰翻黑白難終局

山上有棋盤石魚樂升沉不避人魚聚放生潭水長落不去寺角鈴喧官柳

舞山腰雲豁女墻伸退耕剩得長鑱在瑤草瓊田織繡

### 綸

竹塢茶烟過午餘青峰附郭擁溪居開堂半日供僧饌

卧榻長年讀父書數日屢驚鄉夢雜多年止覺故山疎

自甘退隱逢迎絕今後方為縱壑魚

消沉霸業孰追論止剩珠旒玉珮存巖為越國公保山障六州舊址

水情深招老伴鄉園別久長多孫撥開沙石移烟棹布

下雲嵐罩竹樽分付漸干溪上石好排魚鳥蓼花墩

### 憶茗水

畫橋南北水浮樓挂席茗中亦快遊大小山橫叢桂路



東西瀼向草堂流看花曲檻時閑立聽雨橫牕又小留  
浮玉溪前頻入夢一汀寒影亂烟秋

天目浮波絕點塵陰晴百變畫圖真疎籬犬吠新生月  
古渡花迎逆旅人隔岸斷槁漁艇穩橫村小店酒旗伸  
碧瀾堂外溶溶雨渥露宵零透野綸

泉出金沙盪漱餘衆峰環繞此中居烟波難覓當時釣  
松雪猶傳舊日書杳杳鶴皋樵不到冥冥鴻路弋何疎  
風爐莫羨烹鷹瓜春水桃花足鱖魚

錦繡山川筆好論凌空蒼翠望中存洲邊耕讀聯婚媾  
柁尾風濤蓄子孫夜雨荒林橫菴畫孤亭隔浦泛窪樽  
扣弦縱望塵心淨嫩草鮮花簇砌墩

憶海陽萬青閣

芙蓉萬朶鎖書樓一日家居百度遊雲淨山光何晃朗  
花濃露氣更紛流魚依密藻屯還散鳥渡層陰落復留  
紙帳繩牀燈火後蕭條斷岸故鄉秋

林間着屐藉花塵老穉情親朴且真絃管娛心歡座客  
雞豚賽飲鬧鄉人醉烟菴柳金絲曳嘯雪叢篁玉珮伸  
水磴風喧聲細細魚遊正樂忽驚綸

不厭簞瓢樂有餘荒村終老閉門居聖賢清濁黃墟酒  
丹墨縱橫鄴架書翠竹白沙腸半繞朱櫻綠笋味全疎  
無溪到眼聲先到籬落懸罾禁打魚

淡淡鄉思向誰論爲問高年幾箇存官左降來畱一我



兒南歸後育雙孫長簷短屐拋鳩杖硬餅酸齏佐蟻樽  
料得重闌明月好夜淡移照舊園墩

### 憶廣陵

碧水涵空漾畫樓傷心夢覺十年遊笛牀花幕清歌颺  
估舶官檣濁浪流九域人家排岍住六朝峰色隔江留  
放船落日平堤去蓬底淮山叢桂秋

兩城佳麗膩衣塵士女風流到眼真日暮管絃殘醉客  
夜淡燈火未歸人渡龍那得波長湧跨鶴何曾願盡伸  
浪說竹西歌吹盛浣紗今尚有遺綸

市塵大半劫灰餘誰管紅樓薄倖居聚飲時聞秦歛話  
逢場雜講竈鹽書三千殿脚金鈿冷廿四橋頭錦纜疎

岡臥九龍何處是桃花水漲捕湖魚

摩娑銅狄可堪論殘甃遺釵久不存螢苑燐光消粉黛  
雷塘麥飯絕兒孫屢吟何遜梅花句時宴韓公芍藥樽  
十載戰場重艷冶長憐石馬仆荒墩

### 憶白嶽

雲光四罩麗金樓坐竹兜輿絕頂遊鸚鵡石前龍跳舞  
珍珠簾上玉篩流鳥啣帝像焚無熱像爲鳥啣泥所塑

楠守天門老不畱千年石楠近枯矣積翠太清時側佇雙巖紅

### 樹爲誰秋

峻極干霄迴不塵何緣到此伴仙真年年插笏朝天柱  
步步垂紳拜老人獨聳雲浮蒼髻蠹三姑玉立翠螺伸



幾經步履難遊遍急整家山舊角綸

慶曆傳來香火餘白雲長護帝城居玄帝殿額曰爐峰雲裏帝城

千尺凌霄漢霞洞多年蘊道書掃壁標題湮點畫子巳亥讀

書岳半題壁猶存緣梯捫陟久生疎難忘垂釣桃花礪樂在吾

心不在魚

拔地奇峰不可論峨嵋人去石林存山中邈邈道人坐石林化去人從峩

之君見巨靈手劈無年月羽客家傳有子孫碧瓦遙看懸

鐵屋黃庭熟讀酌瑤樽薜衣蠟屐空青裏直上摩雲臥

一墩

贈胡侍御鹿亭有序

庚子五上公車寓同門道南胡公邸公有子弱

齡殤慟甚子曰無慟此非公子公有佳公子一

枝吹折一枝生盍詠劉賓客句乎未幾鹿亭生

公曰前言大驗但願兒長敢與兒佳子贈詩有

襁蓐聞啼聲畱眼看婚宦句越十五載甲寅六

月公歿於鄞十月鹿亭以事晤予禾中眷字軒

舉咄咄逼人公不死矣甲戌冬鹿亭由紫薇郎

擢侍御邸中連舉二子乙亥巡視北城奸猾斂

跡時過寄園話及前因竟同隔世鹿亭索子林

臥韻記之嗟乎人生如輕塵栖弱草那得長存

同門諸子零落殆盡亦無繼起者而我見鹿亭

祖孫三代又自見曾孫幸矣予以著作自娛信



口浪談絕無拘忌人世進退得失了不挂胸臆  
心頗自適不又幸乎記此爲鹿亭慰且慰公黃  
壤子亦因以自慰云

丹陛鳴鞭肅禁樓爐烟細裊隼旗遊行行檢院驄花耀  
嶽嶽雄班豸繡流畿北霜稜期月可角東晝錦老親留  
司聰不媿爲君耳珥筆登車夾道秋


憶昔烏臺舊避塵質威父子本清真頻來不訝生疎客  
舊事偏諷棄置人屬和殘編爲子續怕吟累句向君伸  
手持諫筆箴玉闕擢贊機樞早秉綸

朝罷從容攬轡餘衣香久惹五雲居晚歸客邸頻臨字  
一退班行卽讀書執簡長隨黃閣後鳴珂近與紫薇疎

蘭臺密勿真清要鷺羽懸車細察魚

老生爛話可羞論丹地青蒲喜爾存心凜四知師伯起  
腹蟠萬卷踵陶孫銀鞍顧盼新行馬鐵筆縱橫舊賜樽  
我實無才慚父客倒冠落珮醉橫墩





P1-P4



盧劉贈答之篇並傳文苑元白倡酬之作競美藝  
林自是以來相沿遂廣然讀松陵之集僅止數章  
卽稽長慶之詩無過百韻何則菁華之才易竭病  
競之調難工也而况累牘連篇都依原韵引商刻  
羽叠運奇思旣玉潤而珠輝復水窮而雲起能無  
焚硯敢復揮毫乎惟我

黃門趙老先生靈鐘川嶽思入風雲操玉秤於樓頭  
誰爲勁敵探驪珠于席上世號長城啓二酉之藏  
流連鉛槧開萬青之閣吟咏松梧雖

朝回之餘時操斑管在林卧之際亦拂烏箋固已接武  
少陵追踪大雅矣猶謂雲霞縱麗有目偕觀岱華



雖高能遊可陟自命千秋以上恥居第二之流韻  
祇五聲集成千律尋變赴節恒以數而見鮮推陳  
出新翻因熟而生巧請陳其美約有數端餞別述  
懷寄遙情於芍藥登山臨水託雅製于葡萄座有  
潘楊藉之以申故舊門多名士資之以佐壺觴詠  
物則弘農山海之經紀年則荆楚歲時之記何妨  
倒讀效織錦之廻環以下述集故犯雙聲炫蜃樓  
之重疊且也經以五色緯以八音尺寸無訛允堪  
修鳳銖兩悉稱共仰凌雲法備九章才高一石秉  
化工之筆草木驅使而無遺兼詞客之長單雙拈  
來而咸當質之于古固屬新聲求之於今洵爲絕

調張茂先鑿空而出獨闢靈奇周公瑾顧曲而歌

必無錯誤此之謂矣何以加焉若其遣韵尤見精

思敢效管窺有同蠡測樓居百尺探奇不負春秋

樓字書擁千箱欣賞無非魚雅書字心存魏闕長

懷半部之經綸綸字家近黃山且醉群賢之樽酒

樽字人誇荆玉終輸鮫海一枝之珊瑚家擅雅歌

還遜釣天三日之弦管執蒼水之簡何殊綠字赤

文捫曹江之碑真是色絲幼婦被客居殘臘時屆


小年欲祭賈島之詩難尋蘭陵之酒寒爐煨芋啟

郵筒而春滿簾櫳短炬攢花披詩卷而喜生顏色

昔窺其半已近禁巒今覽其全如遊仙嶠不揣固



陋聊誌頌颺神哉技乎寧愧倚樓之號瞠乎後矣  
空慙扣鉢之名敲齋名珍此棗梨藏諸篋衍同學  
眷晚生汪光被頓首拜換



予與恒夫初莫識閱邸抄交城令平寇事曰此能  
吏也旣予主銓政於兄爾合僉憲寓相值見其長  
身玉立儀容修偉識爲非常人私詢爾合曰豪傑  
爲誰曰吾宗恒夫名吉士者是卽席定交聯譜旋  
補農曹時用兵不規規鎖計凡建白惟大本是圖  
究食足衿裕而賦無加

上察其才令修賦役全書鹽漕通考成

上嘉之予謂爾合曰恒夫真才士也丙寅言官缺

御試保和殿識論昌明條議闕達

擢戶垣丰采稜稜而氣量寬和每敷奏得大體予又曰

此名諫官也尤長於詩賦每相示雖尺璧小幾吾



珍之曰始又大雅名流歟及閱萬青閣古今文長  
篇短什無體不備悉臻其妙如乘鉅艦泛滄溟茫  
乎不知其涯際也曰此古大家宗工國手豈近世  
修詞之士比緣以勘河累投閒黃山白嶽間踪跡  
不可得予嘆曰宦寓物也既歸其

主則耳目手足卷爲已有鴻鵠舉也橫絕四海而莫之  
能羈蛟騰虎躍不可韁鎖變化離合難以方物矣

今

上憐勘閱諸臣先起大宗伯佛公繼起大司空熊公及  
恒夫需補到邸他人得此未有能澹然者乃恒夫  
寄跡西巖下帷鍵關不見一人熒熒篝燈徹夜聲

不輟予訝曰此經生學究當日風流儁宕之概安  
在哉日月藏精則晝夜繼照矣騏驥伏櫪則千萬  
里往矣玉人之琢也窮切磋則美器出女之績也  
絲分而日治之則大帛成乃知經生學究所以成  
其爲國手宗工也且豪傑應世如颺動雲流弗拘  
一轍玉剖而良桂伐而芳士不遭跌其節未見也  
故有非常之功必有非常之議有非常之議必有  
非常之合而跌者率奮彼媿媿附時捨立身之長  
策徒以自固者寧少乎然一跌竟不復振  
主上棄之如腐鼠誠見其莫有濟也恒夫強毅有立卽  
不出出卽犖犖卽不隱隱卽冥冥若神龍然可以



泥蟠可以天飛能潛能見能上能下斯足貴也林  
卧遙集韵止二十字衍爲千首纍纍如珠貫盡祛  
鉛華自見本真又其構思綿密造語精浚筆有檢  
制而詞不漫施如堅城不可下鐵壘不可攻吾畏  
之夫人以身盛心以心盛智一人一心一心一智  
一人不能當十人之視而一視不止十人一心不  
能當十心之度而一智足窮萬事譬之月圓千樹  
而同光風吞百巖而共響以本之初者一也車轂  
行千里而不滯其軸自若聖人應萬變而不窮其  
道固在孔子曰可與立未可與權言通變合道之  
難也予戲之曰楊雄云壯夫不爲蓋小技雕蟲能

令完玉殘巨木腐老始悔之吾今竊厭是而吾弟  
顧歆艷之耶恒夫曰郢曲洋洋秦聲嗚嗚亦各自  
寫胸臆耳予笑曰人有言儒生勝俗士通人勝儒  
生文人鴻儒又勝通人向謂吾弟爲能吏爲才士  
爲經生爲通人自今觀之殆鴻儒歟恒夫曰兄其  
哂我哉仙湖愚兄士麟頓首拜撰





水品

詩有和韻古未聞也有之自唐始唐人賡和有次韻用韻依韻之別依韻者同此一韻中也用韻者用其韻不拘其序次韻則效其序矣王杜諸公和賈詩和意不和韻至元微之春深何處好諸篇聯章疊韻極才人之致嗣是而贈答往復絢爛簡編然千餘年來亦卒未有和至百千首者有之自今日之林卧遙集始林卧遙集者給諫恒夫趙先生自山莊和答于章雲中翰四律而觸緒懷人卽景賦物酒闌燈燼月夕花晨偶有所感輒於四律發之詞軒軒乎霞舉也意飄飄乎凌雲也音泠泠乎鏗金戛玉也壯懷雋思萬變不窮不自知其盈千律



矣余弱冠聞先生名如九霄威鳳無以慰覲止比者偶  
遊冀北竊意得奉光儀而先生避喧養素排雲翮於西  
山層嶺間末由追杖履心益怍怍不能釋然先生不與  
人易接而先生之詩播在藝林可誦也不遇其人遇其  
所歌咏者尋繹吟翫恍如覩登山涉水之懷朋友文章  
之樂而一唱三嘆之餘望美人於千里溯蒼葭于一方  
又時寓江湖廊廟之心祠墓家園之感卽其性情可微  
會矣奚必以不親炙先生爲悵哉余自嗟淪落不遇於  
時往往學爲詩賦以抒其隱先生欣賞不置且以林卧  
編相示若以予爲可與讀先生之詩也者故余嘗謂無  
相知之雅卽日事酬酢祇曰濫交若心與神期雖千里

如一室也况翰墨之光昭天壤者哉先生負經濟才平  
寇交山佐籌計相對仗讀彈文聲振天下非宏抱之小  
試可指數者乎顧其意如不及題所搆別墅曰寄園觴  
咏徘徊悠然自得此其寓意遙浚固已籠天地於形內  
釋物我於偕忘矣夫何有於詞章之學之寥寥者况詩  
特著述之一爾是集又詩之一爾烏足以測先生乃卽  
是以觀而一氣卷舒襟期邈曠固不問前之人不能創  
也亦不懼後之人不能繼也立於前古後今之際而獨  
見其奇吾烏乎測先生哉而先生曰非奇也吾寄也莫  
興後學嚴允弘謹跋





採木雜咏目錄

漸崑趙吉士恒夫著

壬申端午以目病自蓼庄移寓西巖靜攝半月矣

景徽景循兩姪隨從兒來汪子采臣程二資林

長繼至卽席賦懷一二律

偶次西巖得繡臣戴太史手札一律簡報

月步隴上

步送古逸出山古月庵老尼獻茗啜畢騎歸

山莊懷黃子正都掌科

寄祝程孚夏司城尊堂壽

鄒平成昭其夫子伉來山居敬呈二律寄候



古逸獨飲子與香令對奕古逸曰勞心不如爽口也予戲嘲之

坐雨溪樓古逸携兩高足至痛飲達旦  
次微姪虎丘作

山居寫懷

壬申冬日昭其成夫子遠郵手輯梁鄒景物志兼示像讚敬賦四十四韻述懷

畱宿廣慧寺率賦

山步

古逸同僧方石畱宿山寺  
還家

賦得一回相見一回老喜晤伯兄于燕山同登雅

青閣作

癸酉清明

伯兄解餉交部畢還平定署立意告歸予畱敷姪  
伴行黯然賦別

家玉峰兄書來勸駕賦此簡報

陳令尹過訪宿山居

偶感

王宛先同姪我持過山徑小酌譚故鄉事感懷晉  
粵兄弟

未晚行五十里



秋征

自渾河入西巖舍舟而陸作

新構山居古逸移樽賦懷

感事示同遊

題山居壁

贈方石和尚

老來

探泉山麓

山居

築毛香令墳感賦

栢巖禪院

宿西巖新構山居

山遊次韻

遊翠巖古寺

住寄園偶賦

夜坐有所思山牕忽曙

夏五出西巖次渾河古逸留飲

妙峰寺過午

望林孫來都肄業不至值癸酉夏五朔爲林二十

初度賦詩以勵

季夏五日小孫林招同括蒼汪其兩端遼水王宛

先一元海昌陳澹成世培陳履仁麟北平于司



瀛榮新安汪紫滄瀨汪瑜也士瑾會文寄園喜

賦一律

望日同會諸公再課守園喜夏西山荀慈從聖水  
至汪搢書紳文自天都來次前韻記之

望後一日夏子宛來西山王子宛先汪子紫滄其  
兩紳文痛飲新又堂西山首唱卽次其韻

癸酉抃孫以後學同朱漢源汪紫滄張允符汪瑜  
也應北闈鄉試賦此勗之

癸酉十月廿日同潘雲從北部王宛先孝廉奠斬  
文襄公宿德勝門外北頂翌日送殯長新店次  
蘆溝橋作

贈烟霞隱者

有序

同于章雲內翰是程侍御胡鹿亭中書王宛先孝  
廉汪紫滄明經夏西山文學用乚題賦寒林落  
葉以霜夜紅于二月花爲韻韻各一絕

二疊

三疊

四疊

贈張進士南旋

有序

癸酉季冬朔于子楚樗北來下榻寄園感念舊事

賦贈四律

春曉出城過增壽寺題壁



胡鹿亭中書移樽寄園與東之詢安宛先及子見  
景行話別東之首倡予次其韻

嶧菴汪老年翁以倉糧受累羈潞河者八載今得  
歸新安故里約過寄園言別次余曼翁韻賦四  
律贈行

寄園雅集賦得孟夏草木長

送姪廷發同其舅氏程香升之任連城

王宛先下第南歸未果初夏遊晉陽還遼水次韻

贈慰

程子禹門赴補中書以倡和詩見寄用次原韻

採木雜咏

漸岸趙吉士天羽著

壬申端午以目病自蓼庄移寓西巖靜攝半月矣

景徽景循兩姪隨從兒來汪子采臣程二資林

長繼至卽席賦懷十二律

上方鐘漏盡遊夢不驚魂置響誰收廣投筒共弔原山

畱延客鶴庭蓄報時猿寂寂人踪斷從無市井喧

又值天中節山楮一半然誰頒鐘乳煉難覓綵絲纏風

颺雲湍湧日開雨脚懸

時大雨傾盆而日光如舊

比鄰呈角黍盤勺

裊新煙

看花竟是霧目瞭手頻揩淨梵淩藏好層巖漸入佳合



歡童帶索續命衲持齋樵子肩方糲誰擔一谷柴  
與宗惡已鎮毋丸截鬼丹拭花難去翳禁火更加餐砍  
竹收神水灣弓射粉團山行石路仄不敢跨高鞍  
勿復櫻時累卷舒踵甯遠蒼蠅空集筆黃犬遠傳書  
鼓驅瘟會奪標競水車驚濤天外落獨樂守林於  
兩姪同兒到又來程與汪分餐九子粽羣沐五枝湯  
綵笄蟲息繡蓬門蒲艾裝午餘僧供罷合掌禮空王  
同是未歸客遠來涉險熾紫金合未就蒼耳採來遲  
陌路簪花勝山溪泛羽卮居然老衲子築舍西巖陲  
煙霏耐晚照曳尾泥塗中三匝哀姑惡一枝宿女工  
工女卽鷓閃鞭拖紫貝連鼓戰豐隆萬壑青圍屋籠從山不

童

何須剪五線勿用避兵繪錢奉羸三百瀝餘止二升孤  
心驚下石隻手挽懸藤充節羅鵝鷺山厨已爛蒸  
數馬投嵐翠林遊屬阮南不堪吾有七勿速客來三鹿  
徑通桑塢雞園傍石龕諸君無早散痛飲百花潭  
守拙耽安枕而今遯正嘉雲行驚卧犬樹密引歸鴉急  
瀑飛林落殘陽挽石霞隔溪煙靄裏茅舍幾人家  
竹裏行厨飭人來谷口逢高低猶雅步左右孰先容  
芴白連鬚切桑黃帶耳春蹇驢橋畔走莫笑老龍鍾  
偶次西巖得繡臣戴太史手扎一律簡報

小園觴詠幾年華夢想音塵萬堞遮說苑譚叢摘鳳藻



句枝韻蝶縱春葩陳人不敢當前輩太史真無愧大家  
桑梓藉公爲領袖鷄碑妙麗後生誇

月步壠上

竹坡松嶺接怪石何峻嶒雲葉飄銀礫月波湧玉繩息  
心全斷俗行脚半同僧餉榼停阡陌喜看御麥登以其會經

進御故日御麥

步送古逸出山古月庵老尼獻茗啜畢騎歸

輕煙細雨着疎花石澗陰森長綠莎送別河梁花幔展  
招人野店酒帘斜扶持出藉蒼筤杖控勒歸乘白鼻騮  
爍茗麻茹長指瓜笑看海水幾揚沙

山莊懷黃子正都掌科

五載京華別接繩挽日車松梅長作社槐柳已成衙午  
夜潛焚草低聲助把麻瑰奇真獨絕風氣變聲牙東坡薦山

谷表云瑰奇之文絕妙當世辛未分關所拔皆知名士

寄祝程季夏司城尊堂壽

黃海泛洪波近撼紫陽紫已未夏家居赤光習舊市呼  
僮駕葉舟順流艤率水先公次菰廬羸骸方柴毀迎予  
苦塊前中堂肅祭軹燕髀共捍唇麟角兼鳳觜蒸裡竭  
其誠椒奠進醴醢予點主合龕執筆長幼跪壯夫徒自  
傷君時方稚齒警電十四年流駒一何駛忽傳壽母篇  
徽音素所企累葉襲簪纓夢想鳴珂里尊堂古延陵儉  
素謝華靡夜月聽鳴機青燈照棊几晨昏顧遺雛鞠育



無異視鬢黑霜眉長操作話桑梓偶逢急客來促兒歸  
噬指畫荻夜和丸課讀無時已姜被共一牀唐棣垂萼  
藥值茲菊花秋六十周甲子華廡列曾玄姻親半許史  
綠蟻瀉銀缸斑斕雜羅綺笙歌何喧闐賓從趨珠履長  
君擅詞壇仲氏負韜矢群季聯翩出諸孫更秀峙軒軒  
司城公策馬燕山使六時傍青廳令行且禁止菽水歡  
慈顏有祿不期侈小邸築西畿相去尺有咫兒曹頻往  
還尺一郵谷底茶笋雜海珍慙勤惠羈子羈子隱蓼莊  
高卧古巖趾放逐絕賓遊四年別諫匪居然山澤癯行  
歌時曳屣寄祝吐長吟渾河同瀾瀾贈詩公卿多清言  
風穆耳板輿幾時迎有間母不倚轡龍褒龍光故里千

林喜

鄒平成昭其夫子伴來山居敬呈二律寄候

杜陵掃徑久迹名長白青蒼骨歷城邑之長白山為七

子同門予後死方月江猶胡道南文學張書乘華楊秋

古惟子百年一老我先生夫莊延獻范石虹崗六君皆作

獨適攻書史隨意閒行課織耕儒訓君恩都未報空懷

溧尉古人情

方胡楊范共朱張小子同稱弟子行久脫羈鞅真曠放

長傳保障舊循良夫子以太原東家藏壁金絲響師門

人北面登龍玉尺量張素存玉書相國馬野臣世俊華

方學士丁酉所拔陸澹成肯堂黃視芝夢麟兩鼎元亦

采木雜咏



說

四十二年師範在何曾躬拜鄭公鄉

子竟未登夫子之堂亦一恨事

古逸獨飲予與香令對奕古逸曰勞心不如爽口

也予戲嘲之

莫誇酒聖奕猶賢百斛何如一著先坐飲不勞長荷鋪  
手譚勝爾口流涎

坐雨溪樓古逸携兩高足至痛飲達旦

遊倦橫眠八尺牀山溪小閣對寒光隨宜饌客羊延祖  
次第傳經馬季長響浪疑鐘敲不歇雷簷似漏滴相當  
峰飛樹舞連雲崙喜我無堪減百忙

次徹姪虎丘作

一水空庭碧扁舟郭外尋青精炊玉甌香閣隱珠林顧

曲矜年少行歌賽夜深高人誰捨宅長者布黃金

山居寫懷

神仙富貴兩蹉跎寂寂羅門鳥雀多賈誼長遷時痛哭  
謝安坐嘯慣風波玉淵菱線穿礮石瓊巘泉珠濺幔坡  
禪定無言叅一指誰堪聽筑和高歌

壬申冬日昭其成夫子遠郵手輯梁鄒景物志兼

示像讚敬賦四十四韻述懷

絳帳懸何地梁鄒昆歷城岱宗封竟鎮海岸接蓬瀛賴  
有甄陶在可無鄙吝萌山川大邑考景物寸編成借隱  
於陵子遺經老伏生免柴仙可會魚柳水常傾古栗老  
還健聖泉涸復盈白溝秋蕩漾黃岫勢崢嶸佛跡空山



現仙燈半夜迎月河修禱事石塔出經聲雲氣瀾長白

流痕驗小清免柴至小清兩年三望嶽子戊辰罷歸已

庄三望嶽千里未瞻衡夫子築圃題曰瞻衡予去任達

真希阮長齡豈美彭及耆不曳杖未艾預營塋庚戌夫

預作自爾天心總總合也出毋為世網櫻爛柯傳惠愛

夫子作懸甕頌廉貞夫子同眼語青流盼髯頰白數莖

心花長煥發手卷獨携擎寫照鬚眉動圖形器量宏西

河北海繼南郭東陵并閉戶精思獨著書眼力明繞籬

餐菊蓋命駕啜蓴羹夫子時遊南不苦多情累寧為好

爵榮數尋嚴瀨釣時索泰山訪久已拋軒冕何須變姓

名花溪漱碎石翠岫採寒榮半世窮鑽仰畢生杼悃誠

傷心羈北路屈指罷南征予十五年彈論世情薄薦章

心曲明時斬總河遺疏有吉士無是非終有定寵辱本

無驚終願買山隱勿勞趣治行棄書焚筆硯過險出巖

坑脫去籠頭犢寬然掉尾鯨牀頭王湛易谷口子真耕

止覺心猶壯何曾氣不平可無姍寂寂正復守硜硜自

是勞難置敢云鼎有錯慚非真國士願作老田更鳳不

高岡翹蟲空繞砌鳴無由瞻道範未及訊來伴師遣伴

中不得老得行吾意師今移我情挑燈呈手牘撥墨展

心旌踏雪携琴去長翔羽翮輕

留宿廣慧寺率賦

半山雪氣壓苔墻馬過峰移向背忙筆陣方塵攻說郭



硯田作苦富書倉馬牛伏櫪飯雙樹僧俗同叅坐一牀  
冷月涵光波萬頃松根晚爨細廚香

山步

半壑分松影閒行杖一藜冥鴻辭弋贈斤鷄樂粉棲雲  
幕陰纔轉峰稜露不齊幾多烟草路半在壞樓西

古逸同僧方石畱宿山寺

精鑿山中有何須列綺肴瓦爐煨冷炙土炕藉新茅擁  
錫雲曇現賃春杵白交琴彈松石裏猿鶴莫相嘲

還家

病身憔悴返江潭世事于今已飽諳遊宦廿年安旅食  
住家數日怪鄉譚笑看群稚成行戲坐對寒荆一肉甘

不審山移何日到林來獻媿澗呈慙

賦得一回相見一回老喜晤伯兄于燕山同登菴

青閣作

使車重駕太原騶

庚午癸酉  
兩解京餉

我獨賢勞敢怨尤止剩顏

齡雙白首難畱少日舊蒼頭可無愧作全天樂久絕貪  
饒號四休草率盤餐同下榻髭鬚對染老風流

暫停征策扣巖扃共倚危欄聽鐸鈴千里塵沙馳驛騎  
一庭花萼蔭原鴿鄉關問舊多爲鬼晉粵分疆散若星

三弟駐粵西  
四弟駐平陽輕旭澹烟吟眺好遙天南指萬峰青

癸酉清明

掃墓荒郊野饌羅新泉試茗客頻過晴川岸草滋新雨



冷日山光發舊柯煮熟麥糗成醴酪採來齊菜避蚊蛾  
殿前鑽火誰先得鈴鐸傳聲想玉珂

伯兄解餉交部畢還平定署立意告歸予畱數姪  
伴行黯然賦別

風沙掀舞目難瘳逶運金車困宦遊五馬長嘶來往勤  
一燈分照別離愁世爲兄弟歡聯榻遠陟關津苦裹餽  
寄語猶兒歸莫急行裝暫爲老親畱

家玉峰兄書來勸駕賦此簡報

廿年京輦調相同分手僧廬馬復東少宰幾時方曳履  
孤臣無日不傷弓同枝久許聯滇越註考安希改下中  
踈嬾遠慚嵇叔夜久無寸札到山公

玉山靜鑑獨持衡清厲甄明冠六卿太母百年猶健飯  
老臣再命乃調羹崇卑縱判新班秩優劣何分老弟兄  
久伴漁樵難遽出敢堅笑傲却弓旌

陳令尹過訪宿山居

矮堂橫竹樹行轆駐前軒莫怪庖廚薄無勞禮數煩露  
濃芒履濕石裂乳泉温月出虛巖白空湍萬葉奔

偶感

潛身蘿薜裏老淚獨無從園灌長流水寺遮向後峰鬢  
絲何可織愁緒不堪縫久已垂雙翅胡然怒一衝

王宛先同姪我持過山徑小酌譚故鄉事感懷晉

粵兄弟



傳來老穉死生忙，懶拭衰顏對鏡光。  
醉聖消愁尋麩藥，詩魔引病入膏肓。  
莫愁危棧難魚貫，最怕高風斷雁行。  
叔夜縱然慵懶甚，彈琴鍊鍛也遑遑。

未晚行五十里

已遂歸田計，何緣又北征。  
孤城寒角斷，千嶂一燈明。  
故國輕離別，舊交半死生。  
旅裝午夜起，前去有長程。

秋征

西梵蹉跎客，可堪澤畔吟。  
羈心懸兩地，獨夜聽孤砧。  
葵藿晨餐足，桑榆古刹深。  
愁苗催老大，花落不歸林。

自渾河入西巖舍舟而陸作

傷心行舊路，山漏促鐘鳴。  
汲水千山動，揚帆兩岸空。

巖捫乳溜破，墓畏鋤聲駐。  
馬分岐路冷，然孤客情。

新構山居古逸移樽賦懷

少日親朋半逝波，流光催鬢鬢全皤。  
老無面目還鄉井，閒有心情伴薜蘿。  
溝壑未填收汲孺，屋垣不治媿蕭何。  
正愁蔬茗難畱客，蓬華勞君載酒過。

感事示同遊

流光不暫住，迫促成衰翁。  
敢望歸秦壁，任從失楚弓。  
尚能工飲噉，或可免疲癯。  
有勝無難濟，捫危獨躡空。  
狂歌還痛哭，自怪老頭容。  
敬石纏懸蔓，曲樓避偃松。  
如何緩脫檻，又復鳥投籠。  
村酒沽來易，頻澆磊砢胸。

題山居壁



長年托鉢向誰攀  
僻徑孤筇自往還  
久已拂衣辭鳳闕  
何妨卜築老燕山  
碧澗波澄潭底露  
蒼巖雲破石門關  
塵情遮斷夤緣絕  
捐扇何曾望賜環

贈方石和尚

經臺傳惠遠對我說南宗  
不必三搥鼓偶然一扣鐘  
蟬聲咽細柳鶴淚灑橫松  
家業先疇在呼童伴雨春

老來

老來狂未減官罷興偏增  
專已吾何敢因人我不能  
無勞冠二寸正戀酒三升  
杖策山尋好雲峰隔幾層

探泉山麓

艱虞悲往事重話更傷心  
舊路長羈滯頽顏久老蒼  
泉

喧心曠放巖陟足周章  
何處尋仙局子聲落石牀

山居

山居無長物雲月是家私  
老枕耽癡夢巧蛛織亂絲  
鳥啼人醒後花發露濃時  
自喜幽栖僻時流那得知  
殘虹挂絕壁結構在何峰  
隔岸深溪棹斜陽古路蛩  
單牀欹亂雨高卧數疎鐘  
我亦倦游客長從塵外蹤  
花塢脫羈繫予懷罄所宣  
放泉驚鹿夢漱石攪鷗眠  
那得憂埋地絕無騷問天  
嵌空心廩慄高望已怡然

築毛香令墳感賦

月明新塚更凄清  
空勒豐碑記姓名  
蘚覆石牀賓徑斷  
夜臺難覓苦吟魂



栢巖禪院

息影空山裏，愁聞鄰笛聲。孤蛩吟曲砌，好鳥話前榮。

屋

之兩頭起者香鼎纏煙縷，泉筒溜茗鐺。蕭疎名位外，澹

月石房清。

宿西巖新構山居

萬壑雲埋晦跡深，蕭齋不許客來尋。半山煙雨跣跡久，清磬聲聲發道心。

山遊次韻

山空增野趣，瀑雨聽蕉鳴。客望題詩壁，僧敲避虎鉦。機鋒鏖戰舌，慧駕督心耕。壞道殘遊屐，鶯聲落石枰。

遊翠巖古寺

是處憑雙屐，捫蘿到梵宮。無風烟鬱鬱，不琢石玲瓏。曉漲橫汀白，花燒夾路紅。分光開翠嶂，流沫聽懸淙。

住寄園偶賦

自幸閑安免餒寒，苔淡嵐嫩我心寬。煎殘膏火龔生天，巖樹枝高早挂冠。

陶廬謝墅兩堪攀，半落巖花映老顏。真隱不須離輦轂，藏身人海亦商山。

夜坐有所思山牕忽曙

一筇雙屐罷茶會，結禪居靜聽知。更雀無勞代漏魚，未言情繾綣欲卧意躑躅。月影當階直，藤蘿挂壁疎。

夏五出西巖次渾河古逸留飲



縣樓翳嶠翠空瀑濯椒丘峰矗疑山立水渾似土流石  
林聲瀝瀝煙塹徑幽幽轟飲成忙事橫題擘石榴

妙峰寺過午

香刹聳霄路凌空天半身千山今早沐眾卉一時新  
踏雲端路鳥衝樹外塵巖扉逢二遠鐺具付饗人

望抃孫來都肄業不至值癸酉夏五朔為抃二十

初度賦詩以勵

嘆汝荒文苑將無滅裂耘萬殊傳陸賦陸機廿歲賦五色

布韓雲韓琦二十登第唱名五色雲見既失三年學終為岐路分能如

仲郢毋嚼膽助兒勤

季夏五日小孫抃招同括蒼汪其兩端遼水王宛

先一元海昌陳澹成世培陳履仁麟北平于司

瀛棨新安汪紫滄灝汪瑜也士瑾會文寄園喜

賦一律

石潭雨過水痕清客集槐軒倒屣迎逐便分題無約束  
隨宜布席任縱橫時流搦管追先輩老宿嘔心畏後生  
小子何緣陪下座可能慘澹共經營

望日同會諸公再課寄園喜夏酉山荀慈從聖水

至汪搢書紳文自天都來次前韻記之

破甕牀頭酒味清主人簡略省逢迎瀾飛瀑布言泉湧  
鋒挺瑤壇筆陣橫家傍齊雲峰五老人來浙水石三生  
下帷帖括心勞甚輸我焚香易四營



望後一日夏子宛來西山王子宛先汪子紫滄其

兩紳文痛飲新又堂西山首唱即次其韻

青綸緝組自蕭森翠栢長垂十畝陰昨夜空天臨月蝕

十五夜護月今朝大地奮雷音遙來最喜高軒過曲庇長慚

大厦深半榻酣眠呼不出醉髡何處覓遺簪

癸酉抹孫以後學同朱漢源汪紫滄張允符汪瑜

也應北闈鄉試賦此勗之

秋色平分玉露溥青衫未浣瘦童顏糊名帖括甘籠絡

覓舉編摩析肺肝一幅疎簾殘竹晷通宵畫角敝氈寒

澹澹鎖院誰知己淡墨千人立馬看

癸酉十月廿日同潘雲從比部王宛先孝廉莫靳

支襄公宿德勝門外北頂翌日送殯長新店次

蘆溝橋作

傍城斜徑度河干昇輜晴郊骨未寒事定闔棺公目瞑

情平對簿我心酸戊辰河案同佛司農熊司空董制府于總河與公廷審乾清門蘆溝

曉月催行旒易水流漸濺白冠虔拜幽宮芻一束淚痕

灑落湧奔湍

數年未展故情懽送殯霜天夜已殘白簡流聲曾擲地

黃泉無恨莫題棺兒孫蒲伏哀苦席老稚輪流鎖井欄

近瑩一井村人鎖欄賣水會葬同哀梁棟折瓣香沃酌泣桑乾

贈烟霞隱者有序

歲庚子子寓都城峨眉古寺西陵顧子瞿甫每



行必以乚鸞隨偶焚其符有青老人降焉懸筆  
畫沙云梁上君子來窺公室予急返書齋偷兒  
踰墻走棄所竊於路予心異之當時程子奕先  
徐子敬庵與予同老人唱和有詩成帙今三十  
四年矣癸酉秋候補寄園舊邸夏酉山王宛先  
二子從焉暇日偶焚前符乚輒動自署烟霞隱  
者積日夜所著詩文富甚問青老人何在竟不  
知所向矣予囑作寄園十二月詩并贈予一序  
胡子鹿亭代書於壁閱之字字鮮新絕無烟火  
氣固知靈性長存不共朝市磨滅也詢姓氏言  
而復止者再二子虔求復書茗柯二字與酉山

鄉情頗篤知爲茗上凌忠愍公也公諱義渠甲  
申殉難服緋正笏觸柱流血焚生平著述繫帛  
絕吭死予生也晚未識公面邂逅爐香盃茗間  
前輩典型不遠安可無詩記之公有集義仍須  
養浩然句因次以六律時同座者姜西溟宸英  
潘雲從見龍何叱瞻焯于章雲漢翔朱漢源星  
渚王其百量慶五豐來張玉候淑胡鹿亭德邁  
錢蓼潛兆沆汪采臣炳紫滄灝洪雨平雲行待  
臣力行韜文炳行夏西山嗣荀王宛先一元子  
壻戴廷獻嘉猷姪仲琳珣子景從并書之

遐踪屈駕小堂前好月同邀筆墨緣勝代孤忠枯血淚



吟壇毅魄快盤旋憑空結構何鏗爾轉盼滄桑亦慘然  
運肘縱橫無不可先生豈肯作頑仙

隔世難逢忽眼前葦間終曲聽延緣靈符初化虬鸞降  
懸筆中停羽駕旋廸以鬼神思儼若臨之天帝想胡然  
清譚頓豁人心目無路相從不學仙

公豈無因至我前精魂默默結塵緣烏錐分手東西立  
蟻磨雙扶左右旋化蝶逍遙方塔爾御風儻忽已泠然  
竹筒久向牀頭置躍出門楣顯筆仙

龍蛇飛舞綺牕前高隱烟霞絕世緣北闕雉經無展轉  
西園鸞集任回旋是非立判推先見禍福相依覩未然  
正氣不磨長自在十洲遙降紫霞仙

浣手雙扶却復前今生靜理夙因緣同時束手難匡救  
一死卸肩亦幹旋未免有情聊復爾若云無鬼豈其然  
驚人警句開天趣不獨青蓮是謫仙

忠魂長往自無前隱几相尋亦勝緣青節不隨人俯仰  
丹衷日與我周旋穿緋搢笏巖巖甚觸柱焚書凜凜然  
泉路溟茫公獨寤何須服餌作神仙

同于章雲內翰是程侍御胡鹿亭中書王宛先孝  
廉汪紫滄明經夏酉山文學用虬題賦寒林落  
葉以霜夜紅于二月花爲韻韻各一絕

空枝倒影挂方塘樹杪高疎漏素光樵爨拾歸山骨露  
紅橋忽白一天霜



亂山起伏峰重疊狐帽貂裘閒步履高柳長槐廕庇疎  
當牕試茗燒殘葉

寒枝無剩好山空老樹孤根嘯野風飄落湘簾堆石砌  
頻添獸炭一爐紅

殘黃捲盡亂焚枯悲谷義車到日哺烏鵲愁無棲宿計  
老夫夢覺已于于

籬壁續翻甍客睡寒聲蕭颯神爲悴隔溪犬趁吠蒼黃  
掃徑燒鐺童子二

風力何如獨擊鵲遙從阮曲遊林窟紛紛不必嘆飄零  
亂舞層簷遮缺月

半空飄雨任橫斜止剩淡松覆舊家舞筆詩成頻拂拭

沙中旋轉手生花

二疊

遊屐雙擎過曲塘水紋破碎繪天光空林樸欏聲相向

畧約橫溪踏曉霜

懷抱千峰紛折疊石欄沙步印行屨蜘蛛懸網吐簷絲

林隙斜飛罨敗葉

長條無復舞晴空零落翻飛逐北風宮裏傳來多少葉

橫溝堆滿不流紅

漠漠烟寒萬壑枯荒林騎馬日將晡行廚終日燒乾脆

鋤草長畦別蔓于

蔓于  
蔞草

落木敲牕無穩睡霜天風勁形神悴柳何須五徑非三



人月孤行清影二

秃枝露立難遮鶻殘葉穿籬鋪石窟疑是飛泉雜雨聲  
疎林澹蕩吐纖月  
寒樹鴉歸點點斜忽驚葉響趁山家半空飛舞輕難下  
急束庭籬護舊花

三疊

山禽驚客翳林塘細踐苔痕曳綠光嘆爾豪華飄若葉  
倏然消化瓦溝霜  
行脚僧包新打疊閒遊踏破尋山屨霜清日午木聲乾  
苔徑青蒼埋槁葉  
飄落頻頻眼界空閣鈴細響急寒風殘黃鋪地氈逾厚

徑窄何曾踏爛紅

歸根繹絡立摧枯草閣烟淡失曉晡搖曳隨風無不到

萬千堆積壅軒于

軒于  
臭草

滾杯添茗妨清睡枯幹颼颼增客悴那得長青耐歲寒  
絲筵百箇松株二

撼樹風高驚病鶻扶藜直入烟霞窟嚴霜幾陣秃山毛  
入座半規誰抹月  
孤村葦路雪風斜黃葉翠微第幾家木末霜高搖落甚  
半弓隙地亦栽花

四疊

飄飄亂雨灑寒塘短日朝來射冷光搖落不歸甘四散



笑予殘鬢尚留霜

牕前鳥語兩三聲苦讀何人勤斫屨古壑風高響白楊  
寒聲滴瀝催黃葉

陳綠新黃總一空故林難戀趨霜風幾多擁塞無行路  
轉盼之間野燒紅

詩忙酒亂各搜枯不速朋來坐至晡遊續竹林思二阮

蛩然足響過雙于章雲是程兩于子後到

寒柯鳥啄驚酣睡搖曳空巖寒木悴誰似逍遙沈慶之  
無人時與馬成二

虬條失蔭悲蒼鶻萬點風翻雲水窟猶憶青青在晚秋  
小春又挂長橋月

乍別殘枝一半斜隨風墮落到人家杜關不許羊欣過  
恐碎園中滿徑花

贈張進士南旋有序

張子昆詒以外艱服闋赴都候選同行兒傳習  
獨倚樓下聞高堂病卽日儼裝獨歸孝哉張子  
嚼指痛心感名自神肯須更緩耶賦二律贈別

荒廚糲糲共殘臘到春天行笈方三月歸囊止一肩遠  
來酬宿好同學課精研月茗分清夜離懷亦黯然

倚閭空望母釋褐未除官聞命心如擣言歸路不難燈  
青愁影偶霜白怯行單驛舍誰相迓何曾客寢安

癸酉季冬朔于子楚樗北來下榻寄園感念舊事



賦贈四律

忽驚天外到相見接餘歡按劍牀幾剝盍簪冠不彈趨  
程勞蓐食適館樂泥蟠重憶辰春事今宵應鼻酸  
彈指六年別歡然枉駕過解推知己少險薄閱人多老  
樹飛寒瀑蒼巖泛白波逍遙易水上局外任悲歌  
門杜輪蹄謝心空萬冗刪吾安田舍拙客怪主人間開  
甕嘗陳釀薤了露假山澹然人事遠與汝共疎頑  
出山何不可其奈怯趨時久喜逢迎簡那堪趨走疲生  
今敦古誼求友得師資酬倡無虛日風情嗣陸皮  
春曉出城過增壽寺題壁  
荷插携壺去藏名畏世傳人忙十字路月暗五更天花

笑禽蜂鬧鶯歌桃杏然殘僧緣不了半座說枯禪

胡鹿亭中書移樽寄園與東之詢安宛先及子兒  
景行話別東之首倡予次其韻

到門山屣破新青半日閒行路幾經延客久無雙鶴立

寄園雙鶴飛去莫知所向懸乚尚有一鸞停鹿亭喜席門歡聚呼紅

友水面浮游數白萍白魚名南國朋儕翹首待勞勞話

別短長亭

十年高卧舊氈青未入明光老一經盛饌邀賓羅水陸  
荒墩屬我愧居停錢江遠隔千山夢遼海遙浮萬葉萍  
不得中郎精鑒別空畱椽笛守柯亭

小園雜樹早葱青通籍何年尚帶經縱是鵬飛猶六息



何堪駒逝已無停  
驪珠項下驚  
麤粉薪蠟堂前擣  
韭萍  
携酌不須勞  
地主同游山谷四  
休亭

屈指春歸草幾青  
可憐皓首尚窮經  
多年服餌人難老  
念載丹鉛手不停  
駿骨空披千里鬣  
鴨茵長藉一池萍  
棟花風信何時到  
匹馬殘陽數驛亭

嶧庵汪老年翁以倉糧受累羈潞河者八載今得

歸新安故里約過寄園言別次余曼翁韻賦四

律贈行

患難餘生又幾年  
荒涼逆旅卧籬邊  
六時寂寞增孤憤  
八載羈離任左遷  
故國知交多下世  
同僚飾說竟欺天  
白頭削籍歸何日  
骭髒難堪衆目憐

春去花殘歷亂飛  
家人絮語鍵雙扉  
叨恩臚唱懸黃勅  
獲罪杼投着赭衣  
安與身長傳瓠白  
想來色美食糠肥  
河堤新柳垂垂長  
青眼看君皓首歸

遲爾荒園踏落花  
淹留轂下我忘家  
官生磨蝎宜多謗  
手螯釣蛇不復誇  
繡篋長傳虞帝竹  
青門好種邵侯瓜  
鶯花是處催人老  
羸馬西驅落日斜

悲公老淚落成河  
畏路真同大小峨  
不復縱譚櫻世忌  
漫將積恨向空歌  
東西二路悲紅粒  
黃白千峰覆綠簑  
歸去鄉人驚老瘦  
傷心益悔讀書多

寄園雅集賦得孟夏草木長

草色浮穹蒼  
萬聲響花谷  
解簪謝塵緣  
抽繹快健讀枕



漱籬落間抱甕灌叢竹斷續悲泉琴石隙蕉烟簇身退  
樂孤高城根卜幽築芽甲漸華敷莪蒿骨疎木曲徑坐  
文茵修籬盤矮屋向旭別暄涼發榮任遲速葩卉互鮮  
新在在觸心目迴複萬峰青山翠遙可掬

松槐夾路淡巖綺粲虛谷亞壁題琅玕仰面歡疾讀好  
鳥啄殘叢石瘦穿籬竹春老別花歸紅飛綠簇簇香林  
蝶蜂忙深雲護小築博塞孰稱雄我久拋五木蒼頭懶  
芟薙蓬茅高于屋薄饌具魚蔬客來總不速萬峰秀重  
重延眺紛遊目水色涵天光青蒼手自掬

負約慚向禽塞竇棲愚谷贈燈嘆吾衰高眠書懶讀前  
除花藥深碧梧廕翠竹雙槐市地陰新蓬青一簇狼籍  
雨篩簾我圃及時築礪曲咽泉聲參天十四木雷響黑  
雲屯欖泥補漏屋仕路久蹉跎可無忌太速萬岫橫山  
巔清真豁雙目同坐蒼靄中水月真堪掬

花萼秀庭除竊比王官谷何事乘蒲鞵挂角行且讀夾  
道排松槐後堂乏絲竹了了見太行幾許雲霞簇披簑  
負長鑱春杵勤版築紅欄一徑分長藤挂古木延客繫  
舟居擬是思光屋深井響輓轡機心何太速我懼龔于  
官誰復屬耳目沾酒盛村釜快飲盈一掬

送姪廷發同其舅氏程香升之任連城

燕邸愁分手驪歌入酒卮甥真能似舅姪敢謂猶兒作  
宰良非易使民不忍欺三年期報最人地恰相宜



王宛先下第南歸未果初夏遊晉陽還遼水次韻

贈慰

南棹何曾返西行又麥秋路遙勞旅夢花落數離愁策  
馬歸偏緩干人意獨稠太行多少驛新句徧山樓  
垂首閒園裏驚看髮早秋屨簷纏別恨貧病伴歸愁籬  
隙紅藤裊松門翠幄稠  
隙禽憐客去叫老舊書樓

程子禹門赴補中書以倡和詩見寄用次原韻

兩家家住海陽濱帶水縈紆隔市塵黃白山深潛逐客  
犀魚佩響起羈臣宋霍瑞友再起中書科命服紫犀銀魚紫薇值閣袍重  
染紅藥翻堦褐又新我亦無端彈劾去重來怕見立朝  
人

十六年來老漸濱誰為遷客拂冠塵尊鱸久作三休客  
蟣蝨猶留一小臣當日愁聞投劾去今朝喜見賜環新  
蒼天矜視驕勞別萋菲心傷太甚人

程子孚夏經歷黔中賦此贈行

塞竇容予懶似裝念爾忙一軍參幕府萬里宦黔陽別  
酒傾岐路行旌過故鄉多年疎菽水亦足慰高堂

甲戌仲冬十二夜全李南枝于樗鄉汪紫滄侯來

英唐百谷潘若干寄園踏月南枝首唱余次其

韻

簷步白相映忘疲典未頽勿嫌二簋儉不速三人來夜  
漏敲鄉思寒聲歛嘯臺燈牕纏薜荔門向槿籬門



嚴柝傳更箭霜花結白髭人叅玉版座時餐冬笋幕列蓮花  
池香篆空聞後茶槍半展時光天寒破睡淨水凍軍持

前題和紫滄韻

雲林虧蔽萬聲清反側愁予待啓明

予先睡不寐

凍瓦裂成

金谷響寒蟾曳去玉山行君投靜幕扶持薄我列閒曹  
去就輕譚劇時揮長柄塵深更牕白擁書城

甲戌嘉平廿日立春次章雲韻

一年頭尾兩延春左宦遙呼拜黼宸冬盡昨宵將獻歲  
臘殘今日未終旬寒知協律時開子菜愛堆盤節受辛  
斗柄東廻天意換陳人也逐物華新  
寰中日昨共鞭春綵勝斜簪集禁宸織管飛灰纔頃刻


細腰擊鼓已兼旬月歸樹嫁花萌甲氣淑風條味變辛  
舊曆翻殘無半頁土牛釵燕一時新

最喜頽齡又入春慙無一得佐光宸驚心市爆喧中夜  
轉瞬鄉儺舞下旬敢以苦吟嘲老杜不妨酣醉作迂辛  
從茲凍解龍池後花笑鶯歌點綴新

旅食燕山已五春靜看兩大會中宸吏爭青幘招三素  
酒酌黃柑釀十旬偶爾迎陽吹管籥何曾導月挹庚辛  
韶光戀戀堦中樹梅發寒香晚更新

乙亥十月成夫子遠訪燕邸兼旬東歸賦此誌別  
忽報山東二騎過遠乘夫子歷關河鞠躬手挽童顏粲  
對話心融老眼摩四十五年師弟少千三百里驛郵多





P24-P115



但期面命常來此國杖頻頻破雀羅

時夫子年七十五

贈馮楚瞻兆張

有序

馮子精岐黃術丙寅秋子病幾不起服馮子藥而痊當時五言贈行稿失矣乙亥冬馮子復來京師以所刻錦囊秘錄惠教予贈言已人集中蓋欲以獨得于心者公之世人也其書必傳夫醫有名而不得于良者有無名而良者馮子殆兼之矣

携琴來帝里名已聞諸侯肱不勞三折病仍戒小瘳林  
溪杏廣種井鑿橘盈疇原無書可讀意解不芴搜

萬青閣詩餘目錄

卷之九

邁陂塘

羊山訪長逸先生時兒景行肄業山中

雲僊引

同鄭雲植李分虎薄暮登虎丘宿萃勝閣

搖江

京口渡江懷古用李分虎原調

揚州慢

遊平山堂

十二時



借寓山陽黃蘭巖副使園公子大宗移尊賦贈

暗香

題閻公再彭妻梅圖

百字令

壽張子虞山尊慈撒太君

白苧

戊午小春廿九日雪霽會葬閻封君十里塘陸

去肆國博邀過墓祠同劉六階主政程婁東蔣

荆名楊岷瞻諸子席地暢飲

大酺

已未重三偕曹秋岳司農楊靖調銀臺劉海門

岡卿濤柱掌垣黃伯和太史龔衡圃主政龔半

千周雪客邵得愚諸子家采嶽襄文清涼山修

禊並過隱僊庵二知園漏二下始歸

綺羅香

秦淮午日

水龍吟

潞水寓園二闋 戊辰五月

聲聲慢

蓼庄鄉居過午節簡劉子端鴻臚

秋霽

草堂詩餘于此調列朱希真隲括東坡前赤壁



賦子和原調集賦字填一闕

賀新郎

草堂詩餘于此調列宋謙父櫟括東坡後赤壁賦子和原調集賦字填一闕

憶舊遊

集醉翁亭記字填詞

臨江仙

前題集記字

蝶戀花

前題集記字

萬青閣詩餘

漸岸趙吉士天羽著

邁陂塘

羊山訪長逸先生時兒景行肄業山中

甚江聲遠來山麓到門剩有漁艇黃花落盡楓林赤又

了一年秋景扁舟興嘆數載浮家泛宅渾無定時寄家

重開蔣徑愛聽小兒曹書聲嚶啞永夜伴燈影移情

處已謝當年簿領甌圓淺泛清茗絳紗女樂終為累不

若先生囊罄離此境曾記得舊時病飲蘇耽井今來有

幸喜月地霜天巒烟嶂雨供我輩吟咏

雲僊引

萬青閣詩餘

頁六



同鄭雲植李分虎薄暮登虎丘宿萃勝閣

喚起真娘呼來短簿欣逢孫阮同登南山赤夕陽明當  
年五人憤懣袞袞秋江流不平搔首畫欄孤錐玉立萬  
堞烟凝一池誰判淄澠看老樹枯藤引佛燈洗去塵  
氛淒涼多少冷我宦情客夢甫回踈碁斷續若個譚經  
鬼夜聽可中亭下千人石上謾謾松聲

搖江

京口渡江懷古用李分虎原調

捲盡秋濤金焦劃斷烟光濶六朝景物付滄波無路尋  
吳越天末青山一抹是何人錦袍坐月夕陽斜照江樹  
荒涼海雲殘缺風挾山鳴魚龍噴薄飛晴雪遙看南  
北兩三峰長嘯江流咽着我中冷片葉頃刻間穩過百  
折浪遊無了對此茫茫自然愁絕

揚州慢

遊平山堂

霜岸粧樓草橋畫舫隔林幾處烟鐘望江南無數碧浪  
瀉雲峰廬陵子構堂以後春風楊柳歲歲啼紅到而今  
欄檻依然半倚晴空何方歌吹杜郎夢斷竹西中想  
北海荒陵東山老檜曲徑遙通已是小陽春候猶留得  
半壑秋容嘆劉蘇難再風流誰繼遺蹤

十二時

借寓山陽黃蘭巖副使園公子大宗移尊賦贈



面重湖淺堤栽柳小舫尋幽堪纜同踏葉赤欄橋畔幾  
處亭臺行遍千日疏渠萬夫昇石做就溪山幻因下榻  
得佳爲佳晴雨一窗添得吟香詩卷 外臺人角巾嘯  
咏往事風流雲散少長後昆樂爲地主總是烏衣彥載  
玉尊醉月客愁減了一半 記舊遊名家金谷轉眼滄  
桑都換江北江南園林無恙近在淮陰岸把手同舒嘯  
低徊大河雲晚

暗香

題閻公再彭妻梅圖

玉聯環斷彭公檢遺篋得玉環愛玩戚嘆青綾幃撤一蒲  
非昨一蒲庵爲彭舉案無人硯北窗南意蕭索孫楚情

文交至憶冰姿倩描藤角萼綠華應是前身蝶夢此時  
覺 清酌倚吟閣伴紙帳昏燈枝橫香幕慰君寂寞不  
在溪邊與籬落令子銅龍應詔時百詩應聘入都正滿樹五花  
將着勝孤山林處士不添嘆鶴

百字令

壽張子虞山尊慈撒太君

紗帷壽母是麻姑仙侶向人間謫繡憶當年隨五馬百  
粵山川曾歷夢感香蘅歌聞寡鶴苦節同松柏珠擊掌  
上挑燈口授篇帙 卽今海內知名門盈車騎簪脫供  
賓客處士星輝依寶婺長照北堂華席萊袖承歡潘輿  
笑御百歲非難得八旬設悅桃花持比顏色



白苧

戊午小春廿九日雪霽會葬閭封君十里塘陸  
去肆國博邀過墓祠同劉六階主政程婁東蔣  
荆名楊岷瞻諸子席地暢飲

脫征衣借山館小春過了新阡會葬十里橫塘路杳坐  
輕篋曉風迎面冷茸帽昨夜六花飛看一色野田鋪縞  
相逢素車都是長淮舊好陸氏莊主人邀飲期同到  
林杪蕭疎敗葉掩映閒門呼童除徑裙屐團團藉草醉  
紅友陶然接離誰倒荒郊良會勝綺席張燈舞衣歌調  
野色寒光破我羈懷又墮殘照烟暝高城歸趁飛鴉小  
大酺

已未重三偕曹秋岳司農楊靖調銀臺劉海門  
同卿瀟柱掌垣黃伯和太史龔蘅圃主政龔半  
千周雪客邵得愚諸子家采嶽襄文清涼山修  
襖並過隱僊庵二知園漏二下始歸

肯負春光蘭亭又誰用鼠鬚蠶繭石城潮響苔喜王裴  
張樂清譚混混指點紅粧酡顏未睡墻外垂絲一半逢  
花須留客問偏提有幾頻斟冰盃且驚望空天三山風  
起落帆江岸繞城如疋練是雲樹都入遊人眼還曳  
履林闔院眇睺風烟兩黃鸝啼殘欲斷六代繁華歇  
萬屋下午陰圓淺剩得吾曹高詠隱僊何處忽聽馬嘶  
芳甸仰看參橫斗轉



綺羅香

秦淮午日

艾結天中絲牽夏五又見篁新梅熟屈子江潭何事浪  
投魚腹漫尋他千載騷魂誰知我多時蒿目盛張燈似  
上元時繡簾畫舫春長續 問江湖添幾尺十二鐙船  
過兩邊絲竹鼓中搗愁聽教坊遺曲歎水嬉剩得繁  
華念匡坐已忘馳逐照眼來隔院榴花一枝聊免俗時久

謝客

龍吟曲

潞水寓園二闋

戊辰五月

春歸何事懊惱槐陰匝地新鴉噪桑樞停轍花檻雷雨

夢迴清曉昔日黃門今日青門種瓜多少看斜陽古路  
參差萬堞羈人且登眺 又是端陽近了新蘆細柳城  
根遶苔荒薜古花淡竹暗舊園誰掃桓笛數聲謝屐幾  
兩何堪草草一別紫禁青蒲還家今苦不蚤

袞袞塵沙較小野色蒼茫路杳渺空青曳綠亂紅搖碧  
都付殘照半道柴桑千里尊鱸烏勸歸好喜群嬰繞膝  
解語學步方纔離襁褓 雲絮吹來漸少放開青眼看  
人老蕭蕭短髮愁根不絕傷我懷抱北郭東籬西園南  
浦儘堪舒嘯從茲布襪芒鞋桃花流水一棹

聲聲慢

蓼庄鄉居過午節簡劉子端鴻臚



泉聲漱玉竹葉浮金年年高會花茵今日獨醒香蒲靜  
甲騷魂且看絲纏角黍小兒女釵釧紛紛莫太息交情  
此時見雀應羅門 重午明年何處嘆流光一瞬誰識  
寒溫散髮披襟湘簟早展雙紋荒鷄聲本不惡着先鞭  
轉讓劉琨無一事對青山寂寞黃昏

秋霽

草堂詩餘于此調列朱希真櫟括東坡前赤壁  
賦予和原調集賦字填一闋

蒼茫千頃水空赤目瞬山光共色流不長清生亦如寄  
哀樂各懷今昔登舟醜泣縱泛星海止此葉吾喜凌虛  
舉杯獨接月且飛白 望京江驟破怨東風笑曹武悲

烏無所適壁上觀又何橫絕斯須戍卒盡波逝露下天  
風吹坐席有懷彼美斗酒相歌嗚嗚取之蘭籍莫問社

賀新郎

草堂詩餘于此調列宋謙父櫟括東坡後赤壁  
賦予和原調集賦字填一闋

月出山橫渚過江來止見半壁有客相與坡霜落葦安  
魚網巨細遊鱗盡舉高呼酒人無小戶長嘯一聲上下  
肅夜如何其久將謀去泥中薄清露 湧起西風悲日  
暮巖幽岸斷復從舟孤行幾處我攀巉谷登不得俯仰  
臨流反顧望子攜歸須降步鶴夢不驚翅自攝長留東  
臯荅予語脫履就睡適然悟



憶舊游

集醉翁亭記字填詞

望瑯琊秀蔚霜白蒼巖泉瀉幽聲高峰翳出日少時賓  
從至雜錯風亭不識故山歸路絕壑野僧行雲影變朝  
陽四游魚樂澗樹禽鳴 頽頽應酣飲呼竹溪六客陳  
款交觥最喜繁陰去中之意自得不醉而醒散髮香林  
上下石亂水能清此翁知爲誰歐陽太守號廬陵

臨江仙

前題集記字

雲不出山山漸翳僧廬應在峰陰芳霏雜樹轉文禽幽  
泉瀉暮壑風日變朝林 此去爲誰開此宴聞聲歡樂

同心高亭呼白客來臨暝歸暄醉石溪路已澹淡

蝶戀花

前題集記字

白石芳巖環野樹六七溪翁喧雜漁歌錯陰壑香澹衆  
鳥呼坐間絲竹清聲作 爽射林泉誰勝負攜酒酣游  
醉絕西陵路水木蒼蒼雲漸散行人回望諸山暮



萬青閣詩餘跋

自將軍女郎之說起詞家專以香豔爲正派予嘗不服其論偉然丈夫何至粉面脂唇掩袖低聲盡態極妍作兒女形狀耶然有周秦不可無辛蘇自屬兩派未得交譏顧命題何如耳今讀天羽先生詞蒼涼宕折感慨係之使我神情開滌矚宇飛揚自是英雄本色山陽同學弟張養重虞山氏敬題





Faint, illegible text, likely bleed-through from the reverse side of the page, arranged in vertical columns. The text is mostly obscured by the watermark and a large dark smudge on the right side of the page.



